



UNIVERSITÄTS-
BIBLIOTHECA
VINDOBONENSIS

18782

Kalkompa

I

Mag. St. Dr.

P


80

12 48.



Pravo. 7276.

1887. C. 19.



Doublet.
ALEXANDRI
MAXIMILIANI
FREDRO
DOUBLET
GAZ.
MONITA

POLITICO-MORALIA,
HONORIBUS
ILLUSTRISSIMI DOMINI
FRANCISCI
FERDINANDI
S. R. I. Comitis à
SCHRATTENBACH,

DUM

In Alma, ac celeberrima Uni-
versitate Græcensi suprema AA. LL.

& Philosophiæ laureâ ornaretur

PROMOTORE

R. P. IGNATIO KAMPMILLER,

è Societate Jesu AA. LL. & Philosophiæ

Doctore, ejusdémque Professore

emerito,

A NEO-DOCTORIBUS COLLEGIS

Dedicata.

Anno M. DCC. XXV II. Mense Augusto Die VI.

GRÆCIJ, Literis Hæredum Widmanstadij.

INSTITUTUM
MAXIMILIANI

BIBLIOTHECA
VNIV. IAGELL.
CRACOVIENSIS.

187827

A. Volpi:

ILLUSTRIS SIM E
Excellens, ac Doctissime
DOMINE DOMINE
NEO-DOCTOR.



Um Illustrissimo Nomini Tuo
novos Philosophia triumphos
apparat, Nos iterum, quibus
Te Duce, & Comite laureatos esse licet,
in honoris Tui theatrum succedimus.
Non venimus supremam gratulari Ma-
gisterij lauream, quæ primo Tibi loco de-
creta est, (neque enim Te sic ornari fa-
vor est, sed debitum) nostri duntaxat in
Te animi tributum pendimus, quale
præclara Tua virtus, & quam à teneris
combibisti, insignis eruditio, efflagitant.
En itaque Monita politico-moralia Ale-
xandri Maximiliani Fredro, Illustris
Castellani Leopoliensis munus, vel
ideo honoribus Tuis illustrandis oppor-
tunum, quia concinnatum ab eo, qui
magnum olim, quale & Tu hodie efful-
ges, Græcensis Philosophiæ lumen, qui-
que subinde inter Polonia Regni Magna-
tes

tes relatus, ea pro Republica præclare ges-
sit, qualia & Tu aliquando geres. Ne-
que ex vano istud de Te auguramur, Il-
lustrissimus quippe, ac pervetustus san-
guis Tuus, mens scientiarum capacissi-
ma, indoles ad summa quæque nata,
maxima de Te sperare omnia nos jubent.
Sed non est, quod meritis hîc Tuis elo-
gium texamus, majora sunt illa, & no-
tiora, quàm dici à nobis possit. Istud
interim indulge, ut dum magistrali lau-
ro Verticem Tuum Aristoteles hodie cir-
cumdat, nos folia isthæc, quaecunque in
Te animi pignus, Illustrissimis Tuis ma-
nibus inseramus. Erit, ut vel inde in-
telligant posteri, quantum Nomen Tuum
in nostrum animis, quantum in spe pa-
triæ fuerit, ad cuius pulcherrimas spes
dum excrescere Te omnes gratulamur,
perennem unâ felicitatem advoquemus

Honoribus Tuis

Addictissimi

NEO-DOCTORES
Philosophi.



MONITA POLITICO-MORALIA,

SECTA

Quomodo vivendum cum paucis,
cum populo, salva Virtute, Gratia,
& Authoritate.

PARS PRIMA POLITICO-MORALIUM.

I.

DEUM publicè, & cum apparatu cole,
ut tibi factio, aliisque proficias exem-
plo, virtuosum nomen, non ex vano
paraturus, eoque potens.

2. Sobrius sis, ut eveniant tibi res sanæ, &
sobriæ.

3. Omnia seriò fac, & cum gravitate, nun-
quam obiter; Immo lentè fac, nec prope-
ranter. *Currendo, non rependo, fit lapsus.*
DEUS cum magnificum opus mundi aggre-
deretur, & momento in unico, pro summa
potestate potuisset creare perfectum totum,
prout patuit, immò fecit: sed cum humano
modo factum orbi repræsentat, sex velut dies

A

in-

insumpfit operi, ut monstraret mortalibus, magna, nisi sensim, posse fieri correcta, perfectaque; vel quia magis magnificatur opus, cui non obiter immoramur faciendo. Vis rem benè habere? Lentè fac, & sæpè corrige. Re ipsâ experiere, reperturum te vesperi, quod corrigas, quod manè actum, aut habitum ex perfecto credidisti.

4. Sis publicè munificus sine jactantia, & prodigalitate; *perdere multi sciunt, donare nesciunt.*

5. Non impera, non pete, nisi quæ obtinere speras. Qui impossibilia petit, non vult habere, & simul vult offendi. Idque per alios petes, nec satagenter. Non obijce statim auctoritatem; sæpe quæ nimis petimus, nobis neganda præcavemus.

6. Non promitte, nisi quæ præstare potes; ne levitatis arguaris.

7. Non dic, nisi quæ vera, & sine invidia audientium.

8. Frustra minas intendis, si timeri non credis: potiùs præoccupâ contemptum minarum, dissimulatione.

9. Meminisse magis oportet, quàm irasci, aut dolere. Infra tuum animum esse doce, quæ acciderunt, ac potiùs per risum habe.

10. Nec te lauda, nec vitupera; ab hoc contemptus, ab illo invidia paratur.

11. Non mirare, non canta, non lude, ut leviusculus.

12. Non sæpius quære, potiùs scientiam, quàm nescitiam simula.

13. Quæ tibi difficilia, aut ignota obijciuntur, tacendo excipe. *Stultus quoque si tacuerit, sapiens reputabitur.* (Proverb. Salomon.)

14. Non crebrum, lentum, non affectatum, & propè ænigmaticum sit alloquium; sed tamen librata nimis & eluctantia verba, fastidium, immò suspicionem, pariunt audientibus, & cathedram sapiunt. Solutior nonnihil sermo, magis familiaris est, velut de Petronio Tacitus: *Cujus dicta, factaque, quando solutiora, & quandam sui negligentiam præ se ferentia, tantò gratiùs in speciem simplicitatis accipiebantur.* Circa familiare vitæ commercium cum amicis, in condimentum convictûs, probaverim; in publicis tamen actibus, gravitas sermonis præstat.

15. Si vitium loquacitatis pervincere studeas; statue non quid prudenter loquaris, sed quàm diu per intervalla tacendum (licet opportunè dicenda videantur) & vinctes. Aliàs opportuna dicere cùm studes, ad importuna erumpes. Rectè ille ait: *Loqui me aliquando pœnituit, tacuisse nunquam.* In nonnullis tamen loquitur bonus candor & zelus, in nonnullis inquires genius, & dicacitas, dum inquascunque aures inciderint, ut confessorum intimorum judicemque sine discrimine personarum sibi statuunt; unde produ-

16. Nonnulli dum esse sinceri nimis volunt, incauti fiunt: proditores veriùs sui, quàm in amicitia aperti: cùm dicenda, & tacenda pariter effutunt per levitatem.

17. Quisquis blando vultu dicentes audit, iisque comiter respondet, pariter agit, ac si humanos animos, in potestate sua, referendis affectibus, dum vult, habeat. Quæ virtus inter potiores (civium) parandis hominum & Provincialium animis, censi debet. Si verò secus rugosâ fronte, obiterque dicentem audias, respondeâsve; licet illi gratiam postea facturus: quid juvat, etsi obtineat, qui cupit? cùm à nolente & moroso profectum habet animo, non ut datum, sed velut extortum, ac potius projectum: ut pluris sit, blandam negationem retulisse, quàm morosè obtinuisse concessum. Exinde usurpatur vulgò dictum: *Etsi non obtineat, habet tamen velut acceptum, qui se amicè audiri videt.* Tum illud: *Ager animus, dum ad satietatem enarraverit, quod vult, equiparatur obtento.* Vidit orbis, nunc & olim viros Principes, aliàs magnis animi dotibus præditos, sine hujus virtutis condimento, parùm valuisse in vulgus, aut, quod pejus, in odium publicum incidisse. Exinde rectè de Toletano Albæ Duce quidam observatum reliquit; ut propter suum triste & fastuosum, neque ideo civile aut sociabile, ingenium, ne ab iis quidem amaretur, quibus benefecerat.

18. Vestitus propius magnificentiam sit, & authoritatem, quàm quæritam ostentationem, aut luxum.

19. Gestus gravis, non melancholicus, aut effusè hilaris.

20. Absentiâ sæpe authoritatem tueâre. *Continuus aspectus, minùs verendos homines assiduâ satietate facit.*

21. Verissimum axioma: *In ignotis magis dilatarì animum.* Exinde sæpè æstimamus magis longinqua, quàm proximiora; audienda, quàm audita; videnda, quàm visa; habenda, quàm habita; pollicita, quàm data aut accepta; scienda quàm scita; & futura, quàm præsentia. *Sic* Majestati major è longinquo reverentia, & omne ignotum pro magifico. *Sic* Authorum ignotorum opera magnifica habentur; viso authore vilescunt, magis que post funera inclarescunt facta, & virtus nostra, & nomen. *Sic* major de absentibus personis opinio; nam satagentiùs ab ignoto quæritur, aut imaginamur: *Quis ille?* quàm ut dicatur semel in præsentia: *Hic est.* Nec gradus amplius datur, quò vadat animus; cum vilum & scitum, plenè sub oculis habetur. *Sic* (per varia eundo) pericula castrorum magis terrent longinquos domi, quàm milites pro vallo stantes, & vulnorum spectatores. *Sic* nova subsidia medio in prælio ex ignoto in hostem immissa, licèt pauca, sed quia sub specie ignotarum insidiarum veniunt,

plūs terrent hostem , quàm acies numerosa , oculis subiecta. *Sic* puerorum minoren-
nium aliquando delectamur plus ætate , quàm
forſan æſtimaremus ex integro ſtantes ; nam
integrum quod eſt , oculis totum ſubjicit , &
limitat , aut circumſcribit , mentem , nec ul-
tra procedit animus , atque imaginatio , non
latius extenditur , quàm ſenſus : de ruinatis &
in integro non viſis , plūs imaginamur , exten-
dendo mentem per diverſa , quàm forſan erat
in rei veritate. *Sic* abſentium ambigui ſer-
moneſ ſunt magis læſivi , dum ſub latiore
interpretationem cadunt : in præſentia effati
condonantur levitati verborum , ſeu ingenui-
tati dicti , tùm circumſtantiis perſonarum ,
temporis , rerum , loci , jocorum , diſcurſuum ,
occaſionis , quæ ſæpè minuunt offenſam , dum
in præſentia , prout in ſe ſunt , capiuntur , ne-
que delatorum malignitate torquentur ; ſi
præſertim illi exaggerando ſtudioſè iram ſuc-
cendere amant , cui rem deferunt. *Sic* vana
licèt ſpes ex licentia ditelcendi , & exſpectatio
futurorum , tum incertorum pollicitatio , plu-
res quandoque affeclas habet , quàm certum
bonum , quàm merces & ſtipendia ; ut veriſ-
ſimè à quodam ſit obſervatum , & à me alibi
dictum : *Gratiùs eſſe hominis animo aſcendere
in parvis , quàm perſiſtere in magno , & per
partes , quàm per totum ; tùm illud : Quæſita
in pretio vulgaria habitaque contemnuntur ,
In pluribus opinione laboratur.*

22. Non dictum, factumque repete, quò major insit ex raritate verbo reiſque authoritas.

23. Cum Gravibus ambula: leviculorum conversatione delectaberis quidem, sed tandem deturpaberis.

24. Non ælimatos, juvenes, minorennēs, temulentos item, verbo; multò magis conversatione vitabis.

25. Quæ cum dedecore in præſentia dicuntur, aut fiunt, modèſtè reprehende, aut abi, ſubtracturus ab ea indignitate oculos & aurem: multò minùs ipſe fac, ne velis placere aſſenſu, quod eſt propè levitatem.

26. Negotia (*quoad tutò poteris*) per alios tenta, fac, impera, vide, cura. Leviorem jaſturam rei credas, quàm authoritatis: immò admonebis corrigendos, non ipſe, ſed per alium; ſic vitabis præſentem exacerbationem, nec facies periculum tuæ præſentiæ, quæ niſi opinionem, quòuſque ſit non vulgaris, ex raritate habet, gravioribuſ tantum negotiis reſervanda, ut ſemper penèſ te reſtet, quò in majus, dum viſ, rem urgere poſſiſ. Non aſſum exinde, ut nonnulli Commentariorum iniquè interpretantur, ſed potiſſimum perſpicacitatem Tiberij (ap. Tacitum Annal. 1.) obſervare licet, qui exercitum in Germaniis tumultuantem tantum per filios adiri voluit, *Majeſtate ſalvâ, cui major è longinquo reverentia, ſimul adoleſcentibuſ excuſatum, quadam*

ad Patrem rejicere; Resistentibus Germanico aut Druso, posse à se mitigari, vel infringi. Quod aliud (Nota verba) subsidium, si praesentem Imperatorem sprevissem?

27. Nunquam effunde totam simul familiaritatem, & amorem; vel effusus, lentè fac & pedetentim. Potiùs intendatur amicitia, quàm intensa sit. Habenda petitur, habita ut vulgata relinquitur, & facietate vilescit. Erravit ille, de quo annotatum: *Milites suos commilitones, novo blandoque more appellans, dum affectat charior fieri, auctoritatem principis emolliverat.* Sub initijs praesertim cavebitur effusione officio, aut favore, tum gratiâ ne aliquem prosequaris; sed facies intra moderationis terminos: dum enim intensi actus lassantur, quæ agenda tractu temporis sequuntur, vix iisdem principiis respondere possunt; pro injuria verò reputatur, diminui, tùm auferri, in cujus possessionem semel involavit animus.

28. Hinc sequitur, ut non solum affectus *Amoris* (aut secus *Iræ*) sed prudentiam ipsam per modica, nec affectatè ostentemus, dum æstimari volumus; nam pro vana ingenij ostentatione dum per familiares discursus effundunt se totos aliqui, nimij commemorandis rebus, loquaces & affectati, quasi nihil in postremum pro subsidio novæ objectionis relinquentes, dum opinionem prudentiæ, & exinde auctoritatem sibi parare cupiunt, potiùs eam

eam perdunt: similes forensibus licitatoribus, cum levioris momenti res & crepundia ad nundinas ferunt, per obvia fora institorias tabernas ponunt; alias non querendi, nisi emptores quærent ipsi, & essent in obvio. Jam verò, pretiosarum mercium venditores, ditioe lucro negotiantur, eo ipso æstimationem mercibus posituri; dum sine ostentatione, satis habent sciri de mercibus, & quærentur, ut vendant, non quærent affectatè emptores. Quidquid igitur æstimatum haberi volumus, in affectu nostro bono (aut secus contrario) seu in ratione agendi, lentè, tum per modicas partes exerceamus; ne plènè satiemus, semper aliquid in potestate nostrâ in posterum reservaturi, quo in majus (dum pro tempore volumus) à nobis res intendatur. *Totum spiritum suum profert stultus, at sapiens reservat aliquid in posterum.* (Proverb. Salom.) & Eccl. *In ore fatuorum cor illorum, & in corde sapientum, os illorum.*

29. Non vitupera amicum, non lauda, non reprehende, nisi in magnis, idque rarò, moderatè, & in secessu; vel (si tutè poteris) per alium. *factum tamen, non personam* ventilaturus.

30. Consilium, nisi quod rectum sciveris, idque tantum requisitus porrige. Verum dator consilij, naturam accipientis (seu cui consulitur) induat, prout secundum possibilitatem, media, capacitatem, aptus est ille facien-

do : secus frustra ferè consulas, dum juxta te modo, non alterum, aut saltem non ex utroque agendum vocas.

31. Non intercede, aut pete pro alio, nisi re perpensâ, an justa sit, & obtentu possibilis; ne periculum authoritatis subeas. Si non obtineas, potiùs intercedere cavebis.

32. Non litiga verbo, sed potiùs subride, etiam si contrarium aliquis loquatur. Non velis videri nimis sapiens: magni viri auctoritas, non in disputando, sed agendo consistit.

33. Tacere qui scit, scit esse prudens. Taciturnitas est magnæ prudentiæ Mater. *Qui animo ignavus, proceræ ore*: quibus os ferreum inest, cor sæpè plumbeum habent. Verùm nonnullis, taciturnitatis, & agendi secretum ex prudentia, aliis est ex metu, ut cùm ex diffidentia sui, verentur, ne per inanimadvertentiam aliquid prodant, totum silent, opportunâque transmittunt: similes Zeuxis imaginibus, qui ad ostentationem artis, imaginum pingebat vela, ut subintelligeretur velatum aliquid, dum nihil erat; sic illi obtemperant rebus inania arcana, nunquam directè, sed nisi circuitivè agentes; vel quia metuunt, vel quia inertiam impotentiamque agendi prodere verentur. Fossam saltu trajecturi, impetum saltus, cursu intendunt; etiam animus agentis, zelo quandoque intendatur oportet, & apertior sit, pro confidentia sui, & pro ingenuitate, præstaturus ardua.

dua. Qui diffidit, metuit. Mollia, secretaque, cauta quidem sunt, sed quædam nisi fervidiùs tractentur, haud obtinentur, immò irritantur in pejus; cùm dolus, malignitas vel etiam metus, occultis secretisque, immò circuitivis, subesse creditur: prout verè circuitiva ingenia, plus astutiæ, quàm prudentiæ vel cautionis habent.

34. Quæ imperfectè calles, non fac coram; immò perfectà fac, quæ non vulgaria, & rarò.

35. Magna loquere, & à levi discursu studiosè deflecte.

36. Facta secretus tene; facienda multò magis.

37. Vitia, quæ vitare non potes, latebris dica: omnia, quæ scis reprehendi, fac in privato, & *semotis saltem arbitris, turpis sis*. Non ea tamen est infirmitas naturæ humanæ, quin vitare vitium non possis, dum velis; frustra naturam culpaturus, ipse culpandus. Vitare igitur turpia debes, quò magis altiori honoris subsistis gradu. Minoribus magis quodammodo turpes esse licet; in majores, honestosque omnium oculi convertuntur, & succensent; uti faciliùs maculam noveris in puriore cristallo, quàm in olla.

38. Rectiùs plerumque impertinentia demendo in nostris moribus, in affectibus, & ratione agendi, quàm addendo opportuna, paratur æstimatio, & habetur authoritas; Velut

hortulani, plus addunt horto decoris & amœnitatis, amputando sentes, evellendo urticas, purgando vias, disponendo plantas per ordines, quàm substernendo finum in fœcunditatem, quàm copiosè serendo. Excessu magis vitiorum homines laboramus, quàm virtutum imperfectione. Prius quid non facere mali, quàm quid facere boni, præceptis decalogi etiam docemur.

39. Raucus aut balbus, rariùs loquaris; unde illusionis materies.

40. Causas dictorum faëtorumque non redde, sed potiùs intelligantur.

41. Sperent à te homines, ac simul vereantur; æquè severus, atque clemens videris.

42. Nec præsume, nec te minoris æstima, angulis & latebris ingerendo. Ingere te, sed modestè tamen, primoribus. Nemo contemnitur, nisi qui priùs seipsum contempserit. Quomodo credis alios te æstimaturos, nisi teipsum æstimas, & in leviuscula abjicis, tibi magis proximus, quàm alius tibi? Rectè quidam ait: *Non est hoc superbire Majestatem Regni, & potestatem, autoritatèmq; publicam sibi concessam, conservare velle inviolatam: imo hoc est sapere.* Verùm perspicacitate utendum, ne superbiam morositatèmq; cum autoritate confundamus, & quod est incivilitatis, parandæ autoritati adhibeatur: ne aliàs prounica æstimatione tui,
im-

immodestiùs aut scrupulosiùs laborando, mille inimicos tibi superbus pares; & eveniat, quod rebelli Angelo, dum supernis bonis honoréque non contentus, vult insuper esse similis *Altissimo*, totum quod habuit perdidit. Cavebis igitur *morosam gravitatem*. Hæc in privatis. In publicis verò actibus *Consultum* fuerit, ut qui debitos tibi honores denegat, (præsertim si conscius sis necessariæ tibi gravitatis) etiam vi, & astu quodam eos oportet præripere aliis, quàm ea de re verbis contendere. Qui dubitat, meritò ipse sibi diffidit; qui dissimulat, tacitè fatetur suam indignitatem, & modestia postea pro ridiculo habetur; sed qui de facto, animo forti & constanti, tum bona cum gravitate (tamen sine intempestivo affectu) primus præ aliis occupat, quæ sibi debentur, nec offeruntur tamen, facili deinde negotio eas servat, & retinet in posterum. Ut quondam Germanorum legatis contigit; qui cùm ingressi theatrum Pompeji, legatos nationum, senatores inter, sedere cernerent, inter eosdem senatores sessum se audacter præripuerunt, subjungentes: *Nullos mortaliū, armis pro Romanis, aut fide, ante Germanos esse*; quod comiter à senatu exceptum, ut ea legatorum civilis æmulatio postea cederet in argumentum, & possessionem loci.

43. Novarum rerum, aut inauditarum, immodò novorum rumorū, à domo, immodò ab

A 7 ex.

externo, certam notitiam quære ; quod parit admirationem festæ curiositatis.

44. Modica castigatio exacerbat nonnunquam magis, quàm corrigit ; ut tutius sit, quandoque non punire, si severius corripere nolis. Non sine causa Salomon arguit intempestivam clementiam, dum vocat *Misericordias aliquorum crudeles*. Bonis verò nocet, quisquis pepercit malis ; sed hoc pro statu rei, & temporis. Scias tamen, quia *pœna prohibet flagitium, laus verò & præmia provocant virtutem, & accendunt animos*.

45. Nunquam totum simul effunde, & proinde exarma rigorem, sed, velut majorem, in tempus dissimula (lentiùs corripiendo) quasi majus telum penès te restet, in terrorem exerendum, dum velis.

46. Delinquentem aliquem, cujus correctio ad te pertinet, non te puniturum ai, antequam puniendum manu teneas ; immodò propiùs nescientem sis, ne præmonitus caveat, contraria per desperationem veniæ munimenta quæsiturus, aut magnorum intercessionibus provocando, quibus sine offensa recusare non possis, aut capitalis hostis præ metu evadat, ad hostem transiturus.

47. Ea pollicere, quibus præstando sufficias, ne postea difficile aut grave sit præstare, in majorem offensam sperantis : potiùs non pollicere, sed fac, quod facturus sis.

48. Prudenter quidam honorationem sui tacite inculcavit, cum subornato quodam lixâ, comptéque in eam scenam vestito, palam dejecti jussit pilum, decentiam morum, & superioris observantiam exprobrando. Item Mareschallus ille Regius, adornatum lixam, scipione pullavit, quod Palatium Regis importunè ingressus fuisset, non vocatus; quo inculcavit verecundiam importunis intrusoribus, & quæ possint fieri in eam formam.

49. Metuendorum nomen acquirere, utile aliquando: sed modolcito quærendum, per aliquam ostentationem virium & potentiae, ut potius vereantur homines tuam auctoritatem & potentiam, non timeant; ne in odium incurras.

50. Quæ populus affectat, tibi verò displicent, idem sentire te prius simula, & interdum lauda; post, facta quasi recollectione, despecte, sed sine rigore: nam qui directè multitudini se opponit, frangitur aut vincitur ipse, quàm vincit; vel ut subtiliter quidam: *Qui realis solummodò est, & nihil præstat, sed irritat tantum; hic excessivâ virtute opus habet, tum potentiâ & auctoritate, quâ vincat omnem invidiam.* In quo satius prudentes nautas imitari præstabit, qui adversis ventis non directam opponunt proram, velut contra vim reluctaturi, nec adversam relinquunt puppem, velut fugientes & ex inertia cessuri; sed per latera inclinando navem, hac illacve
 sinuan.

sinuando vela & cursum, eludunt tempestatem, & simul assequuntur portum, quem volunt, ac proinde illudunt ventis: sic populi impetum, non aliter eludas, aut in rectum (prout in rem opus) reducas, quàm per molliora; nec tamen molliter acturus, vel affectatè, (quod æquè periculosum) sed graviter.

51. Immò dicentibus modicè assentiaris, licet aliter post hæc sensurus, lentè in tuam sententiam quémque pertrahendo.

52. Quæ in publicum necessaria, primo verò aspectu ingrata populo proponere vis, cura per alium proponi, & affectum primum populi in eum effundi; tum postea modesta cum ratione sequere ipse, idémque pete, sed sine affectu, quasi minùs curaturus, etiamsi non fiant: naturale enim, ut magis negentur velut magis æstimata, quæ maximè petuntur; quæ minùs curantur, ut vilia, faciliùs ex neglecto habeantur.

53. Illi plurimùm potentiâ consilij valent, multaque præstant in suas partes, qui cùm sint potentiâ & autoritate graves, per alios, non per se rem tentant & consulunt; velut nescij, & taciturni, sed ex insperato metuendi.

54. Cura, ut humanus, & civilis habearis.

55. Si quis beneficium vel operam aliquam à te petat, & si scias plerásque in eo dari difficultates, non objice illas; ne recusare opem videaris, & te parum benevolum petenti præstes: potiùs in ipsius negotij cursu

eas difficultates, qui petit, deprehendat ipse, & suæ petitionis arguatur; offerentur enim cum tempore occasiones, quæ promissum infectum reddant; tu verò promptæ humanitatis titulum non amittes.

56. Prima constans cum autoritate repulsa, adimit plerisque importunam in posterum audaciam.

57. Obvento morbo, multa per absentiam, aut parantur, aut vitantur.

58. Patrocinando alienis illatis, plura in publico consilio obtinentur, quàm per se rem directè tentando, licèt aliquem multa ratio cum autoritate sequatur. Quidquid ideò optas fieri, alium authorem inferendæ rei ex composito substitues; tum alter amicorum, atque tu ipse, patronum te pro autoritate præstabis: qui verò proprium illatum fortiùs urgent, præsumptionis notantur, veluti consilij sui, quod ipsi adferunt, amatores, neglectores alieni, quod est propè invidiam. Jam verò secus, ut ab alio illata, tutiùs urgere poteris, liberiùs suadendo. Bonos tamen autoritate viros, proponendæ rei quæres; ne contemptu authoris, benè licèt illata, in contemptum trahantur, nec tu postea patrocinando, rem stabilire possis.

59. Quod alibi in observationibus bellicis dictum: *Utendum recenti terrore in hostes*, hic item per familiaritatem verbi dici potest, *recentem terrorem etiam apud suosmet cives mul-*

multum posse ; ut à prætenu impositi recentis metus (si dextrè instando licitéque utaris) pecuniarum collationes, tum operas in corrigendis pervetustis munitionibus , bonas item leges, faciliùs minoréque invidia apud populum obtineas , quæ aliàs per altercationes, turbas, odia, immò vix quidem assequâre , si absit metus.

60. Absentiâ tui, meliorem suscita & tueare amicitiam ; immò & auctoritatem. Literas tamen non intermitte & nuntios : pollicere tui præsentiâ, trahere interim, & pone moras Luna Solis amica, decus & lumen quod habet, illi debet: quò remotior tamen, plenius perfectiusque lucet, proximius admota, decrescit ; vel si planè concurrant, Luna penitus amittat lucem, aut Sol necesse abeat in eclipsim. Sic verè amicorum magnorumque virorum mutui congressus, aut crebrius negotiorum commercium, majore jactura amicitiae, tum auctoritatis fiunt , quàm ut novum aliquod argumentum in majus stabilien-
dæ paretur. Sæpè unus in altero non reperit in præsentiâ, quod sibi absens pollicebatur. Unde verè dictum ; *Minuit præsentiâ famam.* Sæpius *absentia prodest.* Miraris ? legi, vidi, probavi.

61. Modica munuscula offeres amico, non simul, sed rariùs, ac potiùs minora prius, dein majora, maxima nimis serò : partim ut diutius dando sufficias ; partim ut semper restet, quod

quod majus speret à te amicus, nec relinquat,
quàm suo damno, Usu probatum axiomaz
*Gratiùs esse hominis animo, ascendere in par-
vis, quàm persistere in magnis.*

62. Maximum rigorem priùs intende in
speciem, temperaturus postea ad famam cle-
mentiz.

63. Experienciâ probatum, magis appeti
eorum amicitiam, plùsque ab hominibus æsti-
mari, qui neglectiùs eam servant, modò
amant, modò offendunt, offendendo & aman-
do non assidui (non tamen leves) modò po-
tentiâ terrent, modò comitate trahunt. Ne-
que causam reperio, quàm ab oppositorum ra-
tione, quòd magis elucescat, & sapidior red-
datur amicitia, quasi tunc magis optanda, dum
amittitur : secus evenit, ut eorum amicitia
minùs æstimetur, qui de paranda aut retinen-
da studiosè & appetenter nimis laborant ; ut
aliquando necessarium sit, nonnihil suboffen-
dere, tum modicè negligere amicum, quò
magis retinere vis (quàm ut perpetuò adhæ-
reas) sed non diu averrà fronte & vultu, ne
posthabearis.

64. Sæpè quod preces non possunt, minæ
aptè accommodatæ, operantur.

65. Non moliaris, nisi quæ præstare potes ;
ne prodas impotentiam.

66. Si aliquid adversi tibi accidat, dic po-
tiùs, spontè te accepisse, quàm ut supplantari
nolens videaris, veluti invalidus, & obviæ im-
pe-

petitioni expositus : potiùs fortunam tibi obedire doce.

67. Alienanti se amico à te, aut clienti sine causa, sponte media offer reconciliandi; potiùs bonis quibùsque modis, cum in amicitia retenturus (medius tamen inter gravitatem) quàm ut acerbiter pro acerbitate reddas, quæ magis abstrahit, quàm retinet in amicitia amicum, nisi aliàs potenter pervincas.

68. Minæ vigilantiam adversarij acuunt ad cavendum, immodò præveniendum: ut si taciturnus es, plura præstabis; non tamen ut noceas, verùm ut caveas tibi, quod est penes virtutem.

69. Potiùs capiat per modica, aut sensim speret amicus, quàm ut totum simul habeat. Non enim obligant, quæ data, licet maxima; sed quæ dabuntur, licet modica. Animus hominis, imitatur oculorum situm, quos cum anteriori parti corporis ingessit natura, non ea, quæ post se sunt, sed quæ ante posita, vident: sic ille pensat, non accepta, sed accipienda.

70. Redditurus mutuum beneficium pro beneficio moram adijce; ne dare videaris in recompensam dati, sed velut in obligationem futuri.

71. Exprobranti offensam amico, non sermone excusa: excusatio propè metum est, & loci inferioris signum; responde potiùs, neque

que illius esse exprobrare, neque tuum excusare.

72. Religiosos in pretio habe, quatenus tuarum partium sint: devincies verò illos beneficiis, & comitate.

73. Immò Concionatores ad te trahe, qui bona narrent, & populo, quod vis utile in publicum, persuadeant; aut quod non vis, sermone, sed extra invidiam & ullius offensam, publicè diluant.

74. Opinio divitiarum & nummositatis, parit æstimationem: reges igitur tuos defectus, & arte aliqua honesta (sed procul ab ostentatione) omnibus impones, ut bene de te credatur.

75. Propositurus aliquid difficile populo, causas honestas propositionis, per privatos rumores priùs disseminabis.

76. Quantum in amicos dono daturus destinasti, præstat cum iis aliquando honestè comessando consumere, cui diutiùs sufficies; quod verò diutiùs durat, magis in oculos incurrit & obligat. Adde; quia unica comestatio potest plures simul obligare: unicum donum hominem unicum obligat, immò aliorum (accipere præsumentium) invidiam provocat.

77. Mirum dictu, quantum lautior mensa, & liberalior convictus pariat amicorum, hocque per artes politicas, inter concives cre-

crescendi studium (cui adest) ut velut in alias virtutes incuriosi. hanc præcipuè viri Politici, in quovis venerentur & ament, aut sine illius condimento cæteros obiter transeant, immò vitia nonnulla hoc oblecta suco, dum molliùs accipiuntur, sponte dissimulent. Sic igitur intra magnanimitatem erogare, lucrum facere est; immò nonnunquam conducibiliùs, ultra parsimoniam terminos in eo procedere, ad usque confinia effusionis, modò ne sit factum, intra affectatam prodigalitatem, cum decoctione bonorum extrema: velut multos apud nos vidimus, sic crevisse, floruisse, & intra civium favores præstitisse multa, ut opimam amicorum & fortunæ, colligerent messem, cum haud partem Civium animis, seminarent sua. Certissimum enim magnitudinis signum est, maximèque incurrit in oculos vulgi, tum in affectus, posse pascere multos, eoque multis bene velle. Nec mirum, si Christum, vulgi sequens turba, in Regem creandum rapere voluit, (*Joan. 6. cap.*) cum tot hominum millia, ex sua divina penu, non pavisset modò promptè ad saturitatem; sed fragmentorum copia magnitudinem convivij, & Domini pascentis divitias loqueretur. Sed intra dicti reverentiam sacra mancant, profana liberiùs nobis loqui licet. Non ab alia occasione primitivi poloni, Piasum olim è plebeia domo, ad purpuram evocaverant, quàm cum divinum quiddam illa ætas inesse

viro crederet, cui pro modico agello, quem colebat, ad stuporem usque Comitiorum (neque enim sine speciali miraculo, teste Historiâ factum) tantum alimentorum, ad usque superfluitatem, humaniter excipiendis advenis sufficeret, ut plus erogando plus semper illi restaret, & simul magnitudinem cultioris animi in eo viro cum metirentur, qui sic esse cuperet cunctis amicus & hospitalis.

78. Astutis, arte simili aliorum astus eludere, mos est; ideòque secum in amicitia facile conveniunt, dum retaliare sciunt: rectiores nesciunt, nisi plerumque deferendo convictum, & rem cum illis planè vitando, donec in meliores amicos incurrant. Vulpi cum vulpe, urso uni cum altero, aspidi cum aspide, haud mirum si conveniat; cervis equisve, nisi cum mitioribus, aut sibi similibus vivere securum est.

79. Dum sunt nonnulli fucatz faciei, liberalioris convictus, *praesertim si habeant aliquas species virtutibus similes*, ipsi subdoli, & modis illecebrarum potentes, vel quorum vultus est opportunè mendax, tum in speciem probitatis sermo, & facilis, haud spernendus capiendis hominibus hamus) facile eo condimento trahunt pleròsque in sui laudem, tum in amicitiam. Non tamen altioris mentis homines; verùm illos ex simplicioribus, qui velut minutiores aves, facili capiuntur visco.

Re-

Recti verò & prudentes viri, non illa exteriora morum, & fallaciarum inania, sed intimum introspiciunt pectus, & nisi solidiorem virtutem, tum amicitiam pensant. Quamquam convictus liberalioris amœnitatis, si penès rectam virtutem, & prudentiam alicui pectori insedit, niros effectus parandis amoribus hominum facit, totumque in animos potest.

80. Videntur esse nonnulli amicabiles, recti, prudentes, dextrique agendo, & plane cum virtute, magis, quam sunt; immò nonnulli non videntur esse, cum verè sint. Nisi tempus & occasio aperit virum: ut prima iudicia de hominibus sæpe nos fallant, velut de ingenio nationum subtiliter quidam: *Hispanos factis & moribus magis videri intolerabiles, quam verè sunt. Gallos magis esse fortè, quam videntur.* Sed inest causa, circa horum amœnitatem, illorumque tristitiam (vel gravitatem actionis & morum) prout hujus, aut illius sumus æqui pensatores. Nisi igitur falli vis, sustine, svadeam calculum, seu damnaturus, seu probaturus, & à tempore, tum actione iudicium exspecta. NERO *flagitiis & secleribus velamenta quæsiuit.* GALBA *major privato visus, dum privatus fuit, & omnium consensu capax imperij, nisi imperasset.* (Tacitus sparsim:) VESPASIANUS *solus omnium ante se Principum in melius mutatus est.* OTHO *contra spem omnium, non deliciis neque desidia torpescere; dilata volu-*

pta;

ptates, dissimulata luxuria, & cuncta ad decorem imperij composita; eoque plus formidinis afferebant falsæ virtutes, & vitia reditura. Mucianus: luxuriâ, industriâ, comitate, arrogantia, malis bonisque artibus mixtus: nimia voluptates, cum vacaret; quoties expedierat, magnæ virtutes: palam laudares, secreta male audiebant: apud proximos, apud collegas, variis illecebris potens. In Vitellio multa grata sanè & popularia, si à virtutibus proficerentur; & argutè idem de Pompejo: Pompejus occultior, non melior. Hæc alij; sed addam ex meo, & ab experienciâ. Plerique sunt boni, donec, qui corrumpat, non adest: iminò inest semper aliquibus malefaciendi animus, sed deest occasio; boni sunt, dum males esse non licet, aut præpediuntur. Rectè Sallustius de quodam: Ore probo, animo inverecundo. Et Vellejus: M. Lepidus formâ, quàm mente, melior.

81. Mirari debui dictum; verùm satisfactum mihi ab experientia, quod argutia Italica nuper proverbio circumtulit: *Requiri ad gradum prosperioris fortune, ut insit alicui nonnihil ex Fatuo & Intruso.* Nam hoc modo citò involatur in notitiam, & confidentiam intimiorem *Aula*, tum *Vulgi*. Non promerentur hi quidem virtute, sed arte suffurantur gratiam, ad modum, naturamque omnium, & seculi faciliùs se componentés. In impertinentia se ingerunt non vocati; ludicra, seria,

B

pari importunitate tentant : & quandoque succedit, ut pro tempore non displiceant. Non offendunt alios, nec etiam à certioribus ipsi offenduntur : verùm intra jocum, & amicitie libertatem facile habent, & condonant totum. Alloquio faciles, respondendo per mixturam levium mendaciorum, amœni, promptè indomesticantur, non multo apparatu recipiuntur. Neque sunt *Morosi in ceremoniis, & formulis*, haud quæsitum sui cultum requirentes ; dùmque non facile succensent personis, & rebus, obviis parabilibusque per omnia contenti, censura eorum non timetur ex imposita confidentia, & ex eo amantur. * Adde, si fortè super hæc sint *audaculi*, multum honoris, & præmiorum sibi arrogant, & obtinent per importunitatem (dum facile obloquia subdolis succedunt ex impudentia) & occasionibus *instanter* non desunt *intrusi*. Directa verò virtus agit totum cum modestia, intra verecundiam, & dum importuna cavet, opportuna quandoque intermittit. Sed hoc non ex virtute vitium, verùm seculi, & eorum est, inter quos vivitur; dum rectam non promptè noscunt, nec acceptant. Tamen illa solidior est agenda, tandèmq; post tempus cognita, plus æstimatur. Illi priores, sæpius (uti leviusculi) ludibrio ha-

* Genus duplex intrusorum ; *Servile*, vel *Audaculorum* : prioris generis sunt *alii*, hi sibi utique meliores.

habentur, & in serijs minus ponderis habent; mensarum nisi sodales, ludicrorum alumni, non nostri, sed fortunæ tantum amici: prout certè cum hac mutantur, nosque decipiunt, ad manus nostras, non ad nos respicientes, facile ad alios transaturi, unde plus utilitatis speratur.

82. Aliud est *esse innocentem*: aliud *habere praxim evadendi*. Aliud est *scire imponere*: aliud *justam habere causam*. Aliud est *esse fortem, prudentem, vel bonum*: aliud *videri*.

83. Divinæ potestatis, & prudentiæ, non hominis, opus: æquilibrium rerum tenere, causas combinare adversas, tum ex contrariis elicere bonum. Frustra ingenium hominis laboret, aut perspicacia contendat ad certam regulam se componere, & publici statûs, vel privatæ actionis, ea in parte formare sibi *maximas*; nisi confundi velit, seipsam, seriùs citiùsve, periculo involutura: immò illud est meticulosi, tam versuti, quàm perspicacis animi signum. Exinde verè dictum: *Media via nec amicos parat, nec inimicos tollit*. Qui oppositarum partium, hujus, illiùsque simul amicitiam quærit, aut utriusque simul offensas (*per obliqua*) vitat, poterit aliquanto tempore scenæ servire; detectâ deinde larvâ, ut fallax hypocrita, & versipellis deceptor ab utroque odio habebitur. Sic intuitu emergentis boni, qui oppositas sibi personatum aut po-

pulorum potentias, dein amicitias, & offensas, æqua lance conservare studet, ne inter se committantur; tum, ne una noceat alteri, aut secus, ne sit infra alteram, ad æquilibrium moderamenque causarum: nequaquam sufficiet diu, quæ altera invalescat partem oppositam, & simul fautorem consilij oppressura. Sic vereri aliquem suboffendere, non tamen, quæ sunt parandæ amicitix, penitus facere, sed potius per obliqua tacitò irritare; aut secus tentare in rem suam assequi, quod est alterius partis cum dispendio & offensa, simulque se amicum profiteri velle; odium verius conciliat, quàm intentum parat; nisi aut rem habendam planè, aut fortius pro æquitate urgendo gratiam partis posthabeas, aliàs neutrum allequeris. Sic diffidere alicui, & simul intuitu speciosæ cujusdam amicitix, tum securitatis non sibi satès cavendo providere; immò amicitix titulum affectatè querere, ac deinceps dissimulanter agere: nec amicitiam habebis, nec res tuas statues in securo. Sic publico bono tuendo, & simul privatis commodis aucupandis adlaboraturus, alterum non obtinebis planè, publicum verò bonum certò certius subvertes. Sic Veritati, tum virtuti, aut auræ populari; Legi, tum justitiæ, aut populo; Principi, aut vulgo; debitæ actioni, aut parte ex altera parandæ opinioni nequaquam sufficies, nisi totus in alteram, tamen æquiorē partem, agendo

incumbas, sequiorem studiosè oppugnaturus;
aut, si res suaserit (*rebus modò tuis, aliâ ratio-
ne diligentissimè ut provisum sit*) posthabitu-
rus saltem: vulgo dum places, rem agendam
pessumdas; dum secus ad rem probè agen-
dam te componis, vulgi censuram mereberis.
Unde vetus, præsertim in bellicis, monitum
tulit: *Malo te sapiens hostis metuat, quàm stul-
ti cives laudent.* Sic (nisi aliàs tantâ poten-
tiâ vales, ut parte utrâque posthabitâ, negati-
vè te erga utrâque habere possis, per quæta
media securus) tibi neutralitas fœderum non
proderit; verùm alteri parti *deliberatissimè*
adhærendum erit. Sic Artibus statûs totum
se dare, & conscientiæ legem non transgre-
di; DEO placere, & simul ad illecebras mun-
di se velle componere; nec hujus, nec illius
legis æquus assertor futurus, scripturæ potiùs
censuram mereberis: *Neque frigidus, neque
calidus es, incipiam te evomere ex ore meo.*
Non quòd præstet, aut merè bonum, aut debe-
re esse merè malum (velut obliquæ Politix
Doctor Marchiavellus docet) verùm, quòd
gravior malitia ab affectata intra virtutem, &
nequitiam neutralitate; tum mistis boni si-
mul & mali actibus oriatur; immò affecta-
tior sub pallio virtutis nequitia subsit, &
aliorum vexatio, quàm si utique simpliciter
malus sis: Ut per omnia rectioris prudentiæ
sit, & conscientiæ; ab utrîsque partibus ver-
sands, se totum separare, aut in unicam,

æquiores tamen, se totum transferre, & agendo, instandove ex norma virtutis tum prudentiæ fortiter incumbere; res verò suas interim consilio, & prudentia stabilire in quieto. Qui aliàs partium, rerumque oppositarum simul fautor, commoda utrinque venatur; rerum prævaricator potius, & interversor pacis, immò *Sophisto-Politicus*, quàm *Catholico-Politicus* vocandus est, seipsum actu involuturus, quo exercere studuit alios; veluti multa ejus rei exempla apud Historicos habes.

84. Debitum officij, præsertim verò *honoris*, erga pares, adeoque magis erga superiores, studiosè adimplebis, nec transmisses neglectum. Etsi enim aliquando præstari sibi nolint, velut incuriam simulantes, aut verè recundè palam recusent, non fit, ut planè habere non optent; immò sic potius promptitudinem tacitò experiuntur, in offensam aliàs tracturi, ni obtineant: aut si exequaris (modò non fiat affectatè, sed pro honoris debito) tantò obligatiores in posterum habebis. *Cape, exequere.* Non improbata dico.

85. In adversis, ne sis nimium mollis verbo, aut animo dejectus; nec secus in speciem generositatis, & infracti animi jocabundus neglector, transitorie despiciens, quæ famæ, tum securitati parandæ serviunt, aut momentis invalescunt. Uti enim hoc levitatis, aut supinæ incuriæ, tum parvi judicij, sic
il.

illud pusillanimitatis, abjectæ mentis, aut ignavix signum est; immò, prostituti in probrum animi certum indicium. Potius ages totum, intra perspicaciam, cautus, prudens, & graviter, Qui considerat, providet; qui negligit, sæpius rem perdit. Nihil agenti, neuti-
quam *assa* (ut ajunt) *columba* venit.

86. Senum actio, aut juvenum conatus longè differunt. Juvenes garriunt, aut clament; senes agunt: Sonum illi, pondus hi rerum captant. Junioribus pro calore ætatis properantia placet, & audax, magnanimumque videtur, quod sæpè temerarium; providentia senioribus, & cautio maturior inest: undè sæpius sunt cunctatores, rariùs periclitantur, aut eventu falluntur; in occasiones modò ex tacito intenti, velut somnum & inertiam simulantes. Juvenes iracundi, in offensas properi; viri maturiores dissimulati-
vi, ac sæpius pacati, aut si tandem actio requiratur, intra prudentiam, & cum cura fortes. Illi res mirantur, multa vident, aliqua sciunt, nec tamen probè discernunt; hi facta aut facienda æquè penetrant, noscunt, & dignoscunt. Juvenes pro ingenuitate primæ ætatis dolum rebus subesse minimè suspicantur, unde facilè deceptionibus expositi pro nimia securitate; maturiores viri, quia plura per adversa sæpius decepti, eventuum gnari, pigmenta rerum, & rationum spernunt, superficialia omittunt, verùm larvâ detectâ, intror-

sus res, ipsaque fundamenta inspicunt & scrutantur: peritos venatores imitantes, vulpésne? aut lepus? tum ferox aper, vel certè nobilior cervus impresserit gressum, per ipsa vestigia species ferarum noscitando. Instant igitur, prout res, & occasio suadet, aut secus, passibus suspensis in res vadunt. Non temerè *adversa casum reputat, quem fortuna non. nunquam decipit*, ait quidam; sed rectiùs alter: *Mibi fortuna multis rebus ereptis, usum dedit benè suadendi*. Juvenes deinde suaviloquio plerumque laborant, & talia libenter audiunt: in cætera incurij discursibus per inaniam rerum vagantur, quæstiunculis lasciviunt, & ludunt; nam sæpius ex imperfecta scientia de rebus dubitant, proinde vexant res magis, quam agunt; incipiunt, dein deserunt; senes perseverant constanter, dum à fine res capiunt, nec ideò tentant frustra, minimè ex voto sumenda, sed deliberatè aggrediuntur: quia verò non hærent in mediis, verùm scopum rerum petunt expediti. Super objecta breviloquio decernentes, hinc juvenes succensere amant senioribus velut rudi Minerva negotium agentibus; dum pro suo ingeniolo, & pro curiositate eos metiuntur, pigmentis ipsi rerum & verborum assuesacti. Inest tamen senibus consummatior peritia, licèt tentent aliquando simplicia, & proximiora in medellam, sed quia præstare magis credunt quam longè quæsitâ. Addo brevibus; tuta, aut
sc.

ecus periculosa, ante tempus seniores prævi-
dent, & ex vero indignant; si præsertim ipsi
pro paranda peritia non otiosam, verum per
negotia exercitam ducunt vitam, graviûmque
Historicorum sectioni immorantur, quæ sup-
pleat ætatem. Juvenes super hæc reguntur
affectibus, ac præsertim respectibus primò
crescentis fortunæ ducuntur; senes potentiùs
suis affectibus, & appetitui dominantur, ideò-
que commodè alios regunt. Dicam verbo:
juvenum actionem esse amœnam, & quodam
cum condimento vernalibus diebus similem;
maturi viri, laboriosæ, sed cum fructu, æsta-
ti assimilantur; magis enim serium, gravem,
ac proinde tristiores modum actionis ha-
bent, severiores sunt, verum in virtute con-
stantiores: juvenes agendo molles, & sæpiùs
leves. Hinc viris maturioribus expeditiùs res
succeedunt, dum non tenentur à negotiis, nec
hærent, sed tenent illa, & regunt ipsi pro arbi-
trio. Velut peritos Auromatarios, horo-
logiorum, id est, fabros, si videas, non satis mi-
reris, crassâ, & fuliginosâ manu, nec certè de-
licatiore palpatu subtilissimas horologiorum
rotulas audacter eos versare, per minutas par-
tes distrahere, dein velut nullâ artificij curâ &
attentione, promptâ manu in pristinam for-
mam redigere; quæ omnia ignarus artis, de-
licatissimo licet contactu, disturbet veriùs,
quàm ut rectè expediat: aut si fortè aliquis,
crebro intuitu, & arte se percepisse aliquid pu-

tat, ut etiam laborantem arguere non dubitet; dum tamen rem tetigerit ipse, nec prima, nec media scit, multoque minùs postrema. Promptius est aliena redarguere, vel sugillare potius, quàm sua probè facere. Juvenum consilia modùsque agendi vinis recentibus similes, quæ plus dulcoris, plus etiam fæcis habent; palatui grata, stomacho & sanitati nociva; aut licèt quoquo modo clarescant, minus tamen ex virtute habent, quàm per annos defæcata. Quod sequens dies juniorem erudit, viri maturiores hodie jam sciunt. Idèdque commodè rem claudorectâ cujusdam, in juvenem protervè loquaculum, rebùsque obstrepentem, indignatione; post annum fore, si te prudentiorem putas, cur non me itidem cautiorem credis, qui tot annis multisque casibus te supero? Cùm omnia honestarum artium juvenes habuerint, rerum experientiam, prout eveniunt, nondum habent, eoque senibus inferiores sunt. Affectata, ludicràve illis placent; maturis res tantùm, & seria.

PARS SECUNDA POLITICO-MORALIUM.

I.
EXprobraturus aliquid publicè, privatimve, amico, aut populo, potius terreas, & trahas exprobrationem; ut intereà obtineas,
quod

quod vis. Dissimulata enim timentur; evulgata, ut jam transacta, contemnuntur.

2. Retenturus alicujus amicitiam, non statim, dum injuriam accipis, exprobrabis illam; ne levi occasione alienes amicum. Omnino tibi diffidet ille, qui te offensum videbit, ut necessario averti debeat metu, vel conscientia facti, vel consilio, dum te facilem videt in offensam.

3. Beneficium, aut pensiones, etsi plures in annos alicui prorogare in animo habeas, assignabis tantum annuas; partim, ut si necessitas suaserit, sine offensâ auferre possis, dum velis; partim, ut prorogaveris, velut iterato beneficio accipientem devincias prorogatione.

4. Ignei homines ingenij, tum leviculos, licet per alia tibi opportunos, cave, nec tibi adhærere velis, seu sint amici, seu clientes; immò dum advertis, festinanter honesto prætectu eos procul amovebis. Nisi enim maturè feceris, an overi postea non poterunt, nisi magno tui fastidio, ut sæpius difficili negotio implicari debeas, amovendo. Rem ipsam in meis casibus expertus scribo.

5. Etiam illa ingenia clientum sunt multi periculi, & efficiunt nobis, quæ sunt propè importunitatem, audaculè sese intrudendo, svadendo, petendo, accusando, hos aut illos laudando, curiosè abdita innando, tum rebus imponendo; præsertim dum sciunt, & amant

per dicacitatem ingerere suavia: cùm verò suaviter loquuntur, & speciosis quæstiunculis sensim tentant, faciliè nobis, sine sensu, nolentibus imponunt, quorum mox nos poeniteat; ut non aliter eam pestem loquendi, aut hominem vites, quàm non audiendo, aut te planè avertendo, vel, quod præstat, procul relegando loquacem. Non aliàs magis CHRISTUS indignè tulit Petrum corripiendo, quàm dum in importuna, per speciem confidentiæ, curiosè se ingereret: *Hic autem quid?* Tulit enim promptè responsum indignationis, & correctionem: *Quid ad te? tu me sequere, sic eum volo manere, quid ad te?* &c.

6. Cùm unus, aut plures studium aliqua in re obligant, aut amicitiam offerunt, vel aliquid præstare faciles, quod in rem sit; utere *recenti* promittentis affectu, urge intentum non differendo in tempus. Frustraneum ea in parte dilationis, seu, ut vulgus ait, *discretionis*, nomen. Certò certius per momenta te pescere hominum affectus, & remitti potius, quàm intendi; ut sæpe, vitio mobilitatis humanæ, alij in horas simus, posthàc difficiliùs optatum habituri, quod ante spontè oblatum vidimus. Ast promittit ille (inquires) propensum se fore in tuas partes? Falleris; præsentis enim vis est affectûs, non futuri, qui bono casu, ut brevi abiturus, oblatu: qualis verò ille futurus postea, ipse qui obligat, ignorat; mutato verò affectu,

mutabitur intentum. Frustraberis igitur, quod obtinere sperasti, nisi extra dilationes assequi rem coneris. Nonnullis immò benè & amica loqui sæpius consuetudo, aut potiùs modus affectûs; & quò effusiores sunt suavi- loquio, eò magis in amicitia fallunt. Cau- tus idè sis pensandis veris amicis, & ab ope- re potiùs, non à verbis ponderabis, eò citiùs prætervolaturis, quò promptiùs extra delibe- rationem efferuntur, quasi nullas radices ab intimo amico & affectu petant, duratura; ve- rùm in superficie modo linguæ cum saliva abitura, & nata.

7. Non amici solùm affectus, sed etiam contrarij in recenti maximam vim habent. Falluntur exinde, qui spreta prima reconci- liatione, submissiorem sperant alteram, quæ potiùs tantò minor futura, quantò magis pro- crastinabitur. Ut enim omnes res recenti sensu graviùs intenduntur; sic qui intulit injuriam, novitate delicti, vel à conscientia recentis fa- cti, propiùs pœnitentem est; quàm si evulga- to pudore, & consumptâ ignominia, depudere didicerit, cùm ipsum vulgus, per familiarita- tem rumoris, primò rem minùs mirari, dein acerbiùs loqui, postremò dedignari factum desinit. Sæpè idè pœnituit multos, non ad- mississe primam reconciliationem, ut nullam postea haberent, cùm maximam sperarent. Præoccupabis verò prudenter, modesta faci-

litate, neque rejicies pœnitentem: similior tamen renuenti; ne pecces facilitate.

8. Rariùs utaris eodem curru, strato, cubiculo, mensa, domo, exercitio. *Nimia familiaritas parit contemptum. Continuus aspectus minùs verendos homines assidua sollicitudine facit.*

9. Res adhuc in quæstione: *utrùm amari præstat, an metui.* Dicant, quod volunt, alij. Mea sententia, uti DEUM, sic hominem nemo rectè amat, nisi metuat simul, aut saltem nisi revereatur. Non igitur serviliter te demittes, & effundes in officia amici; neque nimius eris affectator aucupandis amoribus alicujus, quod penès contemptum est: sed ages graviter, partim, ut quæras amicitiam, partim, ut tua quæratur. Honorabis, sed ut honoreris; immodò aliquando, idque intra gravitatem, & extra affectum, amicum modicè negliges. Timeat negligi, si ipse te negligat, & non amari, nec honorari, nisi ipse studiosè te amet, & honoret. Qui te igitur non reveretur, is nec recto, nec durabili amat amore; dum facit magis pro discretionem, & voluntate sua, quàm pro merito tuo. Addo, pressius loquendo, quòd amari est in aliena potestate, prout nostri actus cum bona gratia, & affectu ab aliis acceptantur, ut verò metuamur, esse in potestate nostra; ut non semper, quando volumus, amemur; semper verò metuamur, dum volumus: præsertim, si in-

incurratur in homines, qui, cum ad normam virtutis, legisque præscriptum omnia fecerimus, aut rem non intelligunt, aut pro malignitate secus interpretantur. Nam, si in tanta depravati seculi malitia clementiam rectoris delinquentium insolentia superet, ut necessaria correctione in aliquos opus sit; tunc Justitiam, sævitiam vocabunt, nosque pro sua malitia, non merito nostro oderunt; cum ne Divina quidem, licet proba semper, & optima, malitiosi hominum probent. Aliquando pluere, grandinare, æstare, non ad suum beneplacitum, sed ex arbitrio cœli factum, illubenter ferunt; cum illud in terræ fecunditatem pro gratia, aliud in pœnam pro iustitia immittat DEUS, nec unquam argui possit. Ac proinde præstat inhærere causæ, quæ à nobis dependet, quàm quæ ab alterius venit discretionem. Non tamen metus absque amore securus; immò obest omninò, nisi metus ille valeat, qui ab æstimatione nostri provenit spontè in animis hominum per actus honestos & graves, adhibitâ prudentia & comitate, non verò, ut nonnulli falsò arbitrantur, à potentia nocendi. Dicam ampliùs: metus nisi erga superiores est, quos aliquacunque re prævalere nobis arbitramur, amor non potest esse nisi erga inferiores, aut saltem erga pares. Si verò superiores à nobis amentur, potiùs *Culzum*, aut *Reverentiam* dicas, quàm absolutè *Amorem*. Quòd verò aliquorum belli Du-

cum

cum, virorúmque egregiorum excessiva seve-
 ritas, Manlij, Corbulonis olim, & inter recen-
 tiores Ducis Albani, Comitís Fuentij, alio-
 rúmque inter recti exempla sit; impossibile,
 si hæc sola triúx, austeráque, sine aliarum hu-
 maniorum virtutum condimento inesset, tan-
 tum authoritatis in suos paratum fuisse, ut ne-
 cesse penès excessivam severitatem excellen-
 tes quoque virtutes pro contestatione magni-
 tudinis exercuerint. *Sape latet vitium pro-*
ximitate boni, immò altioris virtutis interven-
 tu pensatur. Erant in multos severi, sed in
 benè meritos liberales; labori castrorum im-
 perando immoderati, sed nec sibi ipsis parcen-
 tes; fortes simul, & successu in admirationem
 felices, jussorum exactores austeri, verùm er-
 ga promptos & obedientes grati, & pro comi-
 tate imperatoria nimium accepti; deindè er-
 ga afflictos, egenos, in jussatos, victósque
 prompti, liberales, justí, minimè avari, ma-
 gnanimi, moderati; licèt aliàs contra tumi-
 dos, & insolentes insurgendo graves; demum
 nec bellando flagitiosi, nec vincendo insolen-
 tes. Si verò illi non aliud scivissent, quàm
 flagra, secures, cruces, funera loqui; nec apud
 suos ex authoritate obedientiam, amorém-
 que, nec in externos admirationem factorum,
 virtutis que suæ paravissent; sed velut feræ
 sylvestres, nisi nocere scientes, terrori fuissent,
 & odio. Aliqui prætereà pro indulgentia na-
 turæ ita sunt formati, ut non in animo tantum
 quid-

quiddam magnum illis impresserit, sed per exteriora quoque occultam gravitatem in facie, aspectu, alloquio, corporis que formâ diffuderit, quæ sola primo intuitu æstimationem pariant, & velut præcursores sint in animos hominum, & in affectus, parandis amoribus, ac præsertim conciliandæ authoritati, antequam altior virtus se exerat, & innotescat; prout de Corbulone observatum tulit Historicus: *Corbulo omnium ora in se verterat, corpore ingens, verbis magnificus, & super experientiam, sapientiâque etiam specie inanium validus.*

10. Interdum parùm neglige compellando dicto, scripto ve. Timeat amicus aliquando negligi, & posse offendi; sed statim familiariter recipe, ne diutiùs neglectus affluescat sine te. Ut verò aurum purius post ignem, sic motu melior fit amicitia. Vina etiam meliora, quæ penès dulcorem sunt modicè acrida.

11. Dum frustra niteris impedire æmulum, malis eum juvare, & operam ultro offerre; ut potiùs opinionem amicitie obtineas, quàm ut frustra impedisse illudaris, quo impotentia tua prodatur.

12. Cum alicui potenti æmulo resistere non potes, potiùs quæres amicitiam (procul tamen à suspitione quærentis) cujus sub titulo faciliùs rebus obviam ibis, & illi resistes; quoadusque enim inimicus est, contravenire
aper-

apertè studet ; dum verò speciem amici induet, lædendæ amicitix verecundiâ tenebitur, ne tuis intentis contrarius sit : tu verò interim, quod in rem habere voluisti, sensim aliud agendo perficias ; semota tamen omni fraude amicitix, & dolo.

13. Omnia capere valenti totum dat, qui parùm negat : potiùs spontè offer, quæ extra offensam negare non potes ; ut quoquo modo gratix tuæ debeantur, quàm ut invitus dare necessè habeas, nullo expensi in rem tuam commodo.

14. Distrahe potentes à latere æmuli ? immò ejus intimos, domesticos, familiares, consanguineos, parando tibi munificentia, mensâ, comitate : unde tibi omnia æmuli nota.

15. Da bona verba palam, & in absentia.

16. Nescientiam simula rei, quò magis omnia scis.

17. Vidè, non videndo, omnia.

18. Non asperneris convictum æmuli, sed tamen rariùs congregere.

19. Minora quandòque consilia communis cabis.

20. Nunquam verbo carpe præsentem ; immò tueâre famam, si opprimatur.

21. Etiam offensus offensam dissimula, & velut non agnosce. *Unicum remedium injuriarum, si non intelligantur.* Qui secus interpretando injuriam extendit, velut scalpendo suum ulcus, per impatientiam spontè dolo-rem auget.

22. Nun-

22. Nunquam exprobra suspectam amicitiam.

23. Rariùs congregere cum æmulis; aut congressurus cum omni apparatu gravitatem indue, & catervâ clientum.

24. Vita consanguineos, & clientes æmuli, etiamsi fidam operam polliceantur: fac tamen, quasi non vitando.

25. Patiaris adversarium; non agnosce, & velut loco amici habe, omnibus benevolentia signis præoccupando, & insidias muncibus antevertendo.

26. Maximum præsidium rerum humanarum ex dissimulatione. Tiberius inter omnes suas virtutes *Dissimulationem* adamaverat; tu etiam quoad potes, stude dissimulationi, si sapi. *Qui nescit dissimulare, nescit regnare.* Ludovici XI. Regis Gallia dictum ad filium Carolum VIII. testamenti loco. *Dissimula igitur! Dissimula!*

27. Temerariè ambitiosus turbandis; *stultus pertinax* perdendis rebus accommodatissimus. Fuge, quoad potes, talium consilia, multoque magis convictum; ne impingas in errores.

28. Peccant, qui nimia lenitate dulces. Cùm enim effusè dant se populari auræ, aut omnem infimæ plebis rumorem affectant; contemnuntur. Virtuosi quidem hi sunt naturâ, sed etiam molles; ideoque ad res gerendas parùm valent. Prudens rigor rebus

non

non obstat. Mordent sanguisugæ, dum profunt. Nec enim aliqua difficiliora obtinebis, nisi pro tempore aliquod in conveniens, in urgendum adhibeatur. Idem consilij medicis inest, ut in morbis malignis, & urgentibus admisceant potionibus de venenatis phar-
 macis, commovendis promptius pellendisque noxiis humoribus: verum adhibent simul diligentissimè excellens correctivum, exquisitam dosim, perfectissimum temperamentum, sine qua cura medendo plus nocent. Instabis igitur opportunè, urgentiore verbo, dextra ostentatione potentiae, minaciore vultu; intra tamen auctoritatem: mox ubi terrueris modicè, rursus in molliora deflectendo, amœniori fronte, faciliore alloquio, tum obvio convictu, irritamenta amicitiae ostentabis.

29. In malis mœstitiam; in bonis dissimula effusam lætitiā.

30. Quemque diem examina, an amicum paraveris, aut amiseris, & cura, ut pares.

31. Summa auctoritas, nisi penès potentiam, & fortunas; in minoribus pro superbia habetur. *Cavebis igitur morosam gravitatem.*

32. Talem apparatus mensæ, vestium, & reliqui sumptus instrue, qualem semper habere potes. A minori potiùs incipienda omnia suaserim, quæ posthæc facturus es majora; nè eò majorem incurras in contemptum, quò magis laudatus fuisti, si idem esse, quasi lassus desinas.

33. Non

33. Non demissè servias majori; sed reverenter, & sedulus sis, penès potiùs, quàm perpetuus. Magnorum aliqui recepta amicorum obsequia non ad gratiam, urbanitatemque colentis, sed ad debitum, superbiamque suam referunt, & statim acceptorum obliviscuntur.

34. Eos etiam in amicitiam pertrahe, qui plus apud alios possunt.

35. Non prompti sint tui aditus, non obvia comitas: ea tamen moderatione rerum, nè superbix titulum tibi parias.

36. Facilitas amittit auctoritatem.

36. Oblatum munus potiùs lubens, & animosè accipe, quàm serviliter gratus. Partim debere te, partim deberi tibi gratiam doce.

38. Iube punire, non specta.

39. Non increpa; sed graviter admone, & torvo aspice oculo. Absit verò, facias contumeliosè; nam exacerbas magis, quàm corrigis. Certè medicus asperitate curandi horrorem medicinæ ægro imponit magis, quàm inducit sanitatem; ut ægotare, levius nonnunquam accipiatur, quàm per acerba sanari. Nemo sanavit vulnus scalpendo; verùm ungendo, & molliter obtegendo.

40. Severitas amittit assiduitate auctoritatem.

41. Sine strepitu, aut acclamatione, seu exprobratione, puni delinquentem; sæpè verò leniùs & modestè, quasi invitus facere

videāre. Est protrāsse satis, posse prosterne-
re, dūm velis.

42. Majorem aliquando pœnæ apparatus,
verborum severitas, tum exaggeratio, impo-
nit austeritatem Domino, & infamat punien-
tem; quàm ipsa pœna. Si igitur pro merito
delicti punias; molliter saltem loquaris, fla-
gitium, non personam osurus.

43. Potius quandoque dicto contrarius sis,
quàm semper serviliter assentiaris. Doce ali-
quid tibi displicere, pro libertate sentiendi,
quod est propè generositatem. Sed plerum-
que ab hominibus, à Principibus verò præ-
sertim, ij pro sapientioribus, immò pro me-
lioribus habentur, qui ad eorum sensum, &
voluntatem magis accedunt, ac loquuntur.
Decipi malunt, quàm non ad gustum suaderi.

44. *Bonum habetur ex integra causa, ma-
lum ex singulis defectibus*; ait quidam. Quasi
dictum velit: ad rem benè habendam omnia
impedimenta amoveri debere. Minus de-
fectus si obstat exsequendo, etsi reliqua bona
media videantur; res tamen haberi non po-
terit & intentum.

45. Sapius cum titulo, quàm sine, allo-
quare, quemque pro merito decenter hono-
raturus; nec tamen affectatè, ut similiter te
compellandi, & honorandi insinues necessita-
tem: secus (velut importuna ceremoniarum)
si negligas; alios idem erga te omitte-
re, téque contemptum haberi posse doces.

Quæ

Quæ civilitas mutui honoris adedò in animis hominum valet, ut non privatis modò inter se civibus, sed magnis Principibus erga sibi subjectos, non sit per incuriam transmittenda. Nihil enim magis offendit animos, aut veriùs exacerbat, quàm contemptus personarum, si pro merito non honorentur; velut ille ad Principem: *Cur, (inquit,) ego te babeam ut Principem, cùm tu me non habeas ut Senatorem.* Neque Julium Cæsarem aliud præcipitavit in necem, accelerando conjurationem, quæ differri, aut sopiri poterat, quàm Senatorum, Consulùmque contemptus, quod reliquum offensus erat. *Accedentibus* (ait Plutarchus in vita Jul.) *ad Cæsarem sedentem pro rostris, Consulibus, Prætoribus, totòque Senatu, Cæsar non assurrexit, tanquam si cum privatis hominibus colloqueretur; quod non Senatum modò, sed populum offendit, Civitatẽque idedò rati, per ignominiam Senatũs, ludibrio haberi.* Magna igitur cum tristitia discesserunt è curia, quotquot discedendi facultatem habuere: Adedòque Cæsar sensit indignationem eam, ut statim domum abiret, reduetque à collo veste vociferaretur; se paratum esse ad præbendum (si quis necare ipsum vellet) iugulum &c. &c. Forunt verò, cùm assurgere Senatui vellet, eum ab amico, aut veriùs adulatore quodam suo, Cornelio Balbo prohibitum, monente (vide nequam adulatorem) ut se Cæsarem esse meminisset, seque ut præstantiorem

coli pateretur, &c. Nihil igitur magis offensam in animis movet, quàm si honos aut tituli contemptim auferantur personis; immò magis, si pro malignitate dicacitatis adjiciantur scommata, præsertim in ingenuos cives, qui eò magis delicatioris sunt animi in offensam, quò magis suæ virtutis sunt conscij.

46. Famulitium sit tibi decorum; equus, cibus, & honestamenta domûs.

47. Nunquam privatus fias, aut quasi incognitus.

48. Quanquam inter adversa; salvâ virtutis famâ, non vultu demisso, aut supplici, sed ex memoria prioris fortunæ agendum.

49. Æquale Matrimonium est pro auctoritate.

50. Liberorum bona educatio, & bona fama est Parentibus solatium & æstimatio.

51. Domesticos clientes veraces potiùs habe, quàm blandiloquos, qui tibi ex fide referant, & præcaveant, si aliquid in populo de te spargitur: ut eas rectè facto obviam, seu ipsi diluant, vel excusent. Falluntur, qui illos, nimium placere volentes, in amoribus habent, venundatores potiùs suæ famæ, quàm amicos. Permite spontè (si sapis) referri tibi modeste omnia extra metum, & offensam; ne ignatus sis obviando, vel præveniando, immò te ipsum corrigendo. Vera enim exprobrat aliquando vulgi obtrectatio, quæ ipsi amore nostri, aut nostrorum, & per incuriam

in nobis, nostrisque non advertimus, domestici verò coram nobis tacent, aut præmonere erubescunt. *Vult volens decipi, qui nisi blanda sibi narrari cupit.* Deinde domesticos tuos non nimis molliter, sed in actione occupatos habebis, ne innutrientur otio, occasionibus posthac emerfuris futuri inutiles, desidiosus, insolentes, dum pro injuria reputabunt, si ad actionem aliquam vocentur, semel desueti. Idem innuit perspicacia Salomonis Proverb. cap. XXIX. *Qui delicate à pueritia nutrit servum suum, postea sentiet eum contumacem.* Honoratioribus igitur domesticis per honestiora munerum; inferioribus per minora servitiorum uteris.

52. Incessus lentus, & gravis: vox submissa, cum opinione Majestatis.

53. Semper vera loquere. *Mendacium servile peccatum est;* immò naturam furti habet. Furtum rem aufert alienam: mendacium verbum congruum furatur veritati; prout commune proverbium Polonum fert: *Mendaces consequenter esse fures.* Immò sunt leves, garruli, infidi, inconstantes, versuti, simulativi, fallaces, venales, iniusti; nam ferè idem ex non rectè agendo vitij suppositum habent. *Veritas mater virtutum est,* exinde, cum omnia rectè faciat, *DEUS veritatis* vocari voluit; in diabolo, quia obliqua omnia, & contraria sunt, Patris mendacij supremum titulum habet. Quem igitur rectum virum pro-

batur cupis, vide, an dicto verax sit; vix enim fieri potest, ut facto obliquus fiat. Veritatem semper probo, & suadeo; verum in aulis Regum ingrata ut plurimum veritas est. Pauci sunt veri amantes *Josaphat*, sed plures *Achab*; prout certè, si veniat in aulam verax *Michæas*, indignationem Regis experiatur (*odi eum, quia non proberat mihi bonum, sed malum.* III. Regum Cap. XXII.) aut incurrendum in colaphum adulatoris *Sedecia*. Abesse igitur à consilio præstat, præsertim si odio multo, nullo fructu, veritate laboretur, vel cum ades, veritas omninò loquenda est. Præstat amittere gratiam, quàm conscientiam; immò præstat agere *Michæam*, quàm falsarium *Sedeciam*.

54. Satiùs te submelancholicum, aut gravem potiùs, quàm jocosum agnoscant, effusèque hilarem. Comitatem tamen serva; cum illis præsertim, qui ad mutuam humanitatem, non ad suum fastum referunt omnia arroganter.

55. Quod scis per obrectatores detrahendum tibi, quod tuæ domui, aut in moribus casu obveniat, potiùs præoccupabis spontè faciendo. Non detrahent, neque loquentur in, exprobrationem, quæ fateris; aut in quo te ipsum spontè culpas, aut per jocum habes.

56. Cave, nè unquam conqueraris, et si pro impatientia doloris opportunum credas. Deesse enim tibi aliquid spontè fateris, circa

amicos, vel circa fortunam, proditor tui ipsius: & ægritudinem animi simul detegis, etiam ignotis; ut qui te omni ex parte felicem credidère, magis inde æstimaturi, jam secus aliquid demptum credent, in levipendium. Omnes ideo hilari vultu excipe, quasi omnia ex optato fluant. Non alia re magis invidos tibi confundes, qui aliàs tibi adversa optârunt.

57. Non in vestitu superfluo, aut domo exquisitis mobilibus ornata, modò hæc sint necesse circa honestatem, verùm in virtute, & morum constantia, viri Politici authoritas consistit.

58. Severitate sis gravis, & blandientibus incorruptus. Adversus minantes invictum habeas animum.

59. Omnibus sis cognitus, & comis. Multos sæpè convictui; raros secreto intimiori admitte.

60. Observantiam tui in minimis firma, in præsentia majorum: ut exemplum honesti reliquis inculces.

61. Plura sæpè in nos peccantur, dum complacemus, quàm dum contrariamur.

62. Honores, & præmia ipse tribuas, pœnas verò, aut redargutiones, si quæ irrogari justò debeant, irrogari cures ab aliis: ut aliorum invidiâ acerbus sis; tui merito munificus, & amabilis.

63. In consultatione , dum contrariæ emergunt opiniones , qui mediam attulerit , plerumque omnes in suam trahit sententiam ; non quòd melior ista , sed quòd ad medium , quàm ad totalem assensum adduci se plerumque patiantur homines.

64. Cum magnis Viris , & Principibus extraneis notitiam quære ; & communicationem literarum , aut internuntiorum inferes.

65. Structuræ non vulgares , statux , templa magnifica , famam authoritatis retinent , & parant opinionem ; item sapientum monumenta , nomini dicata. Nim quæ majores requirunt impensas , nisi à generosis pectoribus facta veniunt : præsertim cum non sui luctu , sed publici commodi intuitu impenduntur ad famam posteritatis. Sic *Zeuxes* , pictorum præstantissimus , picturas suas excellentes nullo pretio exponebat , civibus eas gratuito daturus : ut magnitudinem animi testaretur ; immodò forsan , quòd arbitraretur operam suam eò æstimationis ascendisse , ut omne pretium superaret.

66. Propositurus aliquid populo , aut amico , quod in rem mutuam sit ; potius quæres modos , ut petaris ; non petas.

67. Consulebat ille non leviter suæ authoritati , qui inter colloquendum stabat aperto capite ; ne sedendi , aut tegendi capitis minoribus foret necessitas.

68. Hi.

68. Histrionum, & levium ludorum non
sis spectator. Tamen nonnulli honestæ po-
pularitatis locò ducunt, habere intra domesti-
corum numerum joculatores, & histriones le-
pidos. Ait *Marius apud Salustium*: Sordi-
dum me, & incultis moribus ajunt, quia pa-
rùm scitè convivium exorno, neque *histrio-*
nem ullum, neque pluris pretij coquum, quàm
villicum habeo: nam ex Parente meo acce-
pi; munditias mulieribus, viris laborem con-
venire; arma, non supellectilem decori esse.

69. Voce oppressos defende potiùs, quàm
opprimas: & patronum miserorum publicè
age.

70. Loquaces, & leviusculos, tum vino-
lentos, noli laceffere verbo.

71. Legatos extraneos honorificè domi-
tux excipe, quò famam nominis spargant; &
ab iis cura salutari.

72. Postula magis, quàm supplex roga;
quia faciliùs res sic habentur, ac potiùs per
alios, nec unquam oblitus tui. Illaudatum
aliàs Othoni (apud Tacitum) Qui *proten-*
dens manus, adorare vulgum, jacere oscula, &
omnia serviliter pro dominatione.

73. In publico populi consilio, multa ob-
jecta sæpè solvuntur tacendo, multa respon-
dendo; immò multa non audiendo.

74. In gravioribus causis, aut quæstioni-
bus, tum objectis, & melioribus consiliis res

flecti non poterit; *non quid respondeas, sed quemadmodum non respondeas, cogita.*

75. Qui multa respicit, nihil agit, dum consilio, seu dum facto opus est. In consulendo præsertim illi, qui merè in partem assentientium transeunt, aut qui merè contrariantur, probantur. Ambigui verò, seu neutrales, vel, ut vulgò ajunt, *Non totaliter resoluti*, neque apud populum, neque apud Principem parant sibi authoritatem, utrique parti suspecti. Rectè dictum: *media via nec amicos parat, nec inimicos tollit.* Tum illud: *tremula manu vitrum capiendo, quò magis frangere quis cavet, frangit.* Meritò succenset Tacitus (Histor. III.) Vitellio, ejusque Produci, dum in hanc, illamque partem studiis distenditur, & expendit diversa, cautus nimium esse cupiens, proditor sui veriùs factus, *quod inter ancipitia deterrimum est, dum media sequitur, neq̃ ausus satis, nec providit.* Eò collimat dictum apud Ecclesiastem Cap. XI. *Qui observat ventum, non seminat, & qui considerat nubes, nunquam metet.* Resolutus idèò sis facere seriò, quod aggredieris: non tamen aggredieris, nisi factu licita; ne dum involvere vis, periculo involvaris. Licitis DEUS adest.

76. Apage cum amicis, qui sæpè reconciliantur: aut cum domesticis, qui crebrò deprecantur,

77. Majora negotia apud populum tibi tractanda assere; minutiora relinques minoribus. Quædam digito opus habent movenda, non brachio

78. Etiam si omnia refutanda sint, aliqua tamen approbato: ne omnino contradictorius esse videaris; salvâ tamen virtutis famâ.

79. Primis injuriis ni resistas cum gravitate, & virtute; contemnêris. *Veterem qui fert contumeliam, invitat novam.* At quomodo non procaciter, verum prudenter resistendum? tu videâs.

80. Passio plerumque in nobis dominatur, & zelum putamus. Dicendum, seu faciendum aliquid nobis usu venit; verbo invehimur velut correcturi, & exacerbamus potius. Sæpe detrahimus, sæpe diffamamus, sæpe irritamus materias, & personas, quod agere pro modestia, aut intra dissimulationem magis in rem fuerat. Veritas, omnisque modus agendi sylum subtilissimum referat, non cuneum, qui findit magis, quàm penetrat. Cum nimis justî esse affectamus, in injustitiam impingimus. Sævitia quandoque est, dum punitiorem putamus; nec est correctio, sed exacerbatio, aut alienatio amici morosa. Cum rigidè, vel, ut ajunt, *morosè ad pulvisculum usque* repetimus nostra, non fit, ut aliena cum nostris non involvamus: impertinentium verius raptores, quàm exactores justî. Sæpe deinde potentiam credimus, cum inferre in-

juriam possumus : aut secus accipere credimus, nisi inferamus : nec repulisse est, nisi alter injuriam patiatur. Quæ igitur minore damno, aut scandalo dissimulari possunt, dissimulanda prudenti viro suaserim, qui privatam, aut publicam pacem, quietem mentis, pacatam conscientiam habere cupit. Eò ferè collimat dictum : *à justitia recedendum nonnunquam in parvis, qui velit salvam eam in magnis.* Non enim sic erit injustitia, sed dissimulatio justa. Idem vult Spiritus Sanctus apud Ecclesiastem. *Noli esse justus multum, neque plus sapias, quam necesse est.*

81. Proximè sequitur, virtutis etiam zelum temperandum, idque amore in majus promovendæ : ut dum nimio ipsius, prout debemus, ducimur amore, tamen secundum tempora, & personas, prout res agenda venit, suavius, cum vitij quodam dissimulatione, sensim animis hominum eam insinuemus, quod non est recedere à virtute, sed eam provehere in majus. Scriptura docet alios hominum acerbius increpitos, alios per similitudines suaviter reductos. Sic CHRISTUS, dum bonum Patrem familias repræsentat, intemperantem zelum servorum arguit, & dissimulare docet. *Sinite, ne forè colligendo zizania, eradicetis simul cum eis & triticum.* Sic erratum à nostris in Moschovia, intempestivo, ne dicam insolenti religionis zelo. Cum enim Demetrius Magnus Dux Moschorum, Poloniam

virginem in uxorem duxisset, occasione Catholicae Principis aliqui Polonorum jactanter ad invidiam usque Molchorum schismatis, ritum Catholicum dum promovendum contendunt; Demetrium Ducem, novamque nuptiam in exitium præcipitârunt, Poloniâque cruento implicârunt bello. Sed magis profana nobis serviant in exemplum. Severi mores Galbæ Caesaris, licet recti, sed non pro tempore adhibiti, exitio fuerunt, quibus impar ea atasevat. Cùm fortè circa flagitationem militaris donativi magis animosè, quàm in rem opportunè diceret: *se militem legere, non emere*; dum rigidus recti, prisceque moris assertor affectat fieri, non assecuturus simul rem, seque perdidit. Consultius aliàs facturus, si intra dissimulantem importunitati non nihil in tempus concessisset, & delinivisset humaniori verbo flagitantes; sensim aliâ viâ cum tempore in melius reducturus. Neque à virtute Imperatoria sic recessisset, sed intra prudentiam regendi habuisset totum. Etiam in asserenda libertate circa observationem antiquarum legum, vel aliquid novum stabiendum, temperato, & re collecto zelo opus; secundum res, tempora, aut personas agendo: ne dum reducere ad normam rigide contendimus, potius malum, resque irritemus. Quia in re summa perspicacitate, judicio valido, ac super omnia, experienciâ opus est. Nec possunt in eo valere, nisi sedata, defæcatâque in.

genia, quæ non, quid debeat fieri, vel prout aliquando factum est, sed quid nunc rectè possit, ex æquo pensant, & magis è particularibus causis, relique propinquieribus, quàm ab universalibus maximis (quæ in particulari fallere amant, & judicium consulentis non leviter arguunt: nam universalia multas exceptiones habent, & multas circumstantias requirit imitatio, ideòque sæpè nos fallit) concilia eruen-
do, aut quæ non habendi cupidine, aut spe inani, sed magis possibilitate certâ, benèque consultò res metiuntur, cùm ratio appetitu superior est. Aliquando enim suavitas agendi, aliquando rigor, aliquando utrumque simul, vel denum nihil agere, sed dissimulare in tempus, & ferre malum prodest: ne dum præcòciter unicui vitamur, multò majora, inmodò plura incurrantur, res irritando; ut hoc casu serviat dictum: *Malum bene positum ne moveas.*

82. Ignem nonnulli, tum inquietæ mentis, dum sibi non otari, sed agere complacent, dum quæta non sinunt quæta; aut nisi res turbent, & in aliena, quæ sæpe devorârunt, invehantur, se diem perdidisse, suâque arbitrantur, & pro injuria reputant; famam potentia ex aliena injuria aucupantes. Ut igne Salamandra, sic nonnulli asperis, & discordiâ vivunt; quæ alij flagitia, hi remedia vocant; in id nati, ut nec ipsi quiescant, nec alios sinant.

83. Potius non videre te injuriam simula, quam dum vides, vindicare illam opus habeas: ne si agnitam molliter dissimulaveris, pejus contra te in posterum peccetur.

84. Si impetu in aliquid novum fertur populus, cui resistere non possis; satis penes virtutem habeas, si non attenuaris.

85. Quæri exinde potest; quid securius, & in rem magis opportunum: an præcipui unius, vel saltem aliquorum in Republica, an vulgi aucupari favorem? Non disquirendo hinc illinc, constat, qui toros vulgi favoribus se decere, ab ipsomet vulgo proditos, oppressos. In cujus gratiam cum omnia feceris, semper aliquid in majus vulgus requirit; vel ni sufficias, antea bene fecisse damno est. Quod verò majus; dum abutitur vulgus bonorum virtute, & operâ, semper eos casibus objectando, facit velut indiscreti equites, cum bono equo læti, intemperanter utuntur, & nimio cursu fatigantes, non parcunt labori, nec alium substituentes eum perdunt; quod in vitis Gracchorum apud Plutarchum observatum habeas. Ratio in promptu. Nam facilius paucorum genium noveris, paraverisque tibi favorem, facilius gratiam demerueris, aut iratos placaveris, facilius cum paucis egeris, suadendo, dissuadendo, orando facilius obtinueris, dum se citius pro paucitate expedire possunt decernendo. In multitudine secus, communitas frontem non habet.

quæ non tam facile maledictis erubescit, dum
 dispersim ignominia in tot capita vadit: ad
 unius verò Principis personam, non divisim,
 tota infamia, ejusque posteros, directè spe-
 ctat; eoque magis afficit. In populo deinde
 diversa sunt subjecta, inclinationes, affe-
 ctus, studia, quibus impossibile, ex æquo ut sa-
 tisfacias, dum pro diversitate ingeniorum su-
 spicantur vana, aut secùs interpretantur, cum
 non intelligunt rem, plures verò pro maligni-
 tate. Offenditur quidem Princeps veritate;
 sed magis offenditur, & simul furit populus.
 Uni dum places, alterum ferè offendis. Nam
 in amores, & odium, æquè facile vulgus fer-
 tur: non ut studiosè velit, sed uno, alterovè
 impellente. Quod verò gravius; si in ali-
 quid bonum fertur populus, non omnes (unus
 alium, circumspectantes) curam adhibent:
 jam si nocere cupiant, quisque pro se manum
 studiosè adhibet in ultionem; ad nocendum
 uniti, ad benefaciendum tepidi, & distracti. Ex
 eadem ratione fortè *Machiavellus ingratio-
 rem fieri populum censet, unicâ Principis per-
 sonâ*. Dixerim itidem: præstare favorem
 aliquorum præcipuorum in Republica, sed
 quem non per flagitia, & obliqua demerearis,
 favoribus vulgi. Addo super hæc: si non
 altioris alicujus boni, aut virtutis intuitu, quæ
 sola sibi ex conscientia rectè facti præmium
 est, sed aucupandæ vulgi gratiæ, & populari-
 tatis, rectum aliquid in publicum facias; fal-
 lèris.

86 Afflictis palam condole ; sed tamen
sine injuria affligentis.

C 7

88. Apertis horreis, leva pretia frugum.

89. Nobiliores exules, tum à fortuna desertos excipe domo, & necessariis procura. *Alij dividunt propria, & ditiores fiunt: alij rapiunt non sua, & semper in egestate sunt. Inquit sapiens.*

90. Pupillis honestarum familiarum sumptus educationis provide.

91. Si à populo voce opprimaris; modestiam objice cum gravitate, & reprehensione generosa, quàm ut frustra acerbius contendas, unus à multis facilè contemnendus: nec alià tutiùs viâ furorem populi evades.

92. Miseris sis aditu facilis, & intentus querelis: licèt subrusticè, & tædiosè conquerantur; nam loquax ut plurimum dolor est. Da bona verba, gravia tamen potiùs, quàm mollia. Condole saltem, ni juvisse sufficis. Nemo utique verbo pauper est, quod æquè afflictis gratum, ac si juventur: aut secus novam injuriam sibi inferri putant, si transitorie audiantur. Princeps igitur, aut quicumque sunt viri honesti, in omni vitæ suæ actione teneant rectè agendi præceptum: *nihil sibi esse salubriùs, & ad amorem populi parandum accommodatiùs, quàm humanioribus responsis etiam infimæ sortis homines, ab se dimisisse; salvâ tamen gravitate, ne obviâ facilitate vilescat.*

93. Inter militares de armis loquere; inter doctos de virtute, doctrina, libro, honestate:

te: personis rem & sermones accommoda-
 turus. *Hilares* liberaliùs, suavitèrque exci-
 pias: *Severos*, aut *Morosos* contractiùs, & bre-
 vibus tractabis; cùm faciliè multi sermonis
 nauscam habeant. *Ambitiosis* honorem de-
 feres reverentiùs agendo, perinde, ac si eos
 multi facias. *Cum modestis & sinceris* simpli-
 citatem dicti quæres; nam faciliè dolum su-
 spicantur, si verborum involucris, & ambagi-
 bus affectatis utaris. *Malignos, Astutos, Le-
 vèsque*, quoad potes, vitabis; sed procul à
 nota vitantis, ne offensos habeas. Univer-
 sim verò, secretorum tuorum (loquendo) cau-
 tus eris. Insuper inter *Æquales* dignitatem ex
 pari tuèrè, ne posthabearis: non tamen
 semper ad numerum, & stoica gravitate; ne
 arrogantiae nomen parias. Inter *inferiores*
 faciliorem tui copiam præstabis, ut ameris:
 non nimius tamen aut effusus; ne societatem
 inducas, sed propior gravitati. Erga *superi-
 ores* nonnihil submissiùs te geres: non ta-
 men immemor tui; verùm ultra *venustam
 generositatem*: nec ut abjectus, aut adulator,
 tùm deformi obsequio laborans.

94. *Meticulosorum ingenia* ingesto terro-
 re, nec tamen sine condimento gratiae, ad of-
 ficium commodè rediges. *Generosos* secùs
 exacerbat terror, ut potiùs reddas obstinatio-
 res, aut alienes veriùs, dum eos sic parare cu-
 pivisti: verùm eos gratià, comitate, libera-
 liore convictu, & ad obsonij raritatem,
 non

non semper facili, aut effuso : magis que adhuc gravitate agendi generosa, quæ reverentiam personarum ingerat, tibi obturctos pares. Verbo dicam : injuriæ generosum irritant; mollem, tum pusi lanimem frangunt. Cum *medis* aut *indifferentibus*, præsertim verò cum astutis, aut qui libenter insolescunt, adhibebis simul utrumque. *Terrent nonnulli, ni paveant.* Morosos denique, & *Intrusores* lauiore mensa, & aliquid pro tempore dando tibi mercaberis. Rara tamen ingenia, quæ non hoc ultimo telo expugnare fas sit. Prout igitur hunc aut illum, ad tuum beneplacitum habere vis : introspecte naturam prius, hominum enim animi æquè varij sunt, ac vultus, ut agas, prout ad metum, vel generositatem inclinat, vel participat simul de utroque; ut quemque suo affectu aggrediaris expugnandum, prout in aliquo hic, aut ille magis prædominatur; metusne, cupido gloriæ, amor privati commodi, publicum bonum, aut tenerior conscientia : obiectando dextrè ad persuadendum pericula, ignominiam, damna. jacturam publici; ingerendo scrupulos, & offensam DEI, & quævis in contrarium : vel si faciant, omnia eventura in parte meliore. Jam si omninò refractarij sint recta sequendo, solum in molliora quoquo modo deflectes, & concedes partem, velut Seneca & Burrho visum, *ne utrumque NERO pervinceret, alterum concedere* : vel certe

eve-

eveniet, præsertim si cum generosis res est, ut negligent, si aliquid modò in speciem generositatis sibi concedatur, nec planè impugnari se videant; aliàs nihil pervincere, servile putantes. Sæpè repeto: *hominum animi sicut generosi equi, molli freno faciliùs reguntur.*

95. *Qui amat accipere, negat nihil.* Non in privatis modò, sed puta in publicis faciliè habentur omnia; præsertim apud eos, quibus accipere dulce est, dum sunt *semper venales, & alienæ ministri potentia*; immò mensarum, placitorumque affectu. Non ex vano inexpugnabilem urbem, expugnandam faciliè credidit, in quam asellum onustum auro introiturum didicit. Et Jugurtha Romanum statum inclinari advertit, debiteque illudit: *O venalem Romam! & maturè perituram invênit*, cùm reperit pleròsque ex curulibus, qui accipere oblata non promptè recusarent; immò promptissimè caperent. Vendi sibi negotium amavit, cùm venditores odisset; proditorem, non proditores amaturus. Viri idè quicunque recti etiam licitè oblata, intra verecundiam, propiusque nolentes acceptare debent, aut prorsus non acceptare, virtutis præmium in virtute quæsituri. Hoc enim genus vitij, mentitæ suavitatis condimento faciliè insinuat se hominum sensibus, & leviter modò tangentibus allinitur sine sensu. Faciliè qui accipit, faciliè dat sibi suaderi. *Pessimum veri affectus venenum, sua cuique utilitas.*

tas. Meritò pagina sacra rectos in populo viros, iudices, ducésque dum laudat; aut secus depravatis dum succenset: his appetentiam munerum exprobrat; in illis contemptum oblatorum velut solam rectæ popularis virtutis normam commendat. *Dixit Samuel ad universum Israel, 1. Regum Cap. XII. Loquimini de me coram Domino, utrum de manu cujusquam munus accepi? contemniam illud, restituamque vobis. Et dixerunt: non tulisti de manu nostra quidquam. Et Cap. VIII. Non ambulaverunt filij Samuel in viis ejus, sed declinaverunt post avaritiam: acceperunt munera, & perverterunt judicium. Mirum dictu, quòd pervertat veritatem, bonum publicum, & pervertat judicium, qui properè accipit munera. Talésque hodie videas, in quorum manibus iniquitates sunt; dextera eorum repleta est muneribus Psalmo XXV. Potius igitur: non accipies munera, quæ etiam excæcant prudentes, & subvertunt verba justorum. Exod. XXIII.*

96. Nullius artem reprehende; quod vel maximè offendit.

97. Multa in absentem statuuntur, quæ in præsentia non fierent. Cura, si tutè potes, ut dicendis de te rebus, aut statuendis ad sis præsens cum autoritate tua, & amicorum; ne per absentiam conscientia facti arguaris, eaque importuna meticulositate majorem inge-

ras audaciam æmulis validiùs contra te insurgendi, qui nisi tuâ imbecillitate fortes.

98. Magnorum virorum diffidia concilia, & mediatorem te interpone, etiamsi non vocatus, si autoritate vales; sed procul ab importunitate, & sine alterius partis offensa. Fac talia pro publico bono, & amore proximi.

99. Dum punis, privatim puni; dum parcis, publicè parce.

100. Habebis aliquem bonæ existimationis virum, qui pro te agat, & loquatur in publico, quàm tu ipse pro te. Major alienis dictis in aliena causa fides, laudando vera, seu excusando liberiùs falsò imposita, tum opinativa; & minor tibi dicenti invidia. Quæ pro sua causa dicuntur, magis ex necessitate propria, & pro animi passione, quàm ex vero dici communiter creduntur.

101. Quæ tibi adversa acciderint, supprime, aut tege lætis; prospera latiùs divulga.

102. Sermones vulgi velut nesciens ignarusque feras; prohibiti enim plures erunt, quasi veri, si prohibeantur, & nocituri.

103. *Securitati consule priùs, antequàm vindictæ*; quosdam enim, haud tutò aggrediari, ut cavere ab iis magis opportunum sit, quàm ut aliquid acerbiùs in eos statuatur.

104. Justitiam ama, & verax sis; quò magis fidem rebus tuis pares.

105. Nonnulli dexteritati, tum prudentiæ, virtutisque suæ in tantum fidunt, ut spontè sese con-

conijciant in occasiones periculosas; negotia intricata, difficilésque conatus suprà vires aggrediantur; quasi in arbitrio sit, ex illis eluctari, tamque deferere promptum, quàm irritare incepta, tum velut supra humanos casus constitutis, tum non errandi potestatem sub imperio habentibus. Quod secus sit, dum tenemur potiùs à negotiis, quàm tenemus illa. Non admittere verò occasionem, primus gradus est non errandi, dein posterior, non errare. Nè DEUS quidem, dum probos vult nos fieri, peti voluit, quàm *ne inducamur in tentationem*: quasi non peccaturi, si tentatio, id est, mali occasio, absit. Non igitur, quantum in nobis est, dubiis rebus nos volenter committamus; ne apprehendamus plus animo, vel manu, quàm cui sufficere possumus retinendo, vel contra oblustantia constanter perseverando. Nec sibi blandiatur mens, ut præsumptuosa opinione nostri minùs opinemur de virtute contrariæ partis, dum volumus, ut evitemus occasiones eorum, immò ipsa malo. *Faciliùs aliqua non recipiuntur, quàm exeunt; immò excluduntur venientia, quàm expelluntur, dum fuerint admissa.* Qui admittit occasionem, admittit errorem.

106. Irasci, mala verba dare, ferire, nemini fidere, res quietas non sinere, pro libitu agere, aut secùs in speciem autoritatis desiderare, *nomine magnifico segne otium velare*, in alios agendum opus conjicere; superbire,

tum insolescere potestatem regendi nonnulli falsò putant, cùm aliàs suavitas agendi, præviâ prudentiâ & cautione, rebus perficiendis totum possit. *Maxima flumina minimo sono labuntur.* Non tamen obest rebus, subirasce modicè intra gravitatem agendi; immò valde prodest, ut vivaciùs in executionem urgeantur. *Iram prudentem esse ceteram fortitudinis,* non ex vano dictum. In consilium verò rectè incipiendorum, sola prudentia cum deliberatione non affectata, jus semper habet. *Potestatem cautis, quàm acrioribus consiliis tutius haberi,* Tacitus ait.

107. Vitia hominum privatim, publicèque nihil magis intendit, quàm cùm malè fecisse, joci vicem habet, nec suspensio supercilio, sed excipitur cachinno. Exinde licentiosum, dum non timent DEUM, quod reliquum erat, excusâ hominum reverentiâ, & pudore, malefacere sibi complacent; vel dum in rectiores incurrunt, qui rigidiore fronte, tum verbo factum excipiant, indignantur. Moneri nolum, & paucorum rigorem & censuram injuriæ loco habent, dum plures jocosò intuitu talia transeunt, velut approbantes. Moderni seculi, immò novæ Politicæ ea labes est. Rigidæ priscorum Germanorum virtutis, non immeritò causam adnexuit Tacitus de moribus Germ. *Nemo illis vitia ridet, nec corrumpere, aut corrupti seculum vocatur.*

108. Non levis est prudentia *moralis*, tum *politica*: scire in suis domi, & civibus publice quædam minora dissimulare, nec vetare; ne obtineas, ut pervincendo, quæ agnita vitari, nec coërceri possint, in pejora mala incurra- tur ex jussorum, & impunitatis contemptu, nisi aliquid fragilitati concedatur: velut profun- dissimè sparsim *Tacitus*, tum alij. Nescio, an non tutius sit, quædam adulta & prævalida vi- tia admittere, quàm illud assequi, ut palam fiant, quibus prohibendo pares jam non si- mus; dum vero prohibita semel impunè tran- scenderis, neque metus ultra, neque pudor est. Quædam tutius non prohibere, quàm probi- bita leviter præterire; & fontem non accusa- re, quàm accusatum non punire; nam evul- gatus pudor non satietatem, ut multi rentur, sed incitamentum parit, *Coërcitio plus damni in Rempublicam quandòque affert. Quàm indecorum verò attrahere, quod non obtinea- tur; si velis? Quod nondum vetitum est, ti- meas, ne vetere.* Tolerabilia sunt modica vi- tia, quàm prohibitio, cui nemo paret. Mi- thridates continuo usu veneni, naturæ suæ red- didit familiare toxicum, ut contra noxia in- duraretur: sic aliquæ malæ consuetudines, tum abusus consuetudine roborati non tam obsunt Reipublicæ, nam sæpe alterius virtutis interventu, velut ad æquilibrium pensantur, & cum tempore conveniunt, quàm præceps cor- rectio: prout violenta medicina plus nocet.

ægrotis, & vim naturæ insert, quàm ipse moribus, qui sensim utique conficit. Inter hyemem, & æstatem ver, aut autumnus inest; inter diem & noctem diluculum, naturâ ipsâ haud violenter, sed quasi per gradus in mutationem se transferente. Etiam virtuti horrot imponitur, si severius se intrudat, non suaviter insinuet. Cum tempore curandum, quæ cum tempore invaluit. *Repentinæ novitates sunt tanquam advenæ, & peregrini, quos admiratione plûs, minûs benevolentia prosequimur.* Exinde novorum Politicorum axioma vix improbaverim: *In seculis aliquanto corruptionibus, homines industrios & satagentes usui magis esse, quàm pro rigore virtutis nimium zelosos.*

109. Ne decipiaris, maturè cogita te deceptum iri. Sæpe diffidentia mater securitatis est; aut secûs, si in vanis nimium scrupulosus sis, sæpe causa inanis metûs; nocet rei, nocet parandis amicis. Dubitaverim præterea, an modica calliditas non sit in parte Politicæ prudentiæ, seu cautionis, pleno hoc obliquo ingeniorum seculo; non ut circumvenias, sed ne circumveniaris, dum quemque pro suo ingenio scis metiri. Aliqui enim ita sunt incautè sinceri, si præsertim in blandiloquos, & astutos incurrant amicos, ut nihil sinistra intentione agi opinentur.

110. Sis Politicus, non tamen, ut te Catholicum esse obliviscaris.

III. In

III. In privatis publicisque negotiis cum paucis, vel cum populo, non semper idem tenor, modusque actionis servandus, dum rem habere probè cupis; verùm secundùm tempora, personas, immò cum iisdem personis, sed aliis occasionibus, rerùmque circumstantiis, modum agendi variari necesse. Aliquando severitas juvat; aliquando eadem obest, sed prodest clementia, & suavitas. Aliquando munificè; aliquando parcius aliquos habere oportet, & dandi facilitas obest. Aliquando tacere, & dissimulare; nonnunquam exprobrare palam, aut tacitò conducit. Aliquando properare, aut cuncta petentibus statim annuere; aliquando differre in tempus, negare, difficilem se præbere, & grave supercilium monstrare prodest: mollius, aut austerius, cum autoritate matura, vel submissius, familiaritèrque pro confidentia agendo. Nec CHRISTUS in sua œconomia semper eundem agendi modum servat; sed pro tempore variat. Peccatricem mulierem ad pedes suos provolutam promptè admittit, peramanter adspicit, *bonum opus operantem* laudat; eandem postea, licèt poenitentem, & in melius correctam à sui amplexu arcet, severiusque habet: *Mulier, noli me tangere*, cum utrumque intra peræqualem bonitatem ageret, illud intra summam clementiam, hoc cum Majestate, non extra tamen gratiam, modo vario & causa: verùm intra eundem amorem; dum

dum simul arceat, simul solatur eandem, simul-
que honesto præficit officio. *Quid ploras?*
quod quæris? Vade ad fratres meos, dic eis &c.
Joan. XX. Dixerim, qui se aliorum exem-
plis, suæque probatæ semel praxi totos alli-
gant; nisi aliquid in præsens mutant agendo,
addant, minuântve, graviter falluntur. Po-
tuit iisdem de causis, cum iisdem personis le-
verior modus prodesse, cum quibus alio loco,
& occasione, nisi suavius agendo remittas de
rigore, rem turbes; nec quod voluisti, asse-
quâre. Utî eadem vestis, non cuilibet cor-
pori & ætati: sic praxis & exempla, tum imi-
tatio, rebus, & personis non quadratè serviunt,
nisi pro tempore immutentur.

112. Animi constantia & ingenuitas juvat
in adversis, superat invidiam, arceat mala; mol-
lities secus accersit periculum. Cui vitam
animi fortitudo, aut constantia non dabit; me-
tus, aut fuga rariùs parabunt. Sic apud Ta-
cit. accusati de amicitia Sejani, alij per mol-
litiam excusando, eò majorem suspicionem
sui cùm movissent, succumberentque in causa;
Marcus Terentius ingenuè, quod verum erat,
solus fatendo, constanter superavit invidiam,
& evasit objectorum pœnam: prout ejus re-
sponsoriam, non sine gustu, & paranda doctri-
na legas apud Tacit. VI. Annal. Qui silentio
tristi objecta recipit, non modestia est, sed ta-
cita confessio; aut judicem tacitè arguit sæ-
vitæ, quasi in majus defensione innocentie ir-

ritetur: qui autem negat, quod verè ob-
 ctum, seipsum accusat; non quod noluerit,
 aut de malefacto doleat, sed quod latuisse tan-
 tum expetiverit, præsidium malitiæ ab occul-
 tis habiturus; immò metum prodit ex facti
 conscientia & atrocitate, quod fateri veretur.
 Neque extinguit materiam objectorum, sed
 irritat accusatorum, æmulo:umque proter-
 viam; tum ad inquirendum & comproban-
 dum ingenia, ne frustra objecisse videantur.
 Demùm acuit audaciam, ut contra timentem
 gravius insurgant, inclinatum concitatiùs im-
 pulsuri in ruinam. Qui secùs ingenuè fate-
 tur, propiùs pœnitentem est, dolet de obje-
 cto, quod spontè agnoscit, & corrigendum
 videt. Dein fortis utique animi signum est,
 intuitu virtutis sive vero, sive specioso, tum
 pro ingenuitate, aliquid dicto, factoque ten-
 tâsse, non tamen malitiosè, vel ex dolo, qui
 semper suspectior est, quàm animi apertus can-
 dor. Non superba tamen debet esse facti
 confessio, nec velut exprobratio, quæ magis
 exacerbat; dum obstinationis in animo si-
 gnum est, accusatorem & objecta velut con-
 temnens. Sit potiùs intra vultùs verecun-
 dam amœnitatem, nec extra ingenuam mo-
 destiam, quæ innocentix suæ, dum non tur-
 batur, fidem faciat, ac de clementia, pruden-
 tiæque discernentis multum sibi persuadeat;
 aut, si omninò deprecandum sit, non faciat ta-
 men aliquis, ut nimium abjectus, nec veste

for-

forditatus, aut squalidus, quod indignationem
 sæpè magis, quàm miserationem movet, ve-
 rùm faciendum ex memoria ingenuitatis &
 honesti. Sic, ut per varia casuum abeam,
 apud Thuanum Joannes Fridericus Saxo-
 niæ Dux victus prælio à Carolo V. Cæsare, &
 captivus, cùm pro nota rebellionis decretum
 mortis, jussu Cæsaris adferri sibi videret, lusui
 latrunculorum tunc fortè intentus, & velut in
 aliena causâ minimè turbatus, Ernestum Du-
 cem Brunsvicensem secum colludentem, si-
 mulque forti compatiemem, constanter mo-
 nuit, ut eo non obstante lusum continuaret,
suam innocentiam, Cæsarisque clementiam, ea
in parte sat pro se laboraturam subjungens.
 Quâ infracti animi constantiâ Cæsarem flexit,
 & periculum vitæ, licèt non fortunæ, supera-
 vit. Sic apud Franciscum Guiccardinum
 (Hist. I.) Cùm Rex Galliæ Carolus VII.
 moto bello pro recuperanda Neapoli contra
 Arragonios, in Italiam cum exercitu se in-
 funderet, ac fortè per transeundum à Floren-
 tinis pro societate armorum, & amicitia in ur-
 bem receptus, contemptius eosdem haberet,
 conditiones aliquas graviores extorsurus, illi
 verò, potentiâ Regis consternati circa con-
 sensum tergiversarentur; solus *Petrus Capo-*
ninus, vir altioris animi agendi constantiâ rem,
 animosque civium restituit, & Carolum ple-
 na generositatis voce, tum facto terruit. Ver-
 ba sunt Guiccardini (Hist. I.) Cùm ejus Col-

lege coram Rege stetit consternati, atque à
 Regio scriba compositionis capita iniquissima
 scripta recitarentur, Caponius rei indignitate
 vehementer permotus, libellos è manibus scriba
 abreptos, Rege spectante discerpfit, & se abitu-
 rum proripiens voce concitata subjunxit:
 Quandoquidem tam iniqua postulatur, ve-
 stras vos inflabitis tubas, nos compansas pulsabi-
 mus nostras; haud obscure innuens, eas con-
 troversas motâ plebe, armis esse decernendas.
 Constat, tantâ fiduciâ verborum Caponij terro-
 rem Gallis injectum, secum reputantibus, tan-
 tam in eo homine constantiam, non sine fiducia
 alicujus paratæ potentie, & subsidiorum esse.
 Quamobrem eo revocato Rex in æquiora, nec
 absona Florentinorum libertati deflectit. Sed
 cur vado per externa, cùm adsint domi exem-
 pla propria, idque in meamet causa? Cùm
 per iniquitatem delatorum, recta plerumque
 civium vota in sequiorem sensum trahen-
 tium, liberiùs dictorum, ut fieri assolet circa
 libertatem, coram Rege accusarer, ipsèque
 ad interiorem cameram me vocato pro maje-
 state exprobraret: id, quod certè verum erat,
angustie mihi undique. Hinc mendacium
 servile peccatum, si vera negarem, & offensâ
 DEI; illinc apertior offensâ Principis, si fa-
 terer. Recollectâ repentè mente, in partem
 utique posteriorem peccare malui: nec ta-
 men apud pium Principem peccavi, fronte ad
 amoenitatem, pro fiducia constantiæ, non

extra tamen modestiam composita, subjun-
gens: Si quæ à me dicta, non profectum à ma-
litiâ, aut inquieto ingenio, sed factum pro fi-
ducia legis, tum æquitatis, cujus assertorem pro
Catholica pietate, ipsum Principem esse scirem;
nec mihi aliàs jurato Senatori, nisi cum lege
loquendum conveniret. Cùm igitur respon-
sum acceptandum; aut aperta lex, tum æqui-
tas impugnanda esset, quod nequaquam bo-
nus Rex apud animum pervincere potuit
(nam etiam juxta populi libertatem conve-
nientissimum erat objecto) intra ingenuita-
tem responsi conquievit. Unde, uti per cæ-
tera gestorum alios; sic eo casu me quoque
publicè, ac privatim æquioris animi bonus Rex
habuit præconem. Cessare debui; verum
non extra materiam, unicum adhuc constan-
tis tum infracti animi exemplum apponere,
Ferdinandi Arrogoni Neapolitani Regis.
Cùm enim supra memorato Carolo VIII.
Galliæ Rege, victricibus armis Neapolita-
nam oram pervadente, ipsâque Neapoli ur-
be, & Prætorianis cohortibus in victoris no-
men desciscientibus, Ferdinandus regnum de-
serere cogeretur: nihil spes relictum, quàm
ut cum paucis intimorum relictâ Neapoli in
Ænariæ Insulæ arcem, *Isoleam* nomine, sece-
deret; verùm eadem infensa fortuna secuta in
Insulam Ferdinandum. Arcis enim *Isoleæ*
præfectus eodem, quò reliqui Neapolitano-
rum, morbo perfidiæ agitatus, in victorem

Gallum propensior, descendenti fortè ex trireme portas arcis occlusit. Fertur insperato perfidiæ spectaculo consternatum priùs, dein recollecta mente & spiritu (à desperatis, & animi constantiâ consilio captato) paucis comitantibus, proximius portam arcis animosè successisse Ferdinandum, ut partim mandatis, partim exprobratione collatorum beneficiorum, & exinde turpis perfidiæ, partim vultus majestate Præfectum flectere posset. Non plùs tamen apud perfidum ea valuère, quàm ut datâ solùm conditione, arce recepturum se Ferdinandum promitteret, si nemine comitante solus portam ingrederetur. Accepit ille promptè conditionem, non ut dissimulans, & exinde tacitæ offensæ suspectior; sed ut majestatis conscius. Moxque ad aperta porta est. Tum verò in ipso portæ ingressu, non se Regem oblitus, eâ confidentiâ, eoque vultu ac vigore animi, districto gladio in Præfectum & custodem portæ impetum fecit, ut satellites, qui armati in statione aderant, comminantis & imperantis simul Regis aspectu perterriti, extemplò portam aperuerint, reliquum comitatum recepturi. Quo casu manifestè apparuit, animi constantiæ, vel, ut Jovius ait lib. II. Histor. Regum oculis, in omni fortuna, quandam supra humanam inesse vim; proditoribus autem degeneres esse animos; præsertim, cùm in ipsa perfidia deprehenduntur.

PARS TERTIA. POLITICO-MORALIUM.

1.

Conscios secretorum etiam delinquentes non habebis acerbius; ne irati prodant secreta, & res misceant.

2. Licet verum sit, nunquam conqueraris, quod malè de te loquantur homines, aut enim, cum senserint te offendi, pejus loquentur in acerbiores vindictam, aut denudaberis coram audientibus de adversariis, cum non levi suspitione famæ. Potius bona indulgentiâ fortunæ dic: tibi satis amicorum esse. Bona de te sentire omnes. Inimò: in præsentia tibi detrahentium, sinceritatem & candorem lauda, velut ignarus translationis; ut consequaris, quod illi sinceri à te vocati esse jussu velint, ne bonam de se opinionem amittant.

3. Cuique, sed præsertim in officio degenti, minima sui in obedientia severius observanda, ut minùs seriò imperata sint in executione: quod majoribus jussis non ignaviter attendatur.

4. Si quid in aliqua gravi materia difficile propositum, quod non statim intelligas; scripto consignari jube, aut prudentem ministrum delige, qui rem inquirat tibi sufficienter relaturus.

5. Nimiam magnorum comitatem, suspectam habe. Nunquam te illi credes totum.

Non enim mutuo bono faciunt, verum suo; quatenus operâ tuâ velut instrumento utantur: seposituri in partem, dum cogitatum perfecerint.

6. Nonnunquam prudenter de gravitate, & de jure demittere, necessum putabis, quatenus assequaris, quod voluisti: alloquendo prior, salutando, visitando, adeundo minores, familiaris in parte colloquendo, convictum eorum non aspernando, nonnulla dissimulando. Sed hæc modicè adhibebis; velut obsonia rarioris favoris, non ut laetitiam profusionis.

7. Privatum otium, & exercitia tui cubuli, sint gravia.

8. Spectacula generosè edita, ut sunt ferarum nobilium certamina, hastiludia, in opinionem serviunt authoris. Velut in *Laurentio Medico* observatum reliquit *Paulus Jovius*, qui in populo, tum apud externos æstimationem sibi paravit, magnanimitate expensarum, in honestos circum se clientes, in eleemosynas, & obælatorum prompta subsidia, in equestres ludos edendos, in apparatus conviviorum, in colendos literarum Professores, in conquirenda, quæ rara alicubi videbantur: quibus ille (verba sunt Jovij) ac præferri munificentia auspiciis, longius famam suam extendit, quàm quisquam alius equalis, vel militarium armorum fulgore proficeret. Et vitam *Magni Consalvi* apud eundem legas; quo-

quomodo in aula primùm creverit, dein apud milites expensarum apparatu valuerit, omniū animos in se rapiendo splendore pretiosæ togæ, armorum, & convictūs.

9. Aliquid in tuis, aut te ipso mutaturus, non uno ictu præcide; sed lentâ operâ, & quasi aliud agendo. Novitas enim, & *insperata sedulitas* parit suspicionem.

10. Patrij, & antiqui moris, ac eorum, quæ populo placent, doce te esse amatorem, & imitorem.

11. Non properè damna, sed lentè, & sæpius dolens. Propiùs libenter damnat, qui citò. Immò pœnam infliges malis, non ex crudelitate & sævitia puniendi, sed ex æquitate discreta, corrigendo, non tollendo. Insigne senatûs consultum in gratiam damnatorum factum Romæ: *Ne decreta Patrum ante diem decimum in ærarium deferrentur, quo Senatui libertas ad pœnitendum esset, & rigor interjectu temporis mitigaretur, idque vite spatium damnatis ut prorogaretur.* (Tacitus 3. Annal.) Hoc olim sanctè in ethnica Roma. Catholica nunc pietas, quid ni plùs requirat? Ante dies quindecim in delinquentes ne decernatur, non inutilis mora est: decretaque, ut procrastinentur. Iusta primo affectu, immò ab ratione, sæpè nobis videntur, quæ posterior dies arguat; si iterum decimòque inquiras, hæc, illæve, falsâ imposita, opinativa, repetita in trutinam vocando. Præ-

stat nocentium pœnam differre, quàm (absit præcipitanter) innocentem per errorem damnare. In quem errorem ipse vix non impegi decernendo.

12. Nunquam servilis sententiæ author sis, & fautor.

13. Qui urgere negligit, habere non vult. Non incipiendo; sed perseverando res habentur. Eò propè collinat Tacitus: *Multa ausis aliqua parte fortunam affore.*

14. Serâ experientiâ compertum habeo: eos, qui prudentiâ dictorum, & consilio valent; rarò utiles factis, & exsequendo; dum satis habent ad rem bene gerendam aptè consuluisse. A multarum rerum consideratione respectibus laborant. Neque periculum sumunt agendi, aut, dum aliquid obstat facto, agere dedignantur, quasi impugnare veritatem irati, cujusdam, si dicere licet, *omnipotentia modo*, totum habere volentes, non urgendo, non instando. Aut denique sit occulto naturæ arcano, cum aliis rectè consulendi, aliis rectè agendi, urgendique modum dedit; ne fors aliquis supra humana attollatur, sed memor sit, humana necessariò aliquid ex imperfecto habere. Hos quidem censeo consulendo utiles, verùm ad exsequendum cordatiores alios, qui non verbis dictisque, sed magis loquuntur factis & rebus, adhibere oportet: seu, ut vulgus ait, subcholicos, activos, non respectivos, quibus si aliquid obstat, non ter-

terreri, sed impedita amovere, iterumque conari studeant; non cedere ipsi rebus, sed concedi sibi debererati. Et Apostolus eandem urgendi necessitatem suggerit. Nec tentare modò leviter, quod ex necessitate recti, habendum intendimus, sed instando animosè (non tamen extra prudentiam) perseverare docet. *Insta opportune, argue, increpa; obsecra, in omni patientia & DOCTRINA.* Audacia, & activitas, tum constantia, sunt rectæ executioni ferè parallelæ. Multi virtutem incipiendi, rari admodum finiendi, aut perficiendi habent.

15. Nemo fidenter rem gerere potest, qui non se majorem credit eo, aut saltem parem, cum quo res intercedit. Qui se inferiorem habet: timidè aggreditur. Ideoque parùm ad rem proficit, in tractatu privato, seu in publico, circa materias præsertim bellicas, togatas, ac vel maximè in materia legationum, & commissionum cum exteris,

16. Publicam semper utilitatem, & religionem obtende. Ne publico usui, utilitatem privatam anteponeere videâre.

27. Etiam non vestitus, comiter alloquaris, & responde; procul tamen à levitate, & projecta facilitate.

18. Non velis videri jocularis, & dicax.

17. Imbecilliores ad tuam opem (sed ex justo) confugientes, non desertos patiaris. Fidam enim operam præstant. Vide tamen,

ne eo sub prætextu, flagitio pollutis, liberum apud te asylum permittas; & ex eo falsam protegendæ potentiam præsumas, quæ tunc solum vera & gloriosa est, dum virtuti, non vitio patrocinatur.

20. Pro Divinis maximè, & bono zelo certabis.

21. Mutaturus sententiam, dic utilitati publicæ te studere, non vulgi opinioni.

22. Non sapias ex ore tuo tantum, sed boni consilij, & dictorum, quod etiam ab alio provenit, sis amicus & fautor: quod est generosi animi, & virtuosæ mentis signum.

23. Qui super alienis prolatis quæstiunculis ludunt, verborum deprehensores curiosi, nec acquiescunt rectè dictis, semper aliquid requirendo; aut rem non intelligunt, aut sunt leviculi, aut maligni, aut contentiosi & garruli, aut genio præsumptuosi, aut suprà vulgi ingenium iudicio valent, aut demum sunt sugillatores stupidi. Si igitur quietus animo esse cupis: fuge talium colloquia, & convictum. Dum enim non finiunt, sed irritant materias, exacerbant personas.

24. In adversis & desperatis, subsidium ab audacia pete.

25. Consanguinitas magnorum cedit in æstimationem, idè per te, aut tuos, eam quæres.

26. Non rimeris secreta populi, item amicorum. Dandum aliquid libertati sentiendi, & agendi.

27. Fa-

27. Facta arguantur; dicta impunè sunt. Neve convivalium fabularum disteria in crimen vocentur.

28. Parvi errores non dissimulandi: nam magnarum causa sunt. *A venialibus facile itur ad mortalia.*

29. Uno tempore multa ne suscipias agenda. Non enim perficies, & arguèris incepti.

30. Non cogita, quomodo esugas mala, sed quomodo fies fortis, & immotus contrà. Crescunt, si fugias; minuentur, dum subsiles. Possibiliùs verò ea ferre, & contemnere, quàm vitare.

31. Defectus aut vitia corporis, tum fortunæ, immò jacturas omnes prudenter tege. Nam læta pariunt reputationem, tristia contomptum.

32. Monstra aliquo per virtutem factio tuam potentiam, immò & prudentiam, ut innotescas; vel si potentiam monstrare non potes, saltem impotentiam, defectùsque occultare studebis, occasiones, quæ detegant, vitaturus; ut bonam opinionem retineas, veteri monito; *Quod non possumus, nolle videamur.*

33. Probatoria eorum sunt ingenia circa res privatim publicèque gerendas, qui, cum omnia præstare non possint, media bona exsequuntur. Illi verò, licèt aliàs optimi cives, minimè probantur, quibus si non successerint prima; media non arripiendo per immode-

rationem animi dedignantur, rebus, sibi que ipsis irati. Fac tu potius, non quod optimum velis; sed quod melius in defectu mediolorum possis, accommodando te ad tempus; mores, occasiones prout se offerant, arripe, nam optimas occasiones expectando, non assequeris; possibiles verò omittes nihil præstaturus, & pro otioso habendus. Musicorum artem imitari præstat. Cùm sublimes notas numero è cantu assequi non possunt, octavâ aut quintâ utique voce, vel tertiâ imitantur tonum; modò ne à recto canentium choro & modulo deflectant, nevé concentum turbent. Judiciosi ergò viri quæque oblata casu, flectere ad consilium nòrunt. Verùm in consiliis capiendis *illud plerumque nos decipit, quia non quid possit, sed quid fieri debeat, aut necesse habemus, facillè eventurum credimus: & respicimus consulendo, quod contrà est; nam potius quid possit fieri, non quid debeat, priùs cogitandum.*

34. Alienâ invidiâ diffamare ipsi student, qui detrahentium dicta recensent. Apage cum talibus præcautoribus amicis.

35. Quod tibi servit in æstimationem, potius per te fiat, quàm ut alteri faciendum permittas in Republica: uti facere pacem, nationes componere, magnas legationes obire, gravia responsa dare, & alia.

36. Imperaturus aliquid novum aut difficile factu, ab iis exequendum incipe, quibus majorem tui observantiam inesse credis, atque

que merum; ne si ab audaculis primò & contumacioribus exequendum velis, arque illi primis imperatis per temeritatem resistent, etiam modestioribus pertinaciam reluctandi ingerant. Jam secus, quod à modestioribus inceptum, ad se perveniente ordine (ut jam non novum) exsequentur, etiam illis, qui fecerunt, in executionem instantibus; ne hi posteriores obsequio videantur.

37. *Nulli te facias nimis sodalem. Gaudebis minùs, sed minùs dolebis.* Immò turbam hominum (quoad salvâ gratiâ potes) vitabis; quia præsens, aut necesse imiteris alios, aut oderis: utrumque autem devitandum est, ne vel similis malis fias, quia multi sunt; nevé inimicus multis, quia tui dissimiles sunt. Verùm hoc supra humana ascendentis mentis, & est animi DEO se præparantis.

38. Cùm omnia possimus, sola credamus licere nobis laudanda.

39. Diu secretus delibera; ne pudori sit, frustrâ tentasse. Citò verò deliberatum fac; ne præveniaris.

40. Licèt aliqui recti sint cives, & pro Republica zelosi; plerumque pro impatiente rigore, & immoderatione animi, curando aut exprobrando plus nocent Reipublicæ, quàm ut proficiant. Potiùs, opinione saltem, videantur sibi boni cives, quàm ut vitia exprobrando conscios errorum reddas, ut scienter pec-

peccent, cum affuefacti retrahi non possint; vel dum periculorum remedium ipsa pericula rentur; & periculosius putant in incepto, quam in peracto deprehendi. Rectè quidam in Catone, optimo aliàs cive moderationem desideravit; & Cicero de eodem: *Cato animo optimo utens, ac summa fide, nocet tamen interdum Reipublicæ; dicit enim, tanquam in Platonis Politia, non tanquam in Romuli Curia sententiam.* Si igitur in ea Republica vivatur, quæ depravata sit; inutiliter ad quæque attendere scrupulosus velis nihil effecturus, quam ut inutili angore conficiaris, nullo fructu in publicum. Ab aliis, si potes, despectendum, alia ferenda, alia non videnda. Potius curabis, ut quoquo modo temperes mala & errores, quam ut toto corpore te illis opponas, nunquam suffecturus. Noli igitur Catonis ire, verùm sapius remittes de rigore, immò & de potestatis majestate, dissimulationique studebis: quod non est infamare auctoritatem regendi, sed & prudentem, simulque bonum parentem, & filios; non herum & subditos regendo cogitare.

41. *Nascentis seditionis, tum audaciæ, Patientia & Modestia magis est irritamentum, quam remedium: secus dum adoleverit, cauta & mollia remedia locò magis succedunt.*

42. *Provide maturè; ne populus rerum necessariarum, ac vel maximè annonæ penuriâ gravetur.*

43. *Pe-*

43. Periculosos conatus, quos non potes avertere agendo. potentia, imperio, manu, vel solvere ratione; eludes commodissimè tempore, differendo, de die in diem trahendo, moras nectendo, impedimenta studiosè obtrudendo; ut interim impetus agendi quoquo modo sistatur, vis hebetetur, ardor deficiat, *qui nisi initio intenditur, aliis minùs potens. Non sis igitur ager morà, spei impatiens, periculi quàm morà patientior: ingratum habens quod tutum, sed ex temeritate spem capiens.* Velut argutè quibusdam succensuit Tacitus.

44. Sis tacitus. Facias potiùs, quàm loquaris.

45. Sta semper verbo; ne fidem factorum dictorumque in posterum amittas.

46. In componendis privatim publicèque rebus, dum media non valent extrema proficiunt; sed tamen non extra metas virtutis.

47. Initia officij seu Magistratùs à magnis rebus tractandis incipe, quo magnam expectationem factorum facias, sed, quæ in te sunt perficiendo; ne arguaris.

48. *Viles plerumque, qui nimium, nec cum gravitate civiles; Et viles, qui nimium faciles.*

49. Monstra te à nullo dependere.

50. Ludicris rebus, & leviusculis non occuperis; ne amittas auctoritatem.

51. In.

51. Interdum secedas, & secretus sis; hoc enim parit expectationem, quid pariat tuum secretum.

52. Cum nullo velis te, ut ajunt, indomesticare. *Nimia familiaritas parit contemptum.* Potius fac omnia, velut primum inchoaturus: ex eo gravitatem retinebis.

53. Non sis præcipitans, aut valdè lentus agendo; illud levitatis, hoc est ignaviæ.

54. Quod facis, fac semper exquisitissimè. *Magis malè tentata nocent, quàm nihil gesta.*

55. Non opineris, sed scias.

56. Magna incepta incipe à divino sacrificio; benedictionem DEI, & in vulgus apparatus majorem inceptorum habiturus.

57. Non multa fac, sed magna & notabilia.

58. Tunc veram tibi inesse potentiam credes, si quæ à te ipso fulta erit, non ab alio.

59. Potentia tuetur auctoritatem; idcò quærenda in munita domo, & milite.

60. Potentia rectius beneficio ostentatur, quàm maleficio. Beneficia Regis manus, flagitium coloni unius præstare potest.

61. Virorum literatorum, & æstimatorum, tam domi, quàm ab externo, per literas, aut quovis alio modo notitiam quære. Interdum modicis munusculis per occasionem eos devincies; quatenus nomen tuum celebrent.

62. Non solum ad mores tuos advertas, sed etiam tuorum; ut honesti sint, gravitatem

tem redoleant, non fastum; iminò per omnia modestiam.

63. Malè de te loquentes, iminò pessimè tibi volentes, vinctes humanitate, & affabilitate velut nescius traductionis potius, quàm ut te omnino avertas.

64. Non in civitate, sed propè civitatem manebis; ut omnibus partim conveniendi tui necessitas sit; partim ut commodius honesto utaris seculu sine censore, dum velis.

65. Sine ostentatione monstra, quæ in laudem tibi serviunt. Aptè observatum reliquit Historicus in illo Romanorum: *Mutianus*, quæ dixerat feceratque, arte quadam ostentator; quæ venustatem rebus non demunt, sed potius parant, si aptè accommodentur, familiariter fidenterque, sine ostentatione affectata, agentibus. Secus faciunt personæ theatrales & mutuatae, quæ cùm rectum aliquid in præsens egerint, exuunt deindè scenam, citò ad naturam redituræ. Ostentatio igitur modica pro tempore, si fortè vitium sit in *Etbicis*, non certè in *Politieis*; nam famæ parandæ & authoritati conducit, si cum venustate fiat. Postquam aliquis familiariter velut per incuriam ostentaverit, quod in sui laudem servit; deinde in jocos, & nonnullas ergà seipsum censuras arte declinet: nam verè modestiæ titulum affectando nimium per omnia, laudatâque neglectim intermittendo,

ma.

maiore damno occultamus, quod in æstimationem nostri servit cum non modica famæ parandæ jactura. Nec semper succedit (apud eos præsertim, quibus per exteriora viros metiri, & æstimare mos est, velut Samsonis olim in capitis capillo vires; his effusiore in barba authoritatem magnorum requirentibus) quod Julius Agricola apud Tacit. *ne notabilis celebritate & frequentia occurreretur, vitato amicorum officio, noctu in urbem venit; cultu modicus, sermone facilis. uno aut altero clientum comitatus, aded, ut plerumque quibus magnos viros per ambitionem æstimare mos est, viso aspectoque illo quærerent famam, pauci interpretarentur.* Et Otho parandæ militari auræ ante signa pedester, incomptus famæque dissimilis. Verùm convenientissimè hic ponatur, quod Gramondus (Histor. Gall. lib. 1.) ait. *Principi Sueffionio à plerisque pro nevo data sui æstimatio. At levis hic nevus viro Principi; qui, si dotibus animi valet, cur diffiteatur naturæ donum? Principibus conscientia virtutis propria nunquam vitio vertitur; quippe raro in res magnas via est, per sui despectum. Multum interest Principem inter & privatum; ille ad famam omnia dirigit. Quod vitium huic, sese illi virtus; quod homini privato superbia, Principi magnanimitas est.*

66. Legationis splendore paratur reputatio apud exteros: magis tamen legatio ponderatur à prudentia viri.

67. Ina-

67. Impertinentes tuas actiones amputabis, ut seriis magis attendatur.

68. Novarum machinarum bellicarum, & aliarum structurarum adinventio parit æstimationem.

69. Non congregiaris cum eo sæpius, quem majorem re credis; ne autoritas tua ex comparatione vilescat.

70. Academiarum fundationes, aut quod publico servit usui, servit æstimationi.

71. Ecclesiæ proceres tibi devinctos habere; nulla enim re potentiùs capiuntur aut habentur homines, quàm religione. Provocabis verò amicitiam jura & ordinem tuendo, cum iis conversando, eleemosynam largiendo. Incepturus verò magnum aliquid in Republica, cura primò, Episcopum aliquem è potentioribus partium habeas fautorem.

72. Eos nonnunquam negligentius curari oportet, qui tuâ curâ subsistunt; seu sint filij, seu clientes: domestici, seu milites; dum enim ad tuam curam respiciunt, negligentes sibi redduntur, & amittunt industriam. Necessarium igitur majori ex parte, suæ curæ ut relinquantur, discântque sibi in parte providere, & acuant industriam; alienæ curæ non in tantum se committentes, quin plùs à sua opera expectent.

73. Nulla munera aut officia ignaro te distribuuntur; ne alteri, sed tibi beneficium debeat.

74. Ali-

74. Aliquis vir bonus nobis diligendus
pro exemplari virtutis, & ante oculos habendus imitando.

75. Principi viro honestiùs puta offendisse, quàm odisse; hoc mollis ac in seipsum sævientis animi, illud utique fortioris altiorisque mentis indicium; malle sibi ex alio, quàm de se injuriam vindicare. Cave tamen vindictam.

76. Aut rem non tentare oportet, aut si tentas, omnibus viribus, quod instituisti, coneris perficere; nam bis ad eundem lapidem offendi periculosum, & contemptui obnoxium reddit, dum argueris impotentiae, & inconsideratè incepti: nisi aliàs in cursu operis ad-vertas, te non rectum opus cepisse; tunc verò desistere, utile & gloriosum tibi putabis.

77. Excelsi animi est, nunquam in acerbi-
tates verborum deflectere. Factis se vindi-
cabit vir fortis pro virtute, non verbis.

78. Ad retinendam auctoritatem valet, si habeas penes te viros æstimatos, doctrina & rerum gerendarum dexteritate valentes, & qui in vulgus grati.

79. Nihil impossibile pete, aut impera. Neque impossibilis, (exequendo) legis autor sis, cùm impossibilitas factum excludat. Possè non satisfieri legi docet, ut primum: lex, dein author legis contemnatur. Falluntur idè, qui parvis delictis maximas pœnas statuunt, aut prohibent fieri, quod difficillimè

vitari, aut jubent, quod impossibile fieri potest; nisi in exsequenda lege in tantum sint cum rigore scrupulosi puniendo, atque in ferenda lege fuere urgendo: nam si unius poenam intermiseris, reliqui intermitteri sperabunt, aut pro multitudine delinquentium & consensu immunitatem obtinebunt. Possibilia ideò & tolerabilia petenda, vetanda, jubenda, omni in tractatu, æconomico, bellico, togato. Facilior consensus in obsequium, penes possibilitatem.

80. Nemo perfectam habere potest auctoritatem in Republica, nisi qui togata simul & bellica consilia probè tractat, in curia & in castris, suarum partium aliquos habiturus; ab altero urgendo, & modicè territando potens: quarum duarum rerum maximus in Republica respectus, etiam si aliquis non terreat. Verum; quia pro potentia potest, vim necessitatis suadendo audienti adfert.

81. *Ingenia universalia*, raræ gentes, rara pariunt secula. Rari ideò sunt, quos suspiciat orbis; aut si sunt: pro magnis habet. Nam multum in gentibus possunt; uti habuit Alcibiadem & alios Græcia; Scipionem, Pompejum, Julium Cæsarem Roma; jam ætate posteriori Hispania Magnum Consalvum; Polonia Joannem Tarnouskium & Joannem Zamoyiskium, itidem magnos, vel certè, si togâ belloque facta penderes, verè Consalvo majores (sed prout nostra septentrionalia,

ab oculis altioris Europæ, etiam à scientiarum admiratione remota, præsertim cum nostros scriptores, pro negligentia aut pro modestia, talia orbi propalare ad posteritatis admirationem piget) dicendo facundos, simulque agendo promptos & potentes, privatim bonos facultatum æconomos, togâ & sago per omnia rerum momenta (*incipiendo & finiendo*) expeditos, nec levi ex respectu de sententia mobiles, publica privatis anteponentes, *suorum æque, ac aliorum rectè consultorum non superbos sectatores*, amicitias parare scientes, domi & foris in omni apparatu & convictu magnificos, sententiâ in toga graves, simul præterita, instantia, futura, consilio pensantes, fortes in bello Duces, acquirendo & retinendo, aut cunctando vincere, aut dum ex re oportuit, committere prælia promptos, per statarias pugnas, velitationes, campo & expugnandis ex arte urbibus expeditos, ad commoda ex hostium erroribus capienda vigilantes, militaris disciplinæ severos exactores, externorum societates parare gnaros, gravitatem in omni actione servare scientes, & simul (ut ait ille) *comitate & a loquitis officia provocantes*, patriæ morum & institutorum tenaces. Quod verò summum & maximum: actione non insolentes, sed cives pacatos, non aspernantes æqualitatis, justos, pios, zelosos Divinorum cultores, simul & propagnatores, demùm (*Vellejdicam verbis*) viros in tantum laudand-

andos , in quantum virtus intelligi potest , qui in vita sua nisi laudandum aut fecerunt , aut dixerunt , aut senserunt . Quisquis aliàs te magnum venditas , si tibi unicum horum deest , extra universale ingenium , & extra magnorum famam positus , aliqua in parte virtutis politicæ poteris esse perfectus ; sed non universim agendo : magnus unius partis in virtute , non omnium .

82. Nonnulla sunt ingenia , quæ non nisi in magnis negotiis se explicare possunt , & potenter agunt . In parvis , dum contemnunt , vel angustos limites agendi habent , velut victa , & nihil valentia impingunt , implicantur ; ut sæpè , cum magna fecerint aliàs , in parvis arguantur . Nam æmulantur naturam magnorum navigiorum , quæ super altum mare triumphant , & fluctus contemnunt ; in portu , aut in lacunis , velut nihil profura , hærent , ut à parvis etiam Myoparonibus præternavigantibus illudantur , illudendi ipsi , nisi essent in parvo , aliàs agere impotentes . Immo communiter fit , ut parva negotia magnis ingeniis plus difficultatis adferant , confundendo veriùs sua parvitate , quàm ut suprà vires sint : dum sunt similia tensis ferarum retibus , quæ tigrides leonésque capiunt , non quia ligant , sed quia implicant , & molliter involvunt , impediendo veriùs , quàm vinciendo . Addam adhuc : Iudiciosos viros breviloquio plerumque , & modestiâ gaudere , ut

audaculis, sciolisque, dum in consulendo, multa loquacitate obstreperunt affectatè, & suffuratà apud vulgus, Principemque auctoritate subtruuntur, cedere quodammodò, velut interiores aut inscij videantur. Nam sunt *decernendo*, seu asserendo, vel censendo, quàm *disquirendo aptiores*, & pondus rei pensant, non sonum, ratiocinationum superfluarum sunt nauseatores, nec in mediis dubiorum hærere amant, cum recti iudicij indulgentiâ, sine flexuosis sinuosisque indaginibus, scopum ipsum rerum promptè, probèque vident; vel ut clariùs dicam: magis *positivo*, & *practico*, quàm *scholastico*, aut *speculativo sensu*, abundantes.

83. Nec illa ingenia omittenda, quæ tùm nisi potenter, zelosè, aut secùs levi passu rem aggrediuntur, & agunt, prout irritantur vel non, aut prout privatus respectus illis adest. Alia tentant modò leviter, dein negligunt, dum evenit, velut ursis, quibus nisi exagitatis, maxima vis adest. Exinde sic agere, non est ex virtute, sed magis pro impetu, pro aspectu, & pro animi passione; prout in nobis hæc, aut illa irritatur, & invalescit. Talia ingenia commodissimè maligna vocaveris, aut privatipeta, aut passionata, aut communiore titulo, *affectata*.

84. Misce: ut partim quæras amicitiam, partim tua quærat; ut acquirere eam, non emendicare, aut profusa submissione, vel cu-

râ emercari videâre. Ingrediaris potiùs, non irruas in amicitiam affectatè.

85. Si tibi amicus aut cliens in uno non satisfecit, aut ad palatum non accessit, potiùs similes occasiones vita, non verò statim per omnia desere, aut abjice. In rem enim aliam poterit esse utilis. Nam perfectæ virtutis hominem, quo in orbe quæras, aut invenias? Ad rem meam Divus scriptor: *Non indignabundus feras aliorum defectus, quia & tu multa habes, quæ ab aliis oportet tolerari. Si non potes talem te facere, qualem vis, quomodo poteris alium habere ad tuum beneplacitum? Libenter habemus alios perfectos, & tamen proprios non emendamus defectus. Volumus quòd alij strictè corrigantur, ipsi tamen corrigi nolumus. Displicet larga aliorum licentia, nobis tamen nolumus negari, quod petimus. Alios restringi per statuta volumus, & ipsi nullatenus patimur cohiberi.* Omnia potiùs omnibus parces, tibi nihil.

86. Neminem lauda, aut vitupera absentem. Pejora enim illi de te narrabuntur. Immo non fac in præsentia. Laudatum enim superbum reddes, vituperatum, aut reprehensum, per rigorem amittes amicum; cum te censorem magis agnosceret, quàm familiarem.

87 Sed tamen vituperatum defende magis, quàm ut assentiaris; de se quisque expectaturus, quod facit de alio in præsentia.

88. Alloquendo , quærendo , consilium petendo lentus sis, nec quasi sedulus ; ne omnia tribuisse amico videâre, & contemnaris , quasi nihil per te valiturus. Potius quandoque in tempus sepone, non tamen diu negliges in pretium amicitiz.

89. Reprehendendum amicum privatim admone honestè ; sæpius verò , quasi nescius dissimula, pro amicitiz libertate

90. Partim locum superiorem da, partim tibi cape. Parem te teneas, non inferiorem, aut supra.

91. Jocos vita, qui levitatem pariunt : sed tamen affabilitate fovetur amicitia. Falluntur, qui sub nomine affabilitatis, licentiosis dictionibus, *equivocationibus morosis*, tum verborum affectatis argutiis, facetorum, jucundorumque famam parare sibi cupiant. Potius scurrarum, cavillatorumque titulum merentur, DEumque offendunt. Utendum erit jocis, sed qui non perpetui sint, verum per incuriam velut attracti, condimenta sermonis & obsonia, non perpetuus ad nauseam pastus ; ne vice solatij, fastidium pariant, præsertim : dum in jocando, aliqua pars odio digna habetur. Jocus sit sine scommate, sine alterius damno, sine dolore, sine levitate, secus non focus erit, verum exacerbatio contentioque studiosa.

92. Si offensus sis, reprehende, aut parum te averte. Post objice sponte occasionem
ami-

amicitiæ, & facilitatem, aut per alium insinua; ne difficultate reconciliandi avertas amicum, & amicitiam suffoces.

93. Familiaribus, aut intimis alicujus, per te, aut tuos innotesce. Da bona verba coram de eo, quem amicum credis.

94. Juva omnimode afflictum amicum, ut bene illi tecum esse videatur.

95. Plures amicos quære. Docete plures habere posse, dum velis. Neque tibi satis sit, uni alligari.

96. Cura: ut majus pretium in amico sit tuæ amicitiae, quàm in te amici: & monstra, dum potes, juvando, consulendo, plùs illi tecum interesse, quàm tibi cum illo.

97. Non admitte superbam censuram amici, ne superiorem agnoscas. Etiam ipse noli censurare. Nimius rigor suffocat: libertas sentiendi, faciendique fovet amicitiam.

98. Potiùs apertum inimicum malis, quàm dissimulanter amicum: ab eo providere potes, ab hoc vix caveas; sed hoc inter pares. Verè dictum: *Arma aperta palam vites, fraudes & dolus occulta, eoque inevitabilia.* Malis tamen utique alteri esse dissimulanter amicus, quàm apertè hostis. Specie amicitiae multis superior esse potes, & injurias illatas, honesto prætectu, atque occasione coercere, sed intra metas virtutis. Aperta hostilitas similem ab adverso provocat, plerumque studio prævieniendi periculosum.

99. Cave; ne in quenquam conferas beneficium, quod cum alterius injuria conjunctum. Non enim taliter mereberis de illius amicitia, quàm hujus provocabis in te odium.

100. Nunquam (quoad tutè & prudenter poteris) contemptum tui donabis, etiam amicissimo. Statim responde. Vanum ea in parte *discretionis nomen*. Levior jactura amicitiae, quàm existimationis: illa amissa reparatur, hæc nunquam. Sed tamen fac, modicè reprehendendo injuriam illatam, non verò acerbiùs vindicando.

101 Non verò ad quamlibet injuriam amici emovearis, quæ per inanimadvertentiam illata. Eo casu illatam quasi non intelligere debes. Scio quidem moderationem istam animi non omnibus esse probatam, qui præsertim putant, nullam injuriam sine sensu transmittendam, metu; ne si veterem injuriam feras, invites novam. Verùm tales, cùm reddere formidabiles se cupiunt, hoc simul efficiunt, ut nemo cum illis habere commercium velit. Cùm enim labi prona gens, mortales simus, & subinde affectu, seu incogitantia abripiamur; quisque metu offensæ istos odij tam properos, tenacésque fugiet, ceu bestias feroces, solitudini relinquens suæ. Sed tamen injurias per petulantiam, insultandòque factas, extemplò cùm fiunt, coercendas puto; non ultionis studio, sed castigando: ut in posterum modestiùs in te, & in alios se gerant, neque

que in teipsum postea èd faciliùs peccetur;
quasi ex facili omnia toleraturum.

102. Nunquam amico, aut inimico (quod
locò magni consilij habe) aliquid de te acer-
biùs dictum, factumque exprobra; sed quasi
nescias.

103. In evitandis mutuis injuriis, aut re-
torquendis acerbitatibus imitère prudentes
digladiatores: qui concurrento, non semper
oppositu armorum adversum ictum retundere
opus habent; sed aptè corpus suum in par-
tem declinando, aut humiliando, aut contra-
hendo, vulnèri subtrahunt, & vitant; ut illud
sux fortitudini, sic hoc non dedecori, sed arti
tribuendo. Tu quoque haud prudenter fa-
cies, si cuique acerbitati auctoritatem oppo-
nere, & in periculum dare velis. Potiùs te
ab injuria recipienda declinabis, aut receptam
velut nesciens, aut cedendo fortunæ, medius
inter dissimulantem humiliter feres, condo-
nando fragilitati, aut antiquæ amicitix, aut
inanimadvertentiæ, aut tempori, aut occasio-
ni, immò tibi; ne dum retundere vis, nec ta-
men possis, èd majus vilipendium in posterum
patiaris. Nonnullorum verò sociorum est
natura, quos velut duos filices molli subjecto
pulvillo comminuas, & in rem, prout velis,
aptes, duriùsque exceptos haud contundas:
sic illos faciliùs nonnunquam humanitate,
quàm oppositu austeræ gravitatis devincias;
prout alterutrum succedit, in rem dextrè ac-

commodaturus. Aptissimè in rem sparsina Seneca. *Aut potentior te, aut impotentior scis? si imbecillior? parce illi; si potentior? tibi. Prudentiori cedamus, stultiori remittamus. Amicus est? fecit, quod non voluit; inimicus? fecit, quod debuit. Multos absolvemus, si caperimus ante judicare, quàm irasci. Nonnulli seipsos volentes inquietant, dum interpretatione quedam eò perducunt, ut videantur esse injuriæ, cùm non sint. Immodò quosdam, dum vana conceitaverint, irascendo perseverant, & causas offensarum spontè à longè petunt, immodò imponunt, ne videantur cæpisse sine causa. Multæ nos injuriæ transeunt, ex quibus plerasque non accepit, qui nescit, Non vis esse iracundus? non sis curiosus.*

104. Meliorem scias esse surreptorem ad ministrum, modò prudentem, dextrumque agendo; quàm inertem, licèt aliàs fidelem. Potiora ut auferat, ruborem utique ille habet; hic totum pessumdat per inertiam. Rem certam dico ab experientia.

105. Præmiis retinetur amicitia. Verùm præmia bis sunt dulcia: dum promittuntur, & cùm dantur. Promitte tu priùs, postea interjecto tempore dare poteris. Bene ait ille: *Diu desiderata dulcius obtinentur; citò data vilescunt.*

106. Pueris, fæminisve questus; viris actio convenit, aut saltem dissimulatio.

107. Prout ingenium nostrum in hanc, aut illam, recti pravique partem naturaliter inclinatur; hæc, aut illa exempla, tum consilia promptius sequimur, aut fugimus. Ut lupum auribus tenere, tum aquæ characteres imprimi contendas: sic quosdam in hoc, illudque inducere contra genium naturalem frustra enitêris. Flectuntur in tempus, sed non transferuntur, nec franguntur: dum velut in scena, mutuata pro tempore personam diu sustinere non possunt, citò ad naturam redituri. Hinc illud: vulpem salum mutare, non mores. Consilia magnanimitatis generosæque mentis conatus si meticulosis suggeras; promptius illi, dum timent, exempla dissimulationis in speciem cautorum, & modestiæ amplectuntur. *Parcis*, tenacibusque munificentiam, utiles erogationes, splendidos pro autoritate apparatus, svadere frustra studes: sed rationes turpis parsimoniæ sub velamine inutilis prodigalitatis, & decoctionis bonorum, promptius illi sequuntur. Deindè *trucibus ingenitis clementiam*, humanioræque quid proponis frustra? cùm illi in severitatem nimiam, importunumque rigorem, sub imagine justitiæ, & correctionis malorum, prouiores, *Lenta*, cautiæque dein *temerariis* suggeres parvo effectu: dum in argumentum audaciæ, constantisque animi incantè, præcipitanter, inconsideratè periculis se committunt, malè cæptis persillunt, errant, non provident. Ava-

ris, quæstuosisque ingeniis, *recti*, *honestique legem*, ut ad famam præcipua rerum dirigant, non persuadebis: cum sub velo civilis accepti, licitorum, tum necessitatis in illicitos quæstus devolvuntur; cum decipiunt ipsi, non deceptos se tunc ajunt, astutiam ad injuriam virtutis prudentiam agendi, & cautionem vocantes. Demum prout natura hominum in hanc, illamque virtutem, aut vitia pronior est; facilius, aut secus difficulter, inducimur, & suademur. Vide notationes meas Politicas puncto XII.

108. Circumspecti, cautique viri per omnia magnis rebus gerendis valent: nam lenta, & provida summæ rei proficiunt. Verum negotiis minoribus aptiores, qui nimia consideratione non laborant; quæ sæpius obest. Aliqua enim impetu, & sorte promptius habentur; nec, si hoc, illudve curiosè circumspicias, quod in rem est, assequere. Dubitatio de eventu ex nimia consideratione plerumque animum involvere amat opinione periculi, & diffidere facit. Illud modò considerandum; ne quod intendis, contra rationem sit, contra famam recti, & contra conscientiam.

109. Dandæ consolationis, tum componendorum animorum non melior ratio, quam fatèri justum patientis, sive animi, aut fortunæ, sive corporis dolorem: dein adhibere dextrè lenimenta; ex casu humanorum, &

instabilitate fortunæ, quæ eodem passu vadere nequit, esse causas doloris; nec deesse remedi-
 dij, tum solatij. Animi dolorem interpreta-
 tione quâque majorem reddi, corporis
 morbos, tum fortunæ casus augeri longa ima-
 ginatione, aut nonnunquam sola opinione,
 certum est. Verùm ad melius consilium,
 præsertim verò ad *Divina*, & nostri justam pro
 demerito pœnam sæpè revocandus animus.
 Qui secùs componendis acerbitatibus, aut
 doloribus remedium putant; negare justam
 causam doloris, falluntur; nam sic directè
 pugnant in affectum patientis, velut mollitiei,
 aut judicij eum arguendo. Nec idè sanant
 morbum, verùm contraveniendo in majus ir-
 ritant animum. Potiùs ingenuè fatendum,
justam doloris, tum offense subesse causam; sed
 modum habendum. Atque sic est rectè con-
 doluisse, simulque probum se amicum profite-
 ri velle, dum eadem lance dolores; qua ille
 ipse, qui dolet, nec leviter, contemptique,
 pensamus. Concedemus nonnihil ægritudi-
 ni animi, & præconceptæ opinioni, ut juvisse
 infirmitatem dolentis compatiendo, non im-
 pugnâsse studiosè, inimò condemnare, *dum*
non pro dolentis parte loquimur, videamur.
 Laudo peritiam, aut argutiam medici cujus-
 dam Poloni. Cùm in agrum nobilem inci-
 disset diutino capitis dolore agitatum, eoque
 insana imaginatione profectum, ut sonum
 campanæ, dein campanam in cerebro sibi

enatam obfirmatus animo asseveraret : negantibus possibilitatem morbi aliis medicorum, & ægrum insanix arguentibus, corporis simul, & animi dolorem auxerunt. Verùm ille argutior, reliquis abire jussis, velut mendendi inertiam exprobraturus, indignabundus novitari morbi longa oratione condoluit, promptitudinem curandi simul offerens. Interim æger, assentiri medico, prehensare salutis patronum, simul fideliter animum, & corpus superaddita pingui satis curationis mercede offerre curandum. Exinde medicus opinionioni patientis nonnihil indulgens, comparatâ subtilissimo artificio modicâ nolâ, vomitorias potiones ordinavit; tùm vomentis caput, in speciem conpatientis, sustentans in suppositam pelvim, nolam manu aptissimè occultatam cum sonitu cadere fecit, vomitu velut è cerebro provocatam : ut imaginationis insolentiam simul, & morbum à novæ artis commento demeret ægrotanti. *Sepè dolemus, aut offendimur ; quia offendi nos putamus.*

110 In omni actione dubia malis in eam partem peccare, quæ utique corrigibilis, quàm quæ corrigi neutiquam potest : aut saltem in eam, quæ minus damni, dubiique habet. Verus dictum : *Inter duo mala minus eligendum.*

111. Quæ non potes conservare, aut assequi licitis artibus contentionis, litigij, fortioris manûs ; illa interpositis dextrè amicis, &
agen-

agendi auctoritate adipisci conaberis, & mediationis, ac securæ, honestæque pacis artibus; deinde protractione, dissimulatione, meliore occasione, & morâ res sensim emolliendo perficies in melius: vel saltem adlaborabis, ut in majus nocendi tibi media, & potestatem alteri parti quoquomodo prior auferas, audax, cautus, & prudens. Artibus pacis, rem dum aggredieris, semper habes in potestate: ad artes rixarum, bellique pro commoditate, dum velis, recurras. Secus in contentionis campum dum temerè te dederis, extra potestatem jam erit, sed nisi pro arbitrio fortunæ, pax, & quies, ut statuatur: æris profusio, periculæque, ut vitentur. Per omnia igitur prima sit tibi artium mediationis, quoad supersunt, pacis, id est, cura: rixa, partiûmque collisio semper sint ultima, & ex summa necessitate. *Velut in militaribus meis, quæ propè diem fero, artes pacis, bellique fusiùs dabuntur.*

PARS QUARTA POLITICO-MORALIUM.

I.

NUnquam proba vires; & armorum exercitia etiam laceffit non exerce. Videaris tamen exercitatus, ad retinendam opinionem scitz dexteritatis.

2. Non verbo contende, aut disputa; sed, quod sentis, sine affectu narra.

E 7

3. Cum

3. Cum is non contende, neque movellitem, quibus potentia impar es.

4. Ciceronis præcepto *amicitia*, que non placent, *assuenda magis, quam disciunda*. Quod dictum vellet, ut lentè seponas amicitiam, & ab illa disfluas potius, quàm ut contemptim abjicias. Illo enim modo saltem cessabit amicitia, hoc verò parabitur inimicitia ex contemptu sui, per præcipitem aversionem. Non statim igitur mutabis stylum amicitia: ut solum *familiaritates sint sepositæ, non inimicitia suscepta*.

5. Si vera alicui loqueris; dic neque te pro conscientia dicere aliter, neque illum aliter facere posse. Obtende pericula, ni fiat: malle te veritate, cum salute amici, displicere, quàm placere assentatione cum periculo. Libertatem interim sequendi (vellet, nolite) propone.

6. Non statim petitis, aut intercessionem amici annue, etiam assensurus. Deliberaturum te at; ne ille sibi totum te vendicat, & facilitate amittas auctoritatem, aut dependentiam, ut ajunt, agnoscas. Gratius item venit beneficium à deliberante, quasi non à levitate profectum, sed à ratione.

7. Non unum amicum in consilium voca, sed plures; ne uni tribuisse, & te credidisse totum, quo superbum reddas, videare. Aliquando studio præteri,

9. Nunquam totalem tui fiduciam habeas, sed verearis potius. In secunda fortuna amicos parabis, eos in adversis pro subsidio habiturus.

11. Multis ex similitudine morum est amicitia; sed hanc circa honesta quæres

12. *Adversarij*, aut *hostis*, diversa sunt nomina. *Adversarius* vitio nostro nobis adversatur; *hostis suo*. Ut *adversarium* vites, te corrige; ut *hostem* amoveas, illum corrigi oportet.

13. Pileo, & comitate multi parantur amici, & facilitate aditus. *Vile emitur, qui pileo, & familiari verbo emitur.* Mauriti) Auriaci Principis dictum.

14. Facietis abstinere; quæ ubi multum ex vero traxerint, acrem sui memoriam apud amicum relinquunt. Sed tamen in sermone nimium intensa verborum severitas, aut triste supercilium vitandum, quod locò gravitatis, nomen morositatis, aut superbiæ parit; nisi civili, honestaque comitate utaris.

15. Non omnium quandoque rerum scientem te simula; agendo, otioso simillimus.

16. Ап-

16. Antequam aliquid promittas, cogita impedimenta, quæ occurrere possint: an difficile sit præstare? an sine tui alteriusve fastidio fiat? ne post pœniteat promissi.

17. Non sis properans in delectu amicorum, nec statim, ac affectus ducit, intimum pectus aperi. Lucteris cum affectu volenti. Vide prius; an virtuosus, an constans, an taciturnus sit? *an tuus, non tue fortune amicus?* Sunt quidam simulatae virtutis, quæ omni malitia deterior, facie, non animo boni, *habitu & ore* (Taciti utar verbis) *ad exprimendam imaginem honesti, exerciti.* *Ceterum animo perfidiosi, & subdoli, avaritiam, & libidinem occultantes, politicè, & ingeniosè nequam: qui eò prodigaliùs amicitiam obligant, quò magis violant.* Quærent amicitiam, sed quam ad suum commodum referant, quæ aliàs inter bonos reciproca probatur; nihil debere se aliis, sed ex superbia deberi sibi totum rati. Colloquuntur familiariùs, sed venena tantum exsugunt verborum. Conversantur, sed nisi reprehendendum quid videant, cum totum damnare non possint, nævum studiosè quærunt, aut per malitiam adstruunt; bonorum factorum cæci, aut obliviosissimi, & detrahendi tantum memores: nunquam minùs amici, quàm cum amicitiam ostendant: sub specie amicitiae quemque facilè invadentes, & quibus ipse, si resurgat, exemplar bonæ virtutis *Cato*, non se tutò credat. Quidni tales fu-
gias?

gias? aut saltem probes prius, nisi sapiant venena melle uncta; ut minore damno feras titulum solitarij, melancholici, vel, si familiaritatem vites, fastuosi, quàm ut familiare, & intimum pectus aperire velis, procul tamen à nota vitantis.

18. Aliorum exemplo metiaris amicum; si alteri fidus erat, si non decepit, si aliorum famam rectè coram tractat: propè est, ut idem tecum sit.

19. Parùm melancholici in amicitiam deligendi. Modica melancholia propiùs constantiam est; effusa lætitia propè levitatem. Sed plerumque falso nomine melancholiani nuncupamus, dum potiùs gravitas morum vocanda: aut sit licèt illa, prudentibus tamen viris per honestas actiones pellere illam in potestate semper est; præsertim dum adhibentur in amœnitatem conviciùs. Amici & faceti convictu clientes, verba & sermocinationes in materia gravi seu circa privata, convivæ, musica, latrunculorum & chartarum lusus, histriones scenici, deambulatio nemorum, & hortorum, vectatio, balnea, navigatio, venatio, equitatio, hastiludia, jaculationes arcuum, & scloporum, tormentorum ad metam collimatio, res œconomica, architectura palatiorum, & fortalitorum, tùm modicus secessus *causà pietatis*, vel prætextu expediendorum negotiorum publicorum, in quam rem serviunt domorum abdita triclinia, & recessus.

demum lectio librorum, præsertim verò historiarum, si ad Geographicas tabulas reducat, tum Geometria practica distrahunt otiosum tempus, nec leviter recreant animum. Insuper, idque maximum, temporis justa divisio (in singula negotia tam seria, quàm quæ ad amœnitatem convictus) fallit diem, & melancholiam pellit.

20. Qui necessitate ad amicitiam tuam compulsi, ab aliis repulsi, aut à te commoda sperant; illi haud durabiles in amicitia. Vide ergò, ut spontè amici fiant, non ab alio respectu. Sed tamen *ocasio* nobis sæpè parat amicos.

21. Pares tibi in moribus quæres amicos, si sapias. Ex dissimilitudine morum non solum disjungitur amicitia, sed nova paratur offensæ. Quicquid cum amico convenias; si tu melancholicus, ille hilaris: tu domesticus vel solitarius, aut effectatâ gravitate stoicus, ille liberalior publicam lucem amans; tu de libris, ille de equo, arcu, bello loquens: dum veretur quisque, ne multa ingrata, tristia, minusque popularia, aut necesse ferenda in te, aut imitanda sint? Igitur penitiùs, & sine complacentia naturam revolve priùs. Verè definit amicitiam ille: *ut sit mutua, ac benevola, animorum sibi similium in bono consensio*. Raros exinde videas in orbe veros amicos, licet multos habeant ad convictum *Sodales*.

22. Si in familiaritatem incurrant homines audaculi, verbo, & joco impetuoſi, ac prope importunitatem; ſerè eandem faciem induè, jocum joco ſolve (media tamen cum gravitate) & acceptam acerbicatem diſſimula, vitaturus poſthàc congreſſum: verùm procul à nota vitantis. Nulla enim re magis in levitatem incurres: quàm à talium familiaritate ſociorum.

23. Si in Magiſtratu tibi poſito moroſi, aut importuni allocutores occurrant querulando, petendo, multa garriendo; utique non acerbè loquentes excipies, ſed modeſtè moroſitatem eludendo reſpondebis: rem eſſe tanti momenti, quæ in aliud tempus differatur commodiùs audienda, noſtri partem interim cæteris quoque audiendis deberi. Abſit verò, ut aliquem effuſis pollicitationibus trahas, vel ludifices: modeſtè potiùs comitèrque excuſabis non facturus, quàm ut mentiaris, eò plùs odii, & levitatis poſtea paraturus, quò magis placere voluiſti inanium pollicitator; unde ſimul impotentiam tuam prodes, dum præſtare promiſſa non poteris.

24. Graviorès ſæpè ſuccreſcunt offenſæ poſt reconciliationem, ſi diſſimulanter reconciliaberis. Præſtat quandoque amicitiam in tempus diſſerre, ut interim omnis materia offenſarum amoveatur.

25. Importuna excuſatio, eſt accuſatio ſui, vel alterius opportuniſſima.

26. Nec

26. Nec intimo amicorum; immò neque uxori, secreta Reipublicæ revelanda.

27. Sint tibi certi dies, quibus cum domesticis clientibus liberiùs colloquaris. Nec asperneris quandoque hilariorem *media cum gravitate* convictum: nam illa tristis sui heri, perpetuâque observantia, alienat per modica domesticorum affectus, ut leviùs quandoque ducant non munerari, quàm negligentius præteriri; præsertim illi generosioris mentis, quos tenaciùs per humanitatem habeas, quàm profusa liberalitate, in cætero superbus, pares. Non clientum modò, verùm & sanguine junctorum bonos ergà te parabis affectus, & arte quadam humanitatis retinebis; medius tamen inter elatam gravitatem, intèrque, ad obsonij raritatem, familiaritatem effusam: nam secùs, te oderint. Acerima sunt proximorum odia, maximèque *inimici hominis, domestici ejus*. Math. Cap. X.

28. Mordaces alicujus, vel populi, sermones, non magnâ vehementiâ, sed ingeniosè refutare, vel potiùs per jocum, aut tacendo eludere debes.

29. Commisurus aliquid tractandum alicui; causam non refer, verùm seriò injunge, & posce operam; vel si refers rationem, non tuum privatum commodum sapiat, sed publicum, ac proindè exsequentis; quò libentiùs commissum exsequatur,

30. Ingerendis negotiis utilior est opera eorum, qui ad tuam opem, & liberalitatem respiciunt, quàm qui beneficiis jam à te onerati. Ideò quodcunque aggredieris opus, & socios perficiendæ rei quæres; fac eos aliquid utilitatis exinde sperare.

31. Non semper secretus sis; sed aliquando popularis parandis amicis, sine quibus nihil præstatur. Non habeas verò amicos, qui non quæris, quæruntur, non quærunt. Immodè quærunt popularem.

32. Mordebis neminem ore, calamo, vultu. Accusabis neminem, sed potiùs modicè laudabis quemque pro merito virtutis. Non sis velut ille apud Tacit. *Optimum quemque jurgio laceffens, & respondentem reticens, ut pavida ingenia solent.*

33. Ea occulta vis linguæ, & verbis inest; ut seu amando, seu offendendo, plùs in animis hominum posse verba, quàm facta, re ipsa experiri. Ideòque graviùs *maledictis, quàm malefactis exacerbamur; & difficiliùs contumeliam perferimus, quàm damnum.* Malefacta dolorem, maledicta contemptum nostri ingerunt, qui altiùs ferit, quàm dolor: nam in animum intimum pugnat, & in mentem; ille in corpus tantùm, aut quod est circa. Tùm è converso, gratiora sunt generosis pectoribus bene dicta, quàm bene data, ut ferè inter omnes actiones, si amicos parare cupis, in verba priùs, quàm in facta; & linguæ magis, quàm

quàm manuum operationi (nam lingua altiùs, quàm gladius ferit) intentus esse debeas; seu quid acerbi, seu quid grati auribus, & animis hominum efferas; quæ est honesta ad capiendos hominum animos fallacia. Rectè ait quidam: lingua, modica pars corporis, navium gubernaculo similis, in cujus parvulo motu totius navigij regimen, imò salus, & interitus vertitur. Minore utique impensa obveniet, multa benè dixisse, quàm multa dedisse. Verùm si utrumque rectè adhibeas, pluribus felix eris amicis. Adde: *acerbè facta vim inferunt, atque ided terrent simul offendendo*, ut necesse metum cujusdam venerationis, seu respectum sui incutiant: acerbè dicta, dum inermiter exacerbant veriùs, quàm offendunt, odium, non terrorem movent; ac proinde inermis iræ contemptum, tum indignationem apud audientem pariunt, cum audacia majore in ulationem. Sic Germanos olim terrebant Romanorum arma, & officij admonebant simul. Postquàm verò sub *Quintilio Varo*, ab armis ad inermem verborum conflictum, & litigiosa ventum jurgia, quasi ad reliquam injuriam id summum adjiceretur; implacabiles ided facti, nec æstimatis ampliùs legionibus Romanis, eas oppressère. Ait Florus lib. IV. *Germani postquam tristes togas, & sæviora armis jura viderunt; duce Arminio arma corripiunt, &c. Unius causarum patroni os sutum, recisâ priùs linguâ, quam in manu tenens Bar-*
ba.

barus: tandem, inquit, vipera, sibilare desine.
 Ferdinando Arragonio Regi Neapolitano non
 majus argumentum fuit Neapolim recuperan-
 di, quàm cum accedente ad urbem victore
 Carolo VII. Gallia Rege, publice valedictu-
 rus Neapolitanis, Gallorum partes apertè se-
 cutis, suavissima eos oratione allocutus est;
 ut ejus sermonis, ob idque æquioris animi me-
 moria, postea desiderium in Neapolitanis ex-
 citaretur Ferdinandi revocandi Gallo relicto,
 à cujus Præfectis inhumanius tractabantur
 (*Franciscus Guicciardinus Histor. lib. 1.*)
 Sic præstat etiam ergà nos malè affectis, quos
 punire, aut cohibere non potes, bona verba
 dare penes moderationem animi, quàm pro
 impetu asperius tractatos in majus exacerba-
 re, nullo in rem tuam commodo. Prætereà
 in sermonibus *non semper*, ut Didaci Savedrae
 ad plenam loci doctrinam per diversa casuum,
 monitum includam, *formulis alloquiorum or-
 dinariis, & generalibus responsis utendum;*
*hæc enim cum dantur omnibus, satisfaciunt ne-
 mini. Nec parùm affligit moerentem animum,*
si responderi sibi videat, quod nòrat jam ante,
*quodve priùs etiam, quàm proferretur, ad sup-
 plieis aures pervenerat.* Nec semper audiat
 Princeps. Roget interdum: nam qui non sci-
 scitatur, de re plenè cognoscere non potest. In-
 quirendum igitur, ut status causa penitus per-
 spiciatur. Justè succensitum olim Vitellio,
 qui brevi auditu quàmvis magna transibat,
 impar curis gravioribus,

34. Non minùs prudentis est viri; scire quid dicat, quàm quid taceat. Sæpè, importunè prolato verbo, multa benè incepta in adversum ivère; præsertim si efferatur, quod suam partem ab aliqua conjectura prodere, adversam verò præcavere, aut temeritatem provocare possit. Rectè *Æmilius Probus*: *opportunè tacere non minoris est prudentiæ, quàm diseriè loqui.* Eorum præsertim, qui alto honoris gradu sublistunt, sunt *alata verba*. Amant facilè in vulgus deferri; ut præstet opportuna quandoque tacere, quàm obliquas *Cortesaneorum* interpretationes experiri.

35. Titulos inusitados sperne: oblatos modicè excusa; nam sunt propè invidiam.

36. Indicaturus lites, nihil profer præter decretum; ne affectus pro altera parte colligi possit, quod erit extra invidiam. *Exiit personam iudicis, quis quis amici induit.*

37. Si aliquid detrahunt tibi homines, erige potiùs animum, sciens æmulam magnorum esse invidiam; immò *meliozem esse utique acerbam invidiam omni amica commiseratione.* Sed vide, ut intra metas virtutis hæc habeas.

38. Contemne linguarum, calamorúque vulnera; & vinces. Nullum illa lædunt, nisi volentem. Verùm is contemptus ex animi generositate, & conscientia propriæ virtutis, non ab ignaviâ proveniat; velut de Nerone Suetonius. *Nihil eum patientiùs, quàm maledicta, & convitia hominum tulisse: vel*

*contemptu omnis infamia, vel ne fatendo do-
lorem, irritaret in pejus ingenia. Sic ferè in-
corrigibiles dum sumus, objecta flagitia non
pudoris, sed joci locò habemus. Unicum
nonnullorum studium malè agere, dein factum
excusare. Impius cùm in profundum vene-
rit, contemnit. Lætantur, cùm malè fecerint,
& exultant in rebus pessimis. Proverb.*

39. Cedendum aliquando furori populi,
quàm obfistendum. Tacendo multa diluun-
tur.

40. Vide; ne alium statum, quàm popu-
lus tenet, & amat, spirare videâre. Ideoque
commodis populi studere te monstra; juvan-
do loquentes, in adversis compatiendo.

41. Etiam aliquando infra genus tuum te
abjice; nec mensam populi fuge & convi-
ctum. De Augusto Tacitus, *Populare credi-
dit immisceri voluptatibus vulgi.*

42. Liberalem te præbe. Rebus non po-
tes? nemo verbis pauper est. Nemo tristis
à te recedat; nulli tristem faciem, & rugo-
sam frontem monstra, etiam ex julto negatu-
rus.

43. Avaritia, & parcitas egregiè factis,
ac proinde bonæ famæ, obstant. Non ami-
citas civium parabis, non clientes habebis,
non servitium publicum pace, aut bello pro-
bè tractabis, quin aliquid erogare necesse
habeas: quod parcè erogantibus, quò gra-
vius sit, eò remotius à bona fama absunt; im-

mò re ipsa malam habent. Ferè eò collinat dictum : *Qui parvè seminat, parvè & metet. Liberalitatis* igitur in consuetu, & *munificentie* ergi cientes. tùm amicos nonnè modò tam en extra prodigalitati ntu am e gregius quisque vir sibi pter honestè erogando ; in argumentum obmendi amoris primum, dein habendæ autoritatis inter cives. Sed liberalitatem dum exercemus, ex rivo hauriamus oportet ; non ut fontem ipsum exsicceamus. Qui per ramos carpunt arborem, & fructum, sequenti æstate renatos iterum colligunt ; qui secus ad radicem securim admovent, ipsam, fructumque nusquam rediturum perdunt : sic erogationes honestæ, proportionatæ, planè que inexhaustæ sint, quæ ex proventu, non quæ ex alienatione fundorum, tùm originalis boni, *sola perdendi curâ*, apparantur, nam aliàs citò desinunt. Is igitur impensis diu sufficit, qui *ex ramo*, dicere si licet, *non ex trunco vivere studet*. Quæri exinde potest ; quare fiat, ut avari parentis successores plerumque prodigales fiant : ut fuit Caligula post Tiberium, Antonius Caracalla post Severum Imperatorem, & alij passim ? Ratio in promptu. Dum paratam inveniunt gazam, & opulentiam, ex aliena opera, per totum habent ; ingenerari necesse est ex dudum præparato nullam sui, & suorum in præsens curam (nam, quæ non peperit sibi, quisque minùs amat ; cùm proprius labor magis pensetur, alienus

uti gratuitus, leviùs habeatur) sed potiùs ex remissione curarum corruptelam : ut sit primum malus usus gazæ parentum, dein luxuria, tum insolentia, exinde aliorum contemptus, postmodum veniat, modò sine vulnere egeſtas.

44. Audaciſſimum quemque è plebe beneficiis vince, tibi que obſtringe; dum ſenſeris, quibus capiatur. Virtuoſos tamen, & modeſtos in amicitia interiori præpones. Hi dum pro virtute agunt, rectum ſemper, conſtanter & ſincerè faciunt : illi ſæpiùs inſoleſcunt, & moleſtiam in amicitia facieſſunt; nec debere ſe, ſed deberi ſibi totum volunt. Devincies tamen tibi illos, *non ut proſint, ſed ne noſcant.* Immodò prodeſſe poterunt pro tempore, ſi rectè utaris. Argutè in rem Vellejus Lib. II Hiſtor. *Brutum amicum habere males, inimicum magis timeres Caſſium : in altero major vis, in altero virtus.*

45. Ab aſperioribus verbis cave : verum mollioribus utere, etiam non laudaturus, etiam reprehenuſurus.

46. Negatio mollibus veſtita verbis, gravior eſt triſti, moroſaque largitione.

47. Potiùs odia lenitate, humanitate admitta vincuntur, quàm mutui odij pertinaciâ.

48. Iterata beneficia fortiùs ſtringunt : velut repetita vincula fortiùs innectunt. Ideò frequentia potiùs, quàm magna confer; quò diutius dando ſufficiat. Nam verè homines

beneficiis passim utuntur, ceu floribus: tam diu gratis, quàm diu recentibus. Marcescit eorum memoria, nisi sæpiùs dando renove- tur. Sæpè verò dare non sufficies, si magna simul dederis. Deindè scias oportet, cario- rem esse cuique modicam recompensam pro virtute, & merito, magisque deberi gratiam exinde datori; quàm quodvis magnum do- num in obvios petitores effusum. Hoc enim accipiendi modo, non ad virtutem nostram, sed ad fortunam, liberalitatèmq; conferen- tis, honos refertur; illo priori utrùmque si- mul pensatur, & munus. & quod majus est mu- nere, virtutis nostræ æstimatio: cujus esse quisque sibi conscius, & ab aliis pensari quàm maximum cupit, vel secùs improbari graviter indolet. Immò, illo priori modo sæpiùs in- considerata largitio, ne dicam effusa prodi- gendi facilitas, est mollis animi partus: hoc verò posteriore dantis prudentia, vera libera- litas, & meritorum illecebra vocatur.

49. Haud firmam amicitiam, aut diutur- nam parari crede, quam dando retines; ni ad- hibeas cum reverentia tui auctoritatem. Ve- rè ait ille: *Qui magnitudine munerum, non morum constantiâ amicos sibi parat; meretur magis, quàm habet.* Cùm enim satis acce- perint, quantum opus habent, aut benefacien- do deficiat exhaustus, vel saltem nisi avaræ ex- pectationi magnitudine dandi sufficias; re- jicient te, nec ampliùs curabunt. Funda-
men-

mentum ergò parandæ, & retinendæ amicitia penès virtutem, & auctoritatem morum cum reverentia tui pones: beneficia verò, & comitatem habebis velut pro condimento renacius retinendæ. Peccavit in eo Julius Cæsar, cùm omnia petentibus amicis ex facili concederet, quæ aliquando prudenter recusari poterant: unde plures amici cum confecerunt, quàm inimici, quorum non expleverat spes insatiabiles. Tanta enim nonnullorum amicorum importunitas, ut quamvis multùm acceperint; injuriæ tamen locò habeant, plùs accipere potuisse, dum facilitate obtinendi assuescunt esse *petaces*. Idem in Galba reprehendit Tacitus, *Histor. I* *Hiantes in magna fortuna amicorum cupiditates ipsa Galbæ facilitas intendebat, cùm apud infirmum & credulum minore metu, & majore præmio peccaretur.* Ignis, ambitio, tùm avaritia, nunquam dicunt satis. Plùs apposueris? plùs semper inflammantur. Cave idèò assuefacias amicos importunis petitionibus à facilitate concedendi. Potiùs nonnunquam petentibus humaniter recusa: non quòd præstare nolis, sed in aliam occasionem differendo; ut disfluiscant importunitati, *assuescant repulsa*, ruborem petitionis habituri. Nec aliter istos *Petaces* vitabis. Potiùs *instar generosorum equorum, amicis alendis, non saginandis studebis*: obesi non tam expediti, verùm segnes ad tuum libitum ferendo labori.

50. Inde enascitur prudens monitum: ne amicos, tùm domesticos clientes, quorum operâ indiges, spe præmij in factum provocas, aut facere aliquid assuefacias. Potius negotium propone, & operam amicè require; ut pro necessitate officij factum aggrediantur, exsolvendi de sua virtute expectationem. Si verò aliquid daturus es; non in recompensam offer, sed ex beneplacito, adjectâ post præstitum opus morâ: quod enim in recompensam datum est, non obligat in futurum accipientem; sed solvit debito recompensandam.

51. Non tantùm de amicis & clientibus dictum esto, sed de stipendiariis militibus: ne prudens Dux assuefaciat milites recompensæ. Potius officia militaris virtutis, & obsequij requirat, pœnam propositurus non facturis, quàm præmium alacribus; quod offerendum tamen, sed ex insperato.

52. Qui rem bene habere vult, rei perficiendæ sit diligens curator, & potius in negotio, quàm post negotium malè facti operis severus exactor; cùm tamen res malè facta manet, nec revocari potest, prodest quidem correctio in posterum, sed in præsens damnum habetur. Eò propè collimat Tacitus dum ait: *Præstat officiis, seu negotiis, non peccaturos præficere, quàm punire, cùm magna fecerint.* Prout certè rem non aliter probè assequeris, quàm si aptos negotiis præficias; non qui su-

pe-

periores, nevé qui sunt inferiores, sed qui officio proportionati, & velut è condicito pares. Illi primi officium commissum infra capacitatem, dignitatémque sui habebunt, illúdque negligenter: nec offerenti gratiam debebunt, sed potius offendentur iudicio parvi muneris, velut contemptos se, agrè ferentes. Inferiores, dum non sufficienti muneri, rem agendam pessumdabunt; ut iudicij arguaris, qui imparibus agenda contulisti, volens tui ipsius deceptor. Velut si Myoparoni piscatorio classis navarchum præficias; aut obvio remigi prægrandem quadrirēm curandam si committas: hic per inertiam regendi eam perdet; ille muneris vilitatem contemnet, infra dignitatem habiturus. Vel perinde supervacaneum fiet, ac si magno pedi parvum calceum inducere contendas; vel secùs toga virili vestire infantem, onerandum potius, quàm ut ornatur, velis; in hoc turpi excessu, in eo peccaturus defectu. Oportet igitur secundum genium cujusque, prout in artem agendi hanc, aut illam naturá inclinat, munera cuique committantur: non verò è contrario, togata viris bellicis, Provincialia maritimis, ludicra seriis, & gravibus, juridica, & forensia naturalibus. amœna tristibus, turbulenta pacatis, laboriosa delicatulis, obedire nisi & subesse aliis commodè scientibus, intricata non expeditis & hæsitantibus. Religiosa politicis regenda: denique, repetitò dico, parva ingeniis magnis,

magna parvis. Satis prudens in eo Tiberius, de quo Tacitus, VI. Annal. Poppæus Sabinus à Tiberio maximis provinciis impositus, nullam ob eximiam artem, sed quod par negotiis, neque supra erat.

53. Quæ ratio non potest, sæpè tempus sanat. Noli anxius esse; *verùm tempus in consilium voca*, nonnulla difficiliora tempori, aut potiùs DEO sananda permissurus. Sic ille apud Historicum: *Consilium, cui impar erat, fato permisit*. Non tamen fac desperabundus. *Sapè meliori fortunæ, locum fecit adversa*.

54. Non qui res, sed magis qui tempora disponere scit, vel utriùque; rem habet. Rectè autem disponit, qui bene dividit. *Ego & tempus, contra duos Caroli V. Cæsaris dictum*. Solus scit agere qui tempore non nescit uti.

55. Cavemorosos, qui momenta rerum trahunt in offensam sui. Non aliud lucri ex talium convictu reportabis, nisi cum indignatione acerbitatem; dum sunt similes stomacho nauseabundo, qui etiam suavia malè accipit, & fastidit.

56. Minores virtutes affectum vulgi movent ad amorem: excelsa virtus, non nisi magnorum movet intellectum, ad pensandum, & æstimationem. Hæc erga superiores necessariò usurpanda: sed cum minoribus, non nisi minorum virtutum usus; cùm enim hi altas

cāpere non possint, stupent veriùs eas, quàm
amant. Prout igitur cum magnis, aut mino-
ribus res tibi; sic virtutem, utique omnium
haud neglector, hanc, aut illam studiosiùs ad-
hibebis, si sapias. *Vide Notationes meas Politi-
cas puncto XII.*

57. Semper cautus sis, & haud fide.

58. Cave inimicos laudantes: *Nam quò
incautiùs decipiant, palàm laudant.*

59. Tuum secretum sit clausum, & nisi uni
alicui, aut tibi soli apertum Sed cavendum,
ne silente linguâ vultus, oculi, ac cæteri ge-
stus loquantur, ut quod maximè latere vis, in
lucem protrahatur.

60. Dicto vulgari; *malum benè positum,
ne moveas; ne fiat pejus.*

61. Affectus inimicos bonæ rationi qui
non regit; regitur. Neque te ira, néque ni-
mius amor ducat; sed mediocritate laboran-
dum, nisi velis errare. Qui minus ex affectu
habet, plùs habet ex ratione.

62. Qui amat nimis quietem, & secessum,
qui brevilloquentiâ gaudet ad usque affabilita-
tis, comitatisque defectum, qui Stoicum, &
grave supercilium gerit, morosus dictorum, fa-
ctorumque in alios censor, qui parcè erogare
cupit, qui facilè dicto offenditur. nec scit, sal-
va tamen gravitate, & virtute, dissimulare mul-
ta; ille paucos amicos sibi parat, nec multum
in populo potest. Impossibile est, cum ne-
mini te amicum dederis, dari tibi aliquem

velle; aut si vis habere, necesse remittendum aliquid ex rigore: quod virtuti non contrariabitur, sed eam adornabit. Sæpè virtutis legem falsò putamus, cum potius vivendi morositas est.

63. Cauti, aut nimis quieti, dum esse nonnulli volunt, otiosi fiunt, quia aggrediendo terrentur difficilibus, vel quia non ex voto res cadunt, vel quia sibi, quæ rectè fecisse conscij sunt, à malevolis succenseri, indignè ferunt, vel quia sunt agendo nimis scrupulosi nec planè resoluti, & leves offensas metuunt: quod mollis, & ignavi veriùs, quàm quietem appetentis animi signum est. Fateor, nihil agentium facta non improbari. Non errant, dum nihil agunt otiosi, velut apud Tacitum Hordeonius Flaccus. *Non comperseere vuentes, non retinere dubios, non cohortari bonos ausus, sed pavidus, segnis, otiosus, & socordia innocens; & Galba magis extra vitia, quàm cum virtutibus; in quo cum segnitia esset, sapientia vocabatur.* Tales non habent inimicos, sed nec amicos quoque, dum negliguntur. Errare verò, tum nobis succenseri, aut offendi; uti hoc alienæ malignitatis, non autem nostri vitij: sic illud prorsus humanum est; cum non qui minimè errat, sed qui promptè erratum corrigit, & à causa intra virtutem assurgit, prudens sit. Hominis actio; dum hominis est, aliena prorsus ab errore esse non potest. Divina errore vacua, tamen à malitiosis malè intelliguntur.

guntur. Modò illud in homine laudatur; dum non confundi, sed promptè se recolligere intra magnanimitatem sui potest animus. Falluntur idèò, qui ab usu & tractatu rerum levibus terrentur: ut rectè succensuerit illis Justus Lipsius, Epist. 39. Cent. 2. *Contemni te humana gaudeo, quæ me quidem authore pedibus etiam tere, sed ita, ut contemptus iste ab alto quodam animo sit, non qui ipsum se contemnat. Hoc modestiam, aut sapientiam censeres, jacere? nihil agere? ad nullum vitæ genus collimare? ignavia est: magnorum etiam sæpè ingeniorum pestis.* Subit enim, ut ille inquit, inertix ipsius quædam dulcedo, & invisa primò desidia postremò amatur.

64. Pro ultimò in gratiam cuiusque prudentis, & virtuosì civis, adijciendum putavi; ut si ad recta præcepta vitæ, morèsque componat, & in altam agendarum rerum pro virtute contendat; fore, ut incurrat in malignantium linguarum censuras, invidorum odia experturus, quæ plerùmque virtutem exercere amant. Ne igitur acerbitate vir prudens confundatur; sed potiùs in partem melioris fortunæ trahat, certum argumentum magnitudinis hab. turus, invideri sibi; quàm ut invideat: modò rectæ virtutis conscius sit. Continua observatione compertum: non possè magnorum catalogo inferri, nisi qui priùs asperam invidiæ viam decurrat. Cùm eam calcaverit, dum verè fortunæ altioris

gradus subtrui sibi ab occulto fato speret. Non
certè sermonum acerbitas invehitur in vilem
colonum, qui sola ignobilitate, & inertia se-
curus, quem per omnia sors infima semotum
ab hominum fama, & tutum ab invidia facit.
Non invadit humilia tuguriola; verum altas
petit domos, aut potius eos exercet viros, qui
extra abjectorum sordes positi in conspicuo
præclaram agunt vitam. Verè dicitur: *amu-
lam magnorum esse invidiam.* Vel ut altius
noster Tacitus: *Sinistra erga eminentes inter-
pretatio: nec minus periculi ex bona fama,
quàm ex mala.* Si penitus introspicere lice-
ret intimum invidorum pectus; quidni vide-
retur intus crudeliter laniatum, animus exe-
sus, mens curis decocta; ut cum loquuntur,
aut de te sibi vindicant, potius de seipsis gra-
viores pœnas sumant; non in te verbo, sed in
se continuâ magnitudinis tuæ meditatione sæ-
vituri. Illum tua generositas vexat, hunc in
rebus gerendis gravitas arguit, aut morum
pulchrè composita venustas confundit; jam
incipiendorum, & agendorum prudentia in
contrarium nitenti æmulationi obluatur.
Plerumque verò maligna fama in magnos, &
officiis degentes furit, quos nobilitas, opes, ho-
mos, aut aliqua insignis claritudo, rumoribus
objicit. Quem ergò miserum, & infra genua
sua abjectum, nec supra pro virtute assurgen-
tem, videre mallent; superbum, & oblique
virtutis clamant; non quasi tu verè sis, sed
quia

quia illi animo ægri, nequam, malitiosi, majoris virtutis impatientes; ut eò ipso inferiores se agnoscant, dum invident. Ad rem meam facer scriptor *invidiam, portatilem infernum vocavit*: ut quem invidum dixeris, vivum potius martyrem voces, & in horas morientem; nihilque pejus in pœnam optes, quàm ut rectum facias, quod inimicus invidet. *Utinam invidi ubique oculos haberent, ut omnium felicitate torquerentur!* Torquentur sanè quisque invidus, cùm alterius felicitas sui animi tyrannis est. Quod alterius fortunæ, gloriæve accessit, sibi demptum putat. Aliorum divitiæ, sua paupertas; aliorum affluentia, sua macies, sua fames. Cùm magni esse non possint, nec cæteros malunt: in se nequam, in cæteros haud boni. Ergò ne conqueratur de invidis vir prudens. Gaudeat potius, nisi malit vocari miser: nec se altum stantem magis arbitretur, quàm dum hoc malo jacet. Invidiæ similes meteororum ignibus fatuis, qui sicut sequentem fugiunt, fugientem sequuntur: sic illæ, nisi non contemnenti, nec conscio propriæ virtutis, nocent. Gaudeat, inquam, magnum sibi inesse, quod invidorum oculos fœdiat, mentem decoquat, animum compungat; sibi in triumphum, æmulo in confusionem. Senecæ super hæc verbis usus: *Malè de me loquuntur; faciunt, non quod mereor, sed quod solent. Malè loquuntur? bene nesciunt loqui.*

Non iudicio jaciunt, verum morbo; non de
 me loquuntur, sed de se. Moverer, si de me
 Marcus Cato, si Lælius, si duo Scipiones loque-
 rentur; nunc minus displicere, laudari est. Non
 potest ullam auctoritatē habere sententia, ubi,
 qui damnandus est, ipse damnat. Quibusdam
 canibus sic innatum est, ut non pro feritate, sed
 pro consuetudine latent. Dicam ultra. Ma-
 lè de me loquuntur, sed ipsi otiosi alienos la-
 boris è convivio securè prospectantes & quo pu-
 blica quies aliis laborantibus molliter habet.
 Vel, quod alibi dixi, sæpè tibi repete: deside-
 rari ad majorem perfectionem virtutis, adver-
 sarium modestè tulisse, ac alia rectè fecisse.
 Non igitur bonum eum judica, quemcunque
 aliorum dictis, factisque obloquentem audie-
 ris. Vidēsne aquas per se sapidas, & dulces,
 qualem terram præterfluant, puram, amaram,
 sulfuream, salsum, lutulentam, ejus saporem
 purum, aut secus amarum, sulfureum, salsum,
 lutulentum, & malè olentem sapere? Sic ju-
 dicia nonnullorū de rebus bona sunt, aut ma-
 la, prout animus, unde feruntur. Habent bo-
 næ apes, unde suum mel ab acri urtica deco-
 quant; araneis etiam rosa sui veneni materia:
 non quia rosa mala, sed quia nisi venenum
 quærit aranea. Non igitur, quod sæpius sug-
 gero, conqueraris, non ferrum in ultionē po-
 sce, non exitium tibi obloquentibus meditère,
 si vir bonus es; quàm ut eo stimulo in altum
 virtutis enitaris, plùs quàm satis honestissimæ,
 &

& triumphalis vindictæ (si ea vindicta vocanda) dum tibi invidetur , habiturus. Unde , quod maximum in humanis , virtute superabis invidiam , quæ non nisi bonæ virtutis constantiâ superatur , vi nunquam , sed ut potius incideretur. Sed cum omnia feceris , non semper eandem virtus in orbe habet æstimationem : in aliis eadem laudatur , in aliquibus non item. Ergonè hodie non sint viri , virtute , judicio , morum gravitate , agendique peritiâ Manliis , Scipionibus , Fabiis. cæteri que Romanorum , & Græcorum magnis nominibus pares ? Sunt omninò. Verùm seculi vitium , non virtutis defectus , ut non videantur ; cum in ea tempora non inciderint , quibus totum virtuti concedatur sine invidia , & locus , & æstimatio , & præmia , & agendi occasio : verùm potius illa hominum malignitate compressa jaceat , lateatve. Quid enim inter malitiosos possis ? Si corrigas ? dum sunt malipassim , facilè offendis multos , ideoque indignantur. Si agere velis ? invident , nec ideo juvant ; immò studiosè faciendum præpediunt , tenebras virtutialiorum inducere anantes ; ne comparatione ipsi prodantur , aut vilescant. Prisca ætas ingenua erat circa rectam simplicitatem , æquum habens virtutis intuitum ; dum plures essent recti , quàm in devia vitiorum abeuntes. Neque ideo superbia obstat , quò minùs ductum consiliorum meliorum sequerentur. Facile exinde se erigebat virtus in majus ; cum
seu

seu ageres, pensaretur: seu adiutoribus & instrumentis agendi opus haberes, præsens adessent inter bonos rectum volentes, aut quod velis, facere scientes. Facilius erat Scipioni vigente militari virtute Romana magnum Ducem pro Romanis agere, Annibalem vincere, Carthaginisque deprimere fastum, & Africani nomen pro se mereri; cum tot haberet in exercitu scientes ordinum ductores, bello iussorum *apta exequendo instrumenta*, quam si aliàs posterioribus sæculis labente disciplina, interrudes cohortium administratos armis agendum aliquid venisset. Porcio Catoni censoriam exercere erat promptius, & reducere ad normam recti omnia in urbe, in qua nondum per omnia adoleverat flagitium, & agendi licentia: quam ejus pronepoti Catoni Uticensi, cum ejus ætate prævaleret licentia, & ex opibus immensis fastus, tum insolentium turba cresceret. Nullibi igitur minus possunt recta ingentia, quam si inter eos venerint, qui scioli, præsumptuosi, & insolentes, tum rudes, tum imperiti, tum pertinaces. Exinde causa proxima est: in populari Republica concordiam vigere non posse, dum quisque præsumit audaculus, sciolusve; nec alium sequi vult, aut primatum concedit meliori: verum sibi asserit insolenter, rem in diversa trahens. Fœcunditatem ingeniorum nonnulli tunc vocant, cum potius agendi insolentia invaleseat.

Ad concordiam vero necesse
omni-

omnino, ut uni, duobusque concedatur, qui ex
 virtute praeant rectum acturi, ceteri sine icru-
 pulo, & murmure sequantur; immò juvent
 confidenter uniti, nec distrahant rem abeun-
 tes in diversa. Dum enim singuli praeire vo-
 lunt, universi confunduntur. Sed hæc obiter.
 Quantum verò ad famam, & æstimationem
 Principum virtutis, evenit illis, velut quidam
 rectè annotavit: *Tametsi unus aliquis Prin-*
ceps iisdem bonis artibus Rempublicam modere-
tur, quàm alius gloriosissimè eam moderatus est;
aque tamen acceptus futurus non sit, nec parem
habiturus laudem; nisi subditorum utriusque
quoque naturas aque probas esse contigerit. Ad-
 dam ampliùs. Nihil magis vulgus, quàm or-
 dinem odit; mavultque malos dominos, mo-
 dò sine ordine, & in licentia, quàm bonos ex-
 periri, modò sint extra ordinem, ad normam
 que legis & virtutis, tum per omnia modestiæ
 ne componantur. Exinde secùs malis Do-
 minis in subditos ars sola illecebrarum est per
 obliqua; ut cum aliquorum fortunas emun-
 gant, in alios pro insolentia sæviant, univer-
 sorum libertatem per diversa aggrediantur;
 verbo tamen familiares sint, & suaviloquio la-
 borent, arte variâ lenociniorum fucum actio-
 ni inducere amantes: præsertim dum priva-
 ta vitia, mutuas inter se insolentias, & scanda-
 la populo condonant; immò studiosè conni-
 vent in speciem licentiosæ libertatis, dum cui-
 que malum esse, & inolescere in alium, im-
 pu-

pune licet. Sic versutulorum, aut quoquo modo obliquorum amicitia inescantur magis aliqui, quàm eorum, qui ad virtutis, legisque normam se rectè componunt: dum illis prioribus libertas speciosa, & amoenitas convictus inest; hi pro virtute, & modestia, tristiore regulam vivendi, & morum quendam rigorem inducunt. *Æstimantur proinde quidem, sed non amantur.* Sic illecebræ mundi, quæ *temporalia* viris spiritualibus vocantur, plures sectatores habent; quia lætiora sunt aspectu, & ab exteriori sensu pensantur, licet exitu posthæc tristitia; quàm solidior virtus, cujus pretium & æstimatio altiori menti subjacet. Ex eodem fonte ad propositum ut redeam, *boni domini*, apud malos pejus audiunt, & non nisi amissos vulgus agnoscit, seroque dolet: econtra malicestimantur, dum illis populi sunt assuefacti, moribus, epulis, venatu, facilitate, luxuriâ tum exercitiis conformes. Sic Neronis vitia haud minus adamaverat populus, quàm virtutes aliorum veneraretur; & in Vitellio, idem observavit Tacit. *Studia populi, tum exercitiis, raro cuiquam bonis artibus quaesita perinde affuere, quàm huic per ignaviam.* Quid mirum igitur, si ne Divina quidem vulgus probat? Moyses populum ex Ægypti servitute eductum, dum ordinatissimè mollissimèque habet, dum mannae de cælo panibus, & delicata coturnice pascit, dum periculis insuper, in manu DEI potenti, promptissimè ad-

est,

est, portans populum in sinu, sicut portare solet
 nutrix infantulum; tamen murmuravit popu-
 lus contra Moysen, dicens: cur fecisti nos exi-
 re de Aegypto? utinam mortui essemus in ter-
 ra Aegypti! In mentem nobis veniunt cucu-
 meres, & pepones, & cepae, & allia. Causam rei
 scire placet: en cape. Moyses ad virtutis
 legem animos populi componebat; in Aegy-
 pto in corpora saeviebat. Hominum verò
 protervia, tristiore esse modestiam virtutis,
 & correctivam legem, dum intimum animum
 petit, quàm corporis exteriorem servitutem,
 clarè patet. Aegyptus crassa carniùm epula,
 & ignobiles delicias servilibus ingeniis obtru-
 debat; Moyses altiore escam suppeditabat,
 & asserebat, sed non sine regula, libertatem.
 Quorum non nisi ingenui, altiorisquæ mentis
 homines sunt capaces; illa ingeniis absurdis
 & non intelligentibus, quæ sensu exteriore so-
 lùm res pensant, non placent. Præsentia
 minora dum intuentur, infascinati, futura ma-
 jora negligunt, simulque obtrestant superiori-
 bus. Tamen universim, ut verum fatear, in-
 vidia, sermones vulgi, & acerbior censura in
 principes viros, aut quoquo modo æstimatos,
 præsertim, qui admoneri per singulos ne-
 queunt, tùm in quos nulla potestas est, non
 obest, sed necessaria plurimum est, idque
 communis boni causâ. Esi enim immeritò
 jactentur; prodest tamen, ne depraventur,
 qui boni sunt: immò ad altiora calcar habent,

ve-

velut præmoniti, dum intrò se, num verum sit, introspiciunt, & simul *humanorum* admonentur. Sin vera est, in melius corrigit; vel saltem, ne peiores evadamus, acerbitate aut metu majoris ignominie nos coërcet. *Mérito constitutus est honor in opinione aliena; ut scilicet in metu simus; cumque actiones nostra ab aliorum dependeat judicio, omnibus satisfacere studeamus.* Etiam *Libertatis in Republica signum est, obrectatio.* In ea enim, quam tyrannis oppressam jam tenet, neutiquam permittitur. Didac. Savedra Symb. XV.

65 Ultimum monitorum illud esse debuerat. Sed manum amoveni de tabula, en occurrit dictum ore ab Ethnico, verè tamen Catholicopoliticum, tibi, alteri, mihi que mature sciendum. *Qui notus nimium vivit omnibus, ignotus moritur sibi.* Vel quod rectius Divus scriptor. *Qui vixit velut immemor DEI, moritur in fine tandem oblitus sui.* Felix vivit, qui medios inter negotiosi seculi dies, & fortunæ blandimenta, furto sibi subducit horas: aut saltem extrema vitæ applicaturus DEO, explicat se spontè ab humanorum curis; rectius illas deserturus ipse, quam ut relinquatur iocitus ab illis. *Minimum est, quod restat vita seni decrepito.* Barthol. Gramon, dus l. 2. Hist. Gall. *Quique Reipublicæ & amicis planè inutilis est, annus unus & alter, quo victurum se sperat, multum eternitati valet.* *Momento paratur eternitas felix aut in-*
for.

fortunata, qualem sibi quisque procurat. Non immeritò Seneca illudit senibus humana nimis studiosè disponentibus, in multos velut annos victuris. Nihil turpius est, quàm senex vivere incipiens. Pulchrum immò, dum vivimus senes; sed mortui mundo, victuri tandem nobis, cùm vivimus DEO.

A DEI nomine incepti hæc monita, in eodem finivi, qui mihi rerum Alpha & Omega; tuisque actionibus, utinam sit oportet; immò sit, necesse omnibus. Dum verò ad eum nostra plenè dirigentur; ut quid bonis opus, his aliorumque monitis? Secus, quo magis à Divinorum cogitatione, & amore, quasi ab ultimo summòque bono recedimus, neque hæc, aut mille talia, satis ad cautionem, rectè agendum sufficient in doctrinam. Etenim quo magis sumus erronei circa eligendum verum bonum: plùs in passiones animi incurrimus: & variò illidimur, quàm ut navari cautio possit. Turbamus inquieti alios; & turbamur vicissim ab illis. Scire enim, brevi compendiosorem grandem te oportet.

Commotiones, seu *Passiones animi* oriri ex *absentia* aut à *prasentia* boni, sive veri, sive *opinativi*. Per se autem verum, & perfectum bonum non est, nisi solus DEUS. Nam reliqua bona sunt ab hoc, vel propter hunc, id est, in hoc. Quæ autem extra hunc, sunt tantum non solida, finita, transitoria, aut *opinativa*, vel falsa bona: prout cujusque opinio

ex temporali sibi statuit, & ex appetitu falso. Immo, si penitus perpenderit, sunt verè ipsa mala. Ideoque post lapsum primi parentis, & post amissam originalem gratiam, velut possessionem DEI, id est, veri, summi, & ultimarij Boni, passionibus animi non possunt non esse in homine; dum quiescere non potest, sed per hæc, aut illa vagatur, velut in via, quærit, & invenit quodammodo; nec materialibus, (*mentem enim habet immaterialem, animumque*) planè satiatur sed irritatur verius, dum est extra metam perfecti boni positus. Adipisci verò illud non potest, nisi pro sorte meritorum post emensam vitæ viam occupet in visione DFUM; qui uti infinitus est, solus vastam, & planè infinitam mentem hominis sufficientissimè implebit, & perfectissimè terminabit. Immo in hac vita, qui magis DEUM animatus meditantur, minus de illicitis animi passionibus habent; dum falsi, opinativi, nec proportionati hominis animo boni contemptores, & incurij, meditationem Divinitatis, quasi in possessionem veri Boni, maturè, & ante tempus incipiunt involare. Atque hinc est *materia, & causa omnium Virtutum*, nempe ex studio, qui est unicus finis humanæ voluntatis, & actionum, habendi veri, summi, & perfecti boni: e contra ex ejus absentia, tum errore in eligendo, aut malitiosa inconstantia in quærendo, est causa commotionum, & passionum animi; tum ex non domitis passionibus causa, immò materia vitiorum.

D. O. M. A.

Quod

BONUM, FELIX, FAUSTUM,
FORTUNATUMQUE SIT

Huic Almae, ac Celeberrimae
UNIVERSITATI GRÆCENSIS,
Senatui Philosophico, totique
Reipublicæ Christianæ

Sub Amplissimo ac Admodum Reverendo

P. SIGISMUNDO
PUSCH, è S. J.

AA. LL. & Phil. ac SS. Theol. Doctore,
Almae ac Celeberrimæ Universitatis
Græcensis Cancellario,

Anno à partu Virginis M. DCC. XXVII.

Mense Augusto, Die VI. Horâ VIII Matuti-
nâ Actus Academicus Celebratus est.

In quo

Illustrissimi, Perillustres, Reverendi, Reli-
giosi, Prænobiles, Nobiles, Eximii, & tam eru-
ditione, quàm virtute conspicui DD.

AA. LL. & Philosophiæ

BACCALAUREI,

In Aula Academica Archiducalis Soc. JESU
Colleg. ad supremam Philoſ. Lauream con-
sequendam per Eundem Licentiâ donati:]

DEINDE PROMOTORE

R. P. IGNATIO KAMPMILLER,
è Soc. Jesu, AA. LL. & Phil. Doctore, ejus-
démque Professore Emerito, supremâ Doct.
Phil. Laureâ condecorati sunt.

NOMINA PROMOTORUM.

Illustrissimus D. Franciscus Ferdinandus
S. R. I. C. à Schrattenbach, Styrius
Græcensis, *Defendit Universam.*

Rev. ac Rel. D. Theodoricus Kalcheg-
ger, Ord. S. Aug. Coll. Eccl. ad D.
Thomam in Vorau Can. Reg. *Defendit*
Universam.

I.

D. Joannes Ernestus Stifter, Nobilis Bo-
hemus Prachaticensis, è Cæs. Ferdin.
Alumnus, *Defendit Universam.*

D. Georgius Sebastianus Spreng, Præno-
bilis Hung. Albæ. Reg. ex Archi. Duc.
S. J. Conv. Coll. *Defendit Universam.*

Rev. D. Joannes Bapt. Ivich, Civis Iltri-
anus Gallignanensis, Presbyter, *Defen-*
dit Universam.

I.

D. Joannes Josephus Letshnig, Civis Ca-
rinthus Guettenstein. è Cæs. Ferdn.
Alumnus, *Defendit Universam.*

Rev. D. Lucas Deuchich, Nobilis Dal-
mata Segnienensis, Presb. *Defendit Uni-*
versam.

D. Mathias Petek, Civis Styrius Lueten-
bergensis, *Defendit Universam.*

D:

D. Alexāder de Jacquier, Perillustriſ
Hungarus Eſſekinenſis, ex Cæſar. Fer-
dinandæo, *Defendit Univerſam.*

3. D. Franciſcus Xaverius Unruehe, Præ-
nobilis Auſtriacus Neſtadienſis, *De-
fendit Univerſam.*

1. D. Joannes Joſephus Aſchbacher, Civis
Tyrol. Achenthalenſis è Cæſ. Ferd.
Alumnus, *Defendit Univerſam.*

D. Philippus Neriſ Prugger, Nobiliſ Styruſ
Kindbergenſis, ex Archi-Duc. S. J. Conv.
Coll. *Defen. Univerſ.*

D. Joannes Kren, Civis Styruſ Kleinſtöttenſis,
Defen. Univerſ.

Rev. D. Joannes Mikez, Civis Styruſ Saxen-
feldenſis, ex Arch-Duc. S. J. Conv. Coll.
Alumnus Erneſtiano-Gyrienſis, *Def. Univ.*

D. Michaël Joſephus Corpitſch, Civis Ca-
rinthus Greinenſis, ex Archi-Duc. S. J.
Conv. Coll.

D. Joannes Bapt. Karrer, Civis Suevuſ Aur-
bacenſis.

D. Joannes Joſephus Garzarolli, Prænob.
Carnioluſ Senoſczenſis.

D. Matthæuſ Leſkovicz, Plebejuſ Carnioluſ
Hyper-Labacenſis.

D. Georgiuſ Fridericuſ Niderpauer, Civis
Auſtriacuſ Vienneniſis.

D. Georgiuſ Gaſſer, Officialiſ Styruſ Græc.

D. Joannes Georgiuſ Sigeriſt, Civis Suevuſ
Mengenſis.

R D. Joannes Xaveriuſ Langkmayr, Prænob.
Styruſ Græcenſis.

G

D.

- D. Georgius Fez, Civis Egenfis è Sylva Brigantina.
- R. D. Franciscus Xaverius Hettinger, Prænobilis Styri Græcensis.
- Rev. D. Andreas Poli, Civis Styri Fürstfeldensis.
- D. Tobias Salmbhoffer, Civis Styri Fridbergensis.
- D. Joannes Michaël Pokornig, Officialis Croata Creizenfis
- * D. Valentinus Toffoleti, Civis Italus Gortienfis.
- D. Cyprianus Wimberger, Civis Austriacus Welfensis.
- D. Antonius Alteneder, Civis Styri Weizenfis.
- R. D. Franciscus Josephus Prigl, Civis Tyrolensis Epponenfis, Presbyter.
- Rev. D. Joannes Wapppauer, Civis Styri Fischbachensis.
- R. D. Jacobus Rudolph, Civis Styri Murtensis.
- D. Josephus Adrinegg, Civis Styri Weitensteinensis.
- D. Joannes Thomas Sorger, Civis Styri Trofsejensis.
- D. Josephus Melchior, Civis Carinthus Gammundenfis.
- D. Joannes Pilgramb, Civis Carinthus Veltkirchenfis.
- D. Franciscus Ignatius Pauer, Officialis Styri Weyerensis,

D. Joan

Bri- D. Joannes Jacobus Raniger, Civis Aust. Pas-
savienfis.

eno. D. Josephus Antonius Wolff, Nobilis Styrius
Aufseensis.

sten- R. D. Primus Plofnig, Civis Styrius Mahrn-
bergensis.

Frid- * D. Joannes Pichlmayr, Civis Styrius Græ-
censis.

ialis D. Mathias Possinger, Civis Styrius Hochen-
eggenfis.

Gori- D. Elias Ignatius Trost, Civis Carniolus Vi-
pacensis.

Extra Ordinem.

Wei- Rev. ac Rel. D. Alphonfus Tinn, Sacri &
Exempti Ord. Cist. Cel. & Antiquiff. Mo-
nast. B. V. M. de Runa Professor, SS.
Theologiæ in 2dum annum Aud.

yro- Rev. ac Rel. D. Andreas Mändl, Sacri &
Exempti Ord. Cist. Cel. & Antiquiff. Mo-
nast. B. V. M. de Runa Professor, SS. Theo-
logiæ in 2dum annum Aud.

yrus D. Joannes Georgius Kraskoviz, Civis Car-
niolus Labac. SS. Theologiæ in 2dum an-
num Aud.

Ga- R. D. Ignatius And. Gerdacovich, Liburnus
Flumin. SS. Theol. in 1. mum annum Aud.

Velt- R. D. Petrus Paulus Cpowaz, Carniolus Laba-
censis, SS. Theologiæ in 1. mum annum
Aud.

Sty. R. D. Ignatius Vitus Franul, Nobilis de
Weiffenthurn, Lib. Flum. SS. Th. in pri-
mum

imum annum Aud. ex Archi-Duci S. J.
Conv. Coll.

R. D. Ferdinandus Leeb, Theologiæ moralis
in 2dum annum auditor, Presbyter.

*Problemata in actu deci-
denda.*

- I. Utrùm arma, an literæ
ad Nobilitatis splendo-
rem plus conferant?
- II. Utrùm animo ingenuo
paupertas, an servitus
gravior accidat?

O. A. M. D. G.



S. J.

oralis


ci-

ræ

o-

io

us



Biblioteka Jagiellońska



stdr0024845

